


# ELEMBO

 Bokoki kofanda. Mbote na bino nyonso! Esengo kozala lisusu na mosala ya Nkolo na ntongo oyo, na . . . Naye baki te soki tolingaki kozonga to te, kasi Nkolo afungolaki nzela, pe tozongi mpo na liyangani lelo. Sikawa, tozolikya kolekisa ba-ngonga malamau lelo, na ntongo oyo, na liteya ya eteyelo ya lomingo oyo, kati na Liloba. Pe lelo na mpokwa, ekozala lisusu liyangani ya lobiko na nzoto, yango ekolandana ná liyangani ya elambo.

<sup>2</sup> Sikawa to—tokobulisa bebé moko, nabanzi . . . Ndeko Neville azalaki koyebisa ngai ete moto moko azali na bebé ya kobulisa. Na bongo, soki bakoki koya na bebé yango na ngonga oyo. Pe ndeko na biso akotikala, to moko na bango, na orgue to piano, moko na yango. Na bongo, bóyá na bebé yango awa. Tokosala mosala yango ya kobulisa; mpo tókoka kokota mbala moko, na lombangu mpenza, na Liloba.

<sup>3</sup> Mpamba te, tolingaka ko—kolekisa ntango mingi na Liloba. Yango nde—yango nde eloko ya motuya, kopesa mpenza ntango na biso na Liloba na Nkolo. Na bongo tozongisi matondi mingi mpo na libaku malamau ya kokutana na bino nyonso awa lelo, pe ya . . . pe mpo na—na liyangani oyo.

<sup>4</sup> Na ntembe te, nasali libunga. Ezali malamau, ndeko mwasi. Na—na—nakanisaki ete ezalaki bongo. Ntango mosusu ezali bobele libunga. Malamau. Sikawa, natondi bino mingi, ata bongo. Ntango mosusu likambo yango, nakanisi eyeli na nzela na moto mosusu, na nzela na moto mosusu, pe ekómisi yango mwa kokoso.

<sup>5</sup> Sikawa moto nyonso azali komiyoka malamau? [Losambo elobi: “Amen.”—N.D.E.] . . . ? . . . Matondi epai na Nzambe!

<sup>6</sup> [Ndeko Neville alobi: “Ye oyo ayei ná bango.”—N.D.E.] Sikawa, oh, iyo, tala bana mike yango bango oyo. Bólimbisa ngai. Nasengi. Malamau, okoki koya, mpaka? [“Iyo, misie.”]

<sup>7</sup> Ee, bana basi mibale ya kitoko mpenza, bana basi ná miso kitoko! Hah? Azali kitoko. Nkombo na ye nani? Tala awa! [Mama alobi: “Jennifer Lee.”—N.D.E.] Jenny? [“Jennifer Lee.”] Jennifer Lee. Nkombo ya libota ezali nini? [“Serept.”] Serept. Bouti wapi, Ndeko mwasi Lee? [“Na Versailles, na Illinois.”] Na Versailles, na Illinois. Kitoko mpenza!

<sup>8</sup> Sikawa, na Biblia. Sikawa, na momesano, ba—bazalaka na libatizi moko ya bana mike; biso tondimaka libatizi ya bana mike te, mpo basali naino lisumu te, mpamba te bazali mike mingi. Kasi tondimaka kobulisama ya bana mike epai na Nkolo. Sikawa

ngai ná mpaka tokotiela bebé moke yango maboko. Olobi, Jenny? [Ndeko Neville alobi: “Jennifer.”—N.D.E.] Jennifer. Malamu.

Togumba mitó.

<sup>9</sup> Tata na Likolo, na ntongo oyo, tomemeli Yo mwana mwasi moke oyo na nkombo Jennifer, mama ná balingami na ye bauti na ye mosika, mpo abulisama epai na Nkolo. Toyebi ete, na mikolo na Yo, Otiaki maboko na Yo likolo na bana mike ya boye, pe—pe Olobaki: “Bótika bana mike báya epai na Ngai, bopekisa bango te, mpamba te Bokonzi na Likolo ezali lokola bango.” Sikawa topesi ye epai na Yo, mpo na bomoi ya mosala, na Nkombo na Yesu Klisto. Amen.

<sup>10</sup> Mwana mwasi moke oyo mosusu, nkombo na ye nani? [Mama alobi: “Connie Lynn.”—N.D.E.] Connie Lynn. Malamu, Connie moke, mpo na yo, namiyoki lokola mwana moke. Oh, obangi? Oh, namoni lokola ete ekosimba te, mama. Malamu.

Togumba mitó.

<sup>11</sup> Nkolo Yesu, mama oyo amemeli biso Connie moke na ntongo oyo, mpo na mosala ya kobulisama epai na Oyo-na-nguayan-nyonso. Opesaki ye mwana oyo, mpo ábokola ye, pe amemi ye epai na Yo, elongo ná ndeko na ye ya mwasi. Nabondeli, Tata na Likolo, ete Óyoka mawa. Pambola libota yango. Pambola mwana mwasi moke oyo. Wana totieli ye maboko, na Nkombo na Yesu Klisto, topesi ye epai na Yo mpo na bomoi ya mosala. Amen.

Nzambe ápambola yo, ná bana mike na yo kuna.

Oh! la la!, tozali na ebele ya ba-bebé sikawa!

<sup>12</sup> Mwana mobali moke yango, nkombo na ye nani? [Mama alobi: “Joel Lee Watson.”—N.D.E.] Joel Watson. [“Joel Lee.”] Joel Lee Watson. Oyo mwana mobali kitoko, ná miso minene ya bléu! Oh! la la! Bino nyonso bouti wapi? [“Na Eastman, na Georgie.”] Na Georgie. [“Um-hum.”] Nakanisaki ete bouti na Súdi. Nayebaki te. . . [“Ee, ndako na biso ezali pembeni ya Tifton. Ezali kuna.”] Oh, iyo. Oh, Mbote! Boye, oyo azali mwa mwana mobali moko kitoko ya Georgie, ah? Malamu, misie. Iyo, misie, ezali mpenza malamumu. Ayebi pe koloba. Boye te?

Togumba mitó.

<sup>13</sup> Tata na Likolo, toyei na mwa mwana mobali kitoko oyo, wana mama pe tata na ye batelemi awa mpo na—mpo na kopesa lokumu na libala na bango. Osili kopesa bango mwana mobali oyo mpo babokola ye, pe bango bamemi ye lisusu epai na Yo. Oyo e—ezali likambo moko kitoko mpenza, lokola Ana, ya kala, oyo abondelaki mpo na kobota mwana; pe—pe Nzambe apesaki ye mwana, pe amemaki ye lisusu na tempelo ya Nzambe, mpo na kobulisama. Nkolo, sala ete mwana mobali oyo ázala mosali na Yo, ete tata pe mama na ye bápambolama, bázala na nzoto kolongonu pe makasi ya kobokola ye. Pe tika ete ábika bomoi ya molai pe ya esengo, pe ázala mosali na Yo, wana topesi ye epai

na Yo, na Nkombo na Yesu Klisto. Amen. (Ápambola bino!) Sala ete ázala mobali malamú, ntango mosusu mosakoli moke mosusu lokola Samuele.

<sup>14</sup> Sikawa bótala bana mibali mibale ya kitoko. Oh! la la! Bazali nde misato? Ee, ezali libota mobimba. Nkombo na yo nani? [Mwana mobali yango alobi: “Michael.”—N.D.E.] Michael. Bongo oyo ya yo? [Mwana mobali mosusu alobi: “Paul.”] Paul. Bankombo kitoko mpenza! Bongo oyo ya yo? [Mwana mwasi alobi: “Debbie.”] Debra. Ezali mpenza kitoko. Michael, Paul, ná Debra. Nkombo ya libota na bino ezali nini? [Tata alobi: “Ellis.”] Ellis? [“Iyo.”] Ee, ezali mpenza libota moko moke ya malamú, nalobi na bino.

<sup>15</sup> Boyebi, ntango namonaka bana mike boye, ezongisaka ngai ntango nyonso na ntango oyo nazalaki mwana mobali moke. Boyebi, liseke ya kala elobá: “Lelo bazali konyata yo na makolo, lobi bakonyata yo na motema,” kasi nandimi te ete ekozala bongo soki tobulisi bango epai na Nkolo. Tozali na mokumba moko awa, pe Nzambe nde atii oyo na maboko na bino. Asálá ete ózala motei pe. Nalobaka ntango nyonso na ntina na basi batei, boyebi, kasi mama nyonso azali motei; ndakonzambe na ye yango oyo, bomoni, kobokola bana mike oyo malamú, wana papa azali na mosala. Pe bozali na mokumba. Nzambe ápambola bino nyonso mibale. Bozali na mwa libota moko ya malamú.

<sup>16</sup> Tata na biso na Likolo, toyei na Michael moke, azali lokola mwana ya liboso. Pe totii maboko na biso likolo na ye, mpo na kobulisa ye, epai na Yesu Klisto. Libota na ye bamemi bana mike na bango mpo Otii mwana oyo na—na nsé ya kobatelama na bango, pe bayebi ete bakoki te, kozanga lisungi na Yo, boye bamemi mwa libota na bango, mpo na kobulisa bango.

<sup>17</sup> Sikawa napesi Michael moke oyo epai na Yo, mpo na bomoi ya mosala, na Nkombo na Yesu Klisto. Ndenge moko, totii maboko likolo na Paul moke, pe tobulisi bomoi na ye epai na Yesu Klisto, mpo na bomoi ya mosala mpo na nkembo na Nzambe. Pe likolo na Debra moke, totii maboko likolo na ye, Tata, mpo na kobulisa ye, na ekaniseli ya Yesu Klisto, Oyo atiaki maboko na Ye likolo ya bana mike, pe alobaki: “Bótika bana mike baya epai na Ngai; bópekisa bango te.” Tika ete bomoi ya mwana mwasi moke oyo épambolama kati na Bokonzi na Nzambe.

<sup>18</sup> Pambola tata ná mama, pe tika ete bábika bomoi molai ya esengo, mpo bámona bana na bango kati na mosala na Nzambe. Tosengi lipamboli oyo mpo na nkembo na Nzambe, wana tobulisi bango na Nkombo na Yesu Klisto. Amen.

Ápambola yo! Ápambola yo! Bozali mwa libota moko kitoko. Iyo.

<sup>19</sup> Ezali mpenza. . . Boyebi eloko nini nazokanisa? Bana mike ya basi bakómi, bazali kitoko mingi sikawa koleka ndenge bazalaki ntango ngai nazalaki mwana mobali moke. Iyo, misie.

Oyo miso minene ya kitoko mpenza! Nkombo na ye nani? [Mama alobi: “Joanna.”—N.D.E.] Joanna. Pe nkombo na bino ya libota ezali. . . [Tata alobi: “Blair.”] Blair, Joanna Blair. Bino baoyo bozali kotala, kuna na sima, azali kitoko, boye te? Iyo, misie. Boye nsango boni, Joanna, hah? Mwa nsoni-nseni, ah-ha, mwa nsoni-nseni mpenza. Mwana moko kitoko.

Togumba mitó.

<sup>20</sup> Tata na biso na Likolo, libota oyo ya ba-Blair bazui likabo oyo na libala na bango, Joanna moke oyo. Pe toyebi ete mikolo ezali mabe, oyo Satana azali na bisika nyonso, mpo na kobundisa, koleka mingi bana basi ya mike oyo. Pe bango bayebi ete bakoki mpenza te mpo—mpo na kobokola ye malamumu. Pe balingi ete ábokolama malamumu, pe mpo—mpo ázala mosali na Yo. Pe bazali kobokola mwana mwasi moke oyo mpo na lokumu na Yo. Pe sikawa bamemi ye, mpo na kobulisa ye, epai na Yo. Totii maboko na biso likolo na ye, na Nkombo na Yesu Klisto, wana tobulisi Joanna Blair moke na Bokonzi na Nzambe, mpo na nkembo na Nzambe. Amen.

Ápambola yo, Ndeko Blair. Nkolo ázala na bino.

<sup>21</sup> Mbote, misie! [Tata alobi: “Mbote!”—N.D.E.] Oyo mwana mobali kitoko mpenza! Hé, nsango nini? Ee, Oh! la la!, okozala lisusu kitoko soki obaluki na ngambo oyo boye. Iyo, misie. Azali na mwa motó ya kitoko mpenza, ná elongi oyo ebongi na yango. Ah? Nkombo na ye nani? [“Daniel Mark.”] Daniel Mark. Bongo oyo ya yo ya libota? [“Mark Kardum.”] Hardum. [“Kardum.”] Kardum, Daniel Mark Kardum.

<sup>22</sup> Bozalaka pembeni awa, Ndeko Kardum? [Ndeko Kardum alobi: “Sikawa, na Engumba ya Melkerk.”—N.D.E.] Iyo, misie. Ozali moto ya wapi? [“Nazali moto ya Etuka ya New York.”] Etuka ya New York, ozali Yankee, malamumu. [“Iyo.”] Ee, ezali etuka monene. Nazali na mwa bandeko na ngai oyo bafandaka kuna. Noko na ngai afandaka na Plattsburgh. Oh, nalekisaki ntango malamumu mingi na New York. Nakokende kuna mpo na mayangani na ngai oyo ekolanda, na New York City, na losambo The Stone Church kuna. Malamumu.

<sup>23</sup> Sikawa, olobaki nkombo na ye Mark? [Tata alobi: “Daniel Mark.”—N.D.E.] Daniel Mark, mwana mobali moko moke ya malamumu mpenza!

Togumba mitó.

<sup>24</sup> Nkolo Yesu, tomemeli Yo Daniel Mark moke, mpo na kobulisa bomoi na ye. Mokumba epesameli na maboko ya tata ná mama, ya kobokola mwana moke oyo na kobanga Nzambe. Pe bayebi ete bango bakoki te, boye bamemi ye epai na Yo, Nkolo, mpo Ópambola bomoi na ye. Pe, sikawa, toyebi ete eleko oyo tozali kobika kati na yango, ezali mabe. Tozali komona bana mike oyo, toyebi te eloko nini lobi ezali na yango, kasi, ézala soko nini, topesi bango na loboko na Yo. Totii maboko likolo

na mwana mobali oyo, pe tobulisi bomoi na ye epai na Yo, mpo na bomoi ya mosala kati na Bokonzi na Nzambe, tobondeli na Nkombo na Yesu. Amen.

<sup>25</sup> Nzambe ápambola yo, ndeko. Azali mwana mobali kitoko. Ápambola yo, Mark moke.

Oh . . . bango, bómema bango,  
 Bómema bango mosika na bisika ya masumu;  
 Oh, bómema bango, bómema bango,  
 Bómema bana mike epai na Yesu.

Ezali kitoko mingi! Matondi, ndeko mwasi.

<sup>26</sup> Bato boni bazalaki awa mokolo ya lomingo, baoyo tobondelaki mpo na bango mokolo ya lomingo eleki, oyo bazui mbano yango pe bayoki ete babikisami? Bótombola maboko, baoyo tobondelaki mpo na bango. Oh! la la! Bótala awa, pene na bango nyonso.

<sup>27</sup> [Ndeko Neville alobi: “Aleluya! Ezali kitoko mingi, boye te! Nzambe asanzolama! Nazalaki koyoka bato kolobela yango, mpóso mobimba.”—N.D.E.] Iyo, misie. Ngai pe. Nakosepela kaka kofanda mpo na koyoka, bomoni.

<sup>28</sup> Bomoni, likambo moko ezali kosalema, nakoyebisa bino yango sima, na ntango moko, bomoni, ezali—ezali nkembo pe kitoko mingi. Pe soki to . . . Tokolobela yango, na liyangani mosusu, boyebi, na ntango moko. Euti bobele kobanda kosalema, pe tozongisi matondi mingi mpo na yango.

<sup>29</sup> Pe nazalaki na Kentucky, ndenge nasalaka mibu nyonso, kokende kuna. Nazalaki kuna elongo ná baninga na ngai mosusu. Pe ezalaka mpenza mpo na bokila ya bisende te, pe boyebi yango, bomoni.

<sup>30</sup> Bongo tozali mpenza kolekisa ntango moko ya nkembo, pe tozongisi matondi epai na Nkolo!

<sup>31</sup> Nasengeli kokende sikawa, nasengeli kozonga ndako sima na liyangani oyo. Na sima, pe tozali . . . Na sima nakozonga lisusu, sima na ntango moke, mpo na kokende na New York na liyangani moko. Pe soki tokozua libaku ya kotelema awa mwa moke, ee, to—tokosepela kozala na liyangani mosusu awa na tabernacle.

<sup>32</sup> Na na sima nasengeli kozonga, mpo na kokende na Shreveport. Na sima nde tokozonga ndako, pe tokani kozala awa na ntango ya bafeti, soki Nkolo alingi, mpo na kozongisa libota. Na bongo—na bongo nalingi ko . . .

<sup>33</sup> Na sima liyangani na ngai ekobanda na Phoenix, na sanza ya yambo. Ezali mayangani ya mobu nyonso kuna mpo na ba-Hommes d’Affaires Chrétiens. Pe pene na mpóso moko to mikolo zomi liboso na yango, nakomeka ko—kofutela esika monene wana . . . Bato ya Nom de Jesus; ezaláká Ndeko Garcia, nde—ndeko wana ya espagnol azaláká na esika moko monene pe kitoko kuna. Bauti kotonga yango. Ezali na bisika ya kofanda

nkoto na nkoto, ya sika, pe losambo na bango ezali mpenza moke. Bayebisaki ngai ete nakoki kofutela yango ntango nyonso nakolinga. Na esika ya ko—kotambola-tambola, kaka zingazinga na vallée oyo, losambo na losambo, nakanisi ete nakosangisa makambo nyonso na liyangani kaka ya monene, bomoni, na bongo kosala yango wana.

<sup>34</sup> Na bongo tokoki kofutela tempelo yango. Tokotala sikawa soki tokokoka, na bongo tokosala Likita ya ba-Hommes d’Affaires Chrétiens. Bongo, Kino makambo nyonso ébongisama mpo na mibembo na mikili mosusu, tokomeka kosala mayangani na ngambo ya Sudi, na sanza ya yambo, ya mibale, pe ya misato, na bituka ya Sudi. Na sima—na sima nde kokende. . . mpamba te, soki tobandi sikawa pe tokei na Afrika. . . Bomoni, na eleko ya Noël oyo, mpo na bango, ezali mokolo ya minei na sanza ya nsambo. Bomoni, ezali—ezali eleko ya mbula pe ntango mabe, pe bokoki kokende kuna te na ntango wana, na bongo ngonga malamau ya kokende kuna ezali ndéle sima. Na bongo tolingi kobanda, soki tokokoka, na Norvège, pe kobaluka mokili mobimba, pe kopusana moke-moke na Afrika, mpo na kosukisa kuna, soki Nkolo alingi.

<sup>35</sup> Kasi bóbondela mpo na biso sikawa. Tolingi bino, pe boyebi yango. Na bongo tozali kolikia komona makambo mingi ya minene, koleka nyonso oyo tokoki kosala, to ata kokanisa ete Nkolo akoki kosala.

<sup>36</sup> Pe tondimi, na mpokwa oyo, ete ekozala liyangani monene ya lobiko na nzoto. Nandimi ete ekozala na. . . Nakoteya bobele mwa moke, mpo tozali na elambo na mpokwa ya lelo. Na boye, pene na miniti ntuku mibale to ntuku misato, na sima tokosala molongo ya mabondeli, na—na bongo mbala moko sima na yango, tokolia—tokolia elambo. Pe boyei malamau soki bokotikala elongo ná biso; ekozala esengo mpo na biso. Bisó tosalaka e—elambo mpo na biso moko te. Ezali mpo na mondimi nyonso, mondimi nyonso.

<sup>37</sup> Yambo nátanga Likomi, nayebi te soki tokoki kogumba mitó mwa miniti moke. Nakosenga na moninga na ngai malamau, Ndeko Lee Vayle, soki akolinga kokamba biso na liloba moko ya libondeli, ete Nzambe ápambola Liloba na Ye. Ndeko Vayle, okolinga kosala yango mpo na biso?

[Ndeko Lee Vayle abondeli sikawa—N.D.E.] Amen. Kokisa yango, Nkolo. Kokisa yango, Nkolo. Kokisa yango, Nkolo. Iyo, Nkolo. Amen.

<sup>38</sup> Sikawa, na botosi pe limemia nyonso, tobelemi na Liloba. Sikawa nalingi kotanga, na ntongo oyo, na Esode mokapo ya 12, pe kobanda na molongo ya 12, molongo ya 12 ná ya 13, elongo. Pe bóyoka na bokebi sikawa. Na bongo liboso ya elambo na mpokwa ya lelo, bótanga mokapo ya 12 ya—ya Esode, mokapo mobimba; mpamba te kaka na molongo ya 11 awa, ezali komilengela mpo

na mobembo, pe elambo liboso na mobembo. Sikawa tolingi kobelema na yango na limemia nyonso. Sikawa molongo ya 12 ya mokapo ya 12:

*Mpo ete ngai nakoleka kati na mokili na Ezipito na butu yango, pe nakoboma bana ya liboso nyonso na mokili ya Ezipito, ná ya bato ná ya bibwele; Ngai nazali Yawe: Nakosambisa banzambe nyonso na Ezipito.*

*Makila ekozala elembo mpo na bino, na ndako esika bozali: pe ntango nakomona makila nakoleka likolo na bino, pe etumbu ekokitela bino te mpo na koboma bino, wana nakobeta mokili na Ezipito.*

39 Tika ete Nkolo ápambola Liloba Mosantu na Ye!

40 Sikawa nalingi kozua liteya moko uta na wana, bobele liloba moko ya lettre mitano: *Elembo*. Elembo! Nalingi kolobela liloba yango, to koteya liteya oyo ya eteyelo ya lomingo, likolo na liloba oyo “elembo.” Biblia elobi awa: “Makila ekozala elembo mpo na bino.” Pe tolingi kosalela liloba oyo “elembo.”

41 Sikawa toyebi te; ntango natali sáa, pe soki ngonga ekoki, ee, oyo ezali . . . Nakomaki Makomi ebele, ebele awa. Boye ezali te. . . Pe nayebi ete nakozala elongo na bino te, mpo na mwa ntango. Pe tokoyeba ndenge nini soki oyo ekozala mbala ya suka te, oyo bamosusu kati na biso bakokútana? na bongo tómeke kobelema na likambo Yango na limemia nyonso. Nayebi ezali makambo makasi. Nkolo asili kopesa biso pe—pe ntongo kitoko sikawa, mpo na liyangani, kitoko mpenza. Pe tómeke sikawa kotia makanisi na biso nyonso likolo na makambo nyonso oyo—oyo tokolobela, na lolenge ete . . . soki eloko moko ezali na kati kuna, oyo Nkolo akolinga ete bóyeba, ete épésamela bino.

42 Pe totelemaka awa te bobele mpo bato bámona biso. Toyaka awa ata moke te kaka mpo bato mosusu bámona bilamba oyo tolataki. To . . . Biso, biso toyaka awa mpo na likambo moko, ndenge ndeko na biso alobaki na libondeli: “Tozali awa mpo na koyoka Liloba, mpo Liloba ezali koya epai na biso.” Tolingaka Yango, mpo yango nde eloko bobele moko oyo ekozala na motuya mpo na biso, eleko moko oyo ekozala na motuya monene mpenza, oyo—oyo ekosunga biso.

43 Pe tozali libota oyo ezali kokufa. Bato nyonso bazali kokende na ngambo ya Seko-na-seko. Na bongo tozali na ntango oyo mpo na kozua mikano mpo na kopona nzela nini tokolanda. Pe nzela ezali liboso na biso; tokoki kokamata ngambo moko to mosusu oyo biso tolingi kopona. Yango ezali lolenge oyo Atiáki Adama ná Eva, pe yango ezali lolenge oyo Atii biso.

44 Tosengeli komikanisela, ete ata likambo nini tozosala, to boni boni tozali malamau, na bomoi, kozanga Klisto, tosili kobungisa mpenza nyonso. Boye soki Ye, sima na . . . Soki Ye azali nyonso oyo ekoki kozala mpo na kotalela, na bongo tokozala bato na bolema mpenza koboya koyamba Yango, kozala, pe—

pe kolinga Yango. Bobele koyamba Yango te, kasi kokóma na likambo moko ya monene koleka oyo wana. Sima na kozua Yango, kozua Yango te mpo na kotiya Yango na etáláká. Yango esengeli kotiyama na mosala.

<sup>45</sup> Ndakisa kokende epai na monganga kozua nkisi, na sima kotia yango na etáláká. Soki okei kozua nkisi, melá nkisi yango. Soki bokono moko ezali kotungisa yo, pe nkisi oyo nde esengeli kosunga yo, yo melá oyo ye apesi yo; pe pesa yango bobele ndenge alobi, mpamba te, mbala mosusu, bobele mwa miníti moke, ekopesa bokeseni monene na lolenge opeseli yango. Pe ndenge tokoyeba . . .

<sup>46</sup> Kasi na likambo oyo, lelo, bobele ntango moke ya mokano na yo ekoki kotalisa esukeli ya Seko na yo. Melá Yango ndenge Ye apeseli yo Yango.

Elembo, “Makila ekozala elembo mpo na bino.”

<sup>47</sup> Sikawa, ya liboso, elembo ezali eloko nini? Ezali liloba oyo tosalemela mingi epai na biso baoyo tolobaka lokota ya Anglais, mingi mpenza awa na Amerika. Elembo ezali e . . . Na bosolo, dictionnaire elobi ete elembo ezali elembetele, ezali elembetele ya tiké, ya ntalo efutami, bomoni; ete ti—tiké, to ntalo, ntalo oyo esengamaki esili kofutama.

<sup>48</sup> Ndakisa tiké na nzela ya engunduka to tiké na nzela ya motuka. Okoti pe osombi tiké na—na yo, na bongo bapesi yo elembo moko, pe elembo yango ekoki kosalelama na eloko mosusu te, bobele na nzela wana ya engunduka. Pe ezali elembo, mpo na kompani ya engunduka yango, ete osili kofuta tiké na yo. Ezali elembo, pe okoki kosalela yango mpo na eloko mosusu te. Ekosimba te na nzela mosusu. Ekosimba bobele na nzela wana. Pe ezali—ezali elembo.

<sup>49</sup> Sikawa, awa, likambo oyo tozali kolobela, epai tobandi, ezali ete Nzambe alobi na Yisraele: “Makila ya mwana-mpate ezali elembo mpo na bino.” Mwana-mpate ya Yisraele, oyo abomamaki, ezalaki elembo oyo Jehovah asengaki. Esengeli kozala makila. Nzambe asalaki elembo pe apesaki yango na Yisraele. Pe elembo mosusu ekosimba te, bomoni, ekoki kondimama te.

<sup>50</sup> Mpo na mokili, Ezali bobele bolema. Kasi, mpo na Nzambe, Ezali nzela bobele moko. Eloko bobele moko oyo Asengi ezali Elembo wana. Esengeli kozala wana. Pe okoki kozala na Elembo te kino ete ntalo yango éfutama, bongo okomi mozui ya Elembo oyo epesi yo li—litomba ya koleka na bonsomi. “Nakomona Makila, Nakoleka likolo na bino.” Ntango nini oyo, litomba nini oyo, ya koyeba ete, na kati na yo, ozali na Laissez-Passer. “Ntango Nakomona Makila, Nakoleka likolo na bino.” Ezali eloko bobele moko oyo Ye akoyeba. Eloko mosusu ekoki kozua esika na Yango te; eloko ya kozua esika na yango te,



denomination moko te, eloko mosusu te. Esengaka oyo Wana. Nzambe alobaki: “Yango kaka nde Ngai nakomona.”

<sup>51</sup> Ata soki bazalaki bayengebeni ndenge nini, ata soki bazalaki malamumu ndenge nini, kelasi boni bátángá, ndenge nini balataki bilamba, elembo nde ezalaki eloko bobele moko yango. “Ntango Nakomona elembo, Nakoleka likolo na bino.” Makila ezalaki elembo ete e—eloko oyo Jehovah asengaki esilaki kokokisama, ete esilaki kosalema. Makila ezalaki kotalisa elembo. Makila ezalaki elembo. Bomoni? Bomoi oyo . . .

<sup>52</sup> Nzambe alobáká ete: “Mokolo bokolia yango, mokolo yango bokokufa.” Pe bomoi moko ezuamaki na esika ya bomoi ya mondimi. Nzambe, na mawa, andimaki eloko mosusu na esika ya bomoi ya moto na mbindo. Ntango mwana na Ye amiyeisaki mbindo na lisumu, ya kozanga kondima Liloba, na bongo Nzambe, oyo atondi na mawa, azuaki eloko mosusu esika na yango; pe, ezalaki ete, eloko moko esengelaki kokufa na esika na yango. Eloko mosusu ekokaki kosimba te.

<sup>53</sup> Yango wana ba-mbuma ya Kaina oyo ya póme pe ya pêche, pe bongo na bongo, esimbaki te. Esengelaki kozala bomoi oyo ezalaki na makila kati na yango, pe bomoi ezalaki kobimela uta na mbeka, pe sikoyo makila ezalaki elembo ete motindo ya Nzambe esilaki kokokisama. Sikawa, Nzambe asengaki nini? Bomoi; pe makila ezalaki kotalisa ete bomoi moko esengelaki kolongwa. Boye makila ezalaki elembo ete bomoi esilaki kopesama ete eloko moko esilaki kokufa, eséngisi ya Nzambe; ete bomoi moko esilaki kopesama, pe makila esilaki kosopana. Pe makila ezalaki kotalisa elembo, ete bomoi yango esilaki kobima. Bomoi ya nyama oyo Nzambe alobaki ete esengelaki kokamatama, ezalaki makila oyo ezalaki kotalisa elembo. Bomoni?

<sup>54</sup> Mo—mo—mosambeli mondimi azalaki komikokanisa ná mbeka na ye, na nzela ya elembo. Nalingi koumela ntango mingi te na mwa biteni ya maloba oyo, kasi, oyo okoki kozua liyangani mobimba likolo na moko na yango, kasi nalingi kotelema awa mwa moke mpo nátalisa yango. Mo—mo—mondimi asengelaki komikokanisa na mbeka na ye. Bomoni? Soki ezali bobele mbeka pe—pe epesamaki esika moko boye kuna, asilaki kopesa yango; kasi asengelaki komikokanisa kati na yango. Na bosolo, asengelaki liboso kotia maboko na ye likolo na yango, mpo na komikokanisa ná mbeka na ye. Na sima makila ezalaki kotiamana na esika oyo ye akokaki kozala na nsé ya makila. Makila esengelaki kozala likolo na ye. Pe oyo wana ezalaki elembo ete asilaki komikokanisa ye moko, mokweisami, pe etalisaki ete eloko oyo eyebi likambo te esilaki kozua esika na ye.

<sup>55</sup> Oyo solo etaliseli kitoko! Oh, mosikolami! Bomoni, boyengebene esilaki kokokisama, pe eséngisi ya boyengebene ya búle ya Nzambe, esilaki kokokisama. Pe Nzambe alobaki:

“Sikawa Nakosenga bomoi na bino,” na sima, ntango bo—bo—bomoi yango esilaki kosala lisumu. Bongo eloko oyo eyebi likambo te ezuaki esika na ye. Pe ezalaki nyama ya makila; mbuma ya pome to ya pêche te. Yango esengelaki mpenza kotalisa momboto na nyoka polele na moto nyonso, ete ezalaki likambo ya makila. Pe makila yango, oyo ekokaki kouta na mbuma te, eutaki na oyo ayebi likambo te oyo azui esika na ye. Bongo bomoi yango esilaki pe—pe, kokende na esika na yango, pe makila ezalaki elembo ete nyama esilaki kokufa pe makila esilaki kobima.

<sup>56</sup> Pe mosambeli oyo azalaki kotiya makila likolo na ye moko, atalisaki ete amikokanisaki kati na lisiko yango, mpamba te asilaki komikokanisa ye moko ná...na mbeka yango, amisangisaki ye moko na mbeka yango, pe makila ezalaki kotalisa elembo.

<sup>57</sup> Oyo—oyo likambo kitoko! Oyo etaliseli kitoko! Ezali elilingi ebongi be ya Klisto, yango mpenza, lelo, mondimi ateleme na nsé ya Makila oyo esopanaki, wana amikokanisi ná Mbeka. Ebongi mpenza be na—na ndenge yango ekoki, ndenge Klisto yango, oyo—oyo azalaki nyama te...Bomoni, nya—nyama ekufaki, kasi ezalaki... .

<sup>58</sup> Eloko oyo eleki na kozanga koyeba mabe, oyo tozali na yango, nabanzi, esengeli kozala nya—nyama oyo, mwa—mwana-mpate. Ntango Nzambe alingaki kokokanisa Yesu Klisto, Akokanisaki Ye lokola Mwana-mpate. Pe ntango Alingaki komikokanisa Ye moko, Amikokanisaki Ye moko na ndeke, Ebengá. Pe ebengá ezali ndeke oyo eleki na kozanga likambo mabe pe na bopeto ya koleka na bomoi ya bandeke nyonso, pe mwa—mwana-mpate ezali nyama oyo eleki na kozanga koyeba mabe pe na peto na bomoi ya banyama nyonso. Boye bomoni ntango... .

<sup>59</sup> Yesu abatisamaki na Yoane, pe Biblia elobi: “Pe—pe amonaki Molimo na Nzambe, lokola ebengá, kokita likolo na Ye.” Yango wana soki ezalaki...Soki ézalaka mbwa ya zamba, to soki ezalaki nyama mosusu, lo—lolenge ya ebengá ekokaki kosangana na lolenge ya mbwa ya zamba te, ndenge moko pe lo—lolenge ya ebengá ekokaki kosangana na lolenge ya nyama mosusu te bobele mwana-mpate. Pe lolenge mibale wana esanganaki elongo, na bongo bakokaki koyokana moko ná mosusu.

<sup>60</sup> Sikawa bomoni kobongisama liboso? Ezalaki mwana-mpate ntango ezalaki wana. Bomoni? Bomoni? Mwa...Ezalaki mwana-mpate ntango e—ntango ebotamaki. Ezalaki mwana-mpate. Ebotamaki mwana-mpate. Ekolaki, mwana-mpate. Bomoni?

<sup>61</sup> Pe, yango wana, oyo wana nde lolenge bobele moko ya Molimo ya solo, oyo ekoki koyamba Liloba, oyo ekoki koyamba Klisto. Baoyo mosusu bakomeka, bamekaki kozua Yango, kotia

Molimo na Nzambe likolo na mbwa ya zamba, bomoni, ya nkanda, ya mabe, ya nkanza. Akofanda wana te. Molimo Mosantu akopumbwa mbala moko. Akosala yango te.

<sup>62</sup> Bongo soki Ebengá wana ékitaki, pe, na esika ete Ézala Mwana-mpate, ezalaki nyama mosusu? Alingaki kopumbwa na Ye na lombangu pe kozonga. Bomoni? Kasi ntango akutaki lolenge wana oyo Akokaki kosangana na yango, Ekómaki eloko Moko.

<sup>63</sup> Na bongo e—e—Ebengá akambaki Mwana-mpate, pe, bótala, Akambaki Mwana-mpate na ebomelo. Sikawa, Mwana-mpate azalaki kotosa Ebengá. Bomoni? Ata Akambaki Ye wapi, Abelemaki kokende.

<sup>64</sup> Nazomituna, lelo, ntango Nzambe akambaka biso na bo—bomoi ya komipesa mobimba pe kosalela Ye, nazomituna soki milimo na biso ntango mosusu etombokaka te, kotalisa lolenge yango, nazali komituna soki tozali bana-mpate? Bomoni? Bomoni? Mwana-mpate azali na botosi.

<sup>65</sup> Mwana-mpate amikabaka mbeka. A—asalaka te—azuaka, amisengeleka na makasi te. Okoki kolalisa ye na nsé pe kolongola léni na ye. Yango nde eloko bobele moko oyo azalaka na yango. Akotikala te—akotikala koloba eloko moko te na oyo etali yango; akabaka mbeka eloko nyonso oyo azali na yango. Wana nde mwana-mpate. Apesaka nyonso epai na . . . akaba nyonso, ye moko ná nyonso oyo azali.

<sup>66</sup> Pe wana nde lolenge oyo Moklisto ya solosolo azalaka, soki bango . . . bamikabaka mbeka, bamitungisaka te mpo na mokili oyo, kasi bapesaka nyonso bazali na yango epai na Nzambe. Bomoni?

<sup>67</sup> Sikawa oyo azalaki Mwana-mpate oyo abongi be, Klisto nde. Na bongo, na nzela na kosopa makila ya mwana-mpate oyo, ya mwana-mpate na Ezipito, makila epakolamaki, pe, na ntango esalemaki, yango ezalaki elembo, bongo Makila ya Mwana-mpate oyo ekozala nini? Bomoni? Elembo ete tokufi na biso moko pe tomikokanisi na Mbeka na biso. Bomoni? Bongo, Mwana-mpate pe—pe—pe Makila ná moto yango bakokanisami elongo, Mbeka ná mondimi. Bomoni, na bomoi na yo, omikokanisaka na nzela ya Mbeka na yo. Yango nde esalaka ete ózala oyo ozali.

<sup>68</sup> Na bongo makila ezalaki elembo, to kotalisama moko. Makila ezalaki kotalisa ete mosambeli abomaki mwana-mpate, pe andimaki mwana-mpate, pe atiaki elembo mpo na ye moko, kotalisa ete ayokaki nsoni te. Alandaki te nani amonaki yango. Alingaki ete moto nyonso ámona yango, pe ezalaki kotiyama na esika oyo moto nyonso oyo azalaki koleka wana akokaki komona elembo yango.

<sup>69</sup> Bomoni, bato mingi balingaka kozala Baklisto, pe ba—ba—balingaka kosala yango na kobombama, mpo bato bá—báyeba te ete bazali Baklisto. To, ba—baninga oyo bazalaka-zalaka

ná bango, bamosusu kati na bango bakanisaka: “Ee, sikawa, tala, na—na—nalingi kozala Moklisto, kasi nalingi te *Songolo-pakala áyeba yango.*” Bomoni? Ee, sikawa, bomoni, wana ezali Boklisto te.

<sup>70</sup> Boklisto esengeli kotalisa Elembo na yango, bomoni, polele, na miso ya bato nyonso, na biró, na balabala, na ntango ya mpasi, na nyonso, na losambo, na bisika mosusu nyonso. Makila ezali Elembo, pe Elembo esengeli kotiana, bomoni, soki te (ezali te) ata boyokani yango ezali na ntina te.

<sup>71</sup> Makila ezalaki elembo, to kotalisama, kotalisáká ete moto oyo asili kosikolama. Sikawa, ee, bótala, bazalaki na, basilaki kosikolama liboso ete likambo moko ésalema. Na kondima, batiaki makila. Bomoni, liboso yango ésalema mpenza, batiaki makila na nzela na kondima, kondimáká ete ekosalema. Bomoni? Liboso ete nkanda ya Nzambe éleka na mboka yango, makila esengelaki kotiana, liboso. Ngonga ekomaki ya koleka sima na nkanda na Nzambe kokweya.

<sup>72</sup> Sikawa, tozui liteya moko wana, oyo tokoki mpenza, ntango mosusu, kopesa bino yango lokola likanisi, mwa moke. Bótala, *liboso* ete ésalema, mpo ntango moko ezali koya, oyo bokozala lisusu na makoki ya kotia Makila te.

<sup>73</sup> Mwana-mpate azalaki kobomama na ntango ya mpokwa, sima na kobatelama mikolo zomi na minei. Na sima mwana-mpate azalaki kobomama pe makila ezalaki kotiana na ntango na mpokwa. Bososoli yango? Elembo emonanaki ata moke te kino na ntango ya mpokwa.

<sup>74</sup> Pe oyo ezali ntango na mpokwa ya eleko oyo tozali kobika kati na yango. Oyo ezali ntango ya mpokwa mpo na—mpo na Lingomba. Oyo ezali ntango ya mpokwa mpo na ngai. Oyo ezali ntango ya mpokwa ya Nsango na ngai. Nazokufa. Nazokende. Nazolongwa, na ntango ya mpokwa ya Nsango Malamu. Pe tosili koleka na kolongisama, pe bongo na bongo, kasi oyo nde ntango oyo Elembo esengeli kotiana. Nayebisaki bino lomingo eleki ete nazalaki na likambo moko nalingaki kolobela bino yango; oyo nde yango. Ezali ntango oyo bo—bokoki lisusu kosakana na Yango te. Esengeli kosalema. Soki esengeli mpenza kosalema, esengeli kosalema sikawa. Mpamba te, tokoki komona ete etikali moke nkanda yango eleka na mokili, pe eloko nyonso oyo ekozala na nsé ya Elembo wana te, ekokufa. Makila, esili kotalisa yo polele. Bótala.

<sup>75</sup> Mpamba te, bomoi ya nyama ekokaki kozonga likolo ya ekelamo moto te. Ntango makila esilaki kosopana, bomoi ebimaki, na ntembe te, mpo yango ezalaki eloko moko. Pe ntango bomoi ya makila ezalaki kobima, lokola bomoi yango ekeseni na makila. . . Sikawa, makila ezali ba-composant chimique ya bomoi, kasi bomoi ekeseni na makila, kasi bomoi ezalaka na *kati* ya makila. Pe bomoi ya nyama ekokaki kozonga likolo

ya mosambeli te. Soki asopi makila oyo ya mwana-mpate, asengelaki kopakola ba-composant chimique, mpo bo-bomoi ezalaki kobima pe ekokaki kozonga te.

<sup>76</sup> Mpamba te, ekokaki kozonga likolo na ekelamo moto te, mpo bomoi ya nyama ezali na elimo te. Nyama ayebaka te ete azali bolumbu, pe a—a . . . Asosolaka lisumu te. Eyebi eloko moko te, yango wana ezali ekelamo na bomoi kasi elimo ya bomoi te. Yango wana, bomoi ya nyama wana ekokaki kozonga likolo na bomoi ya moto te, mpo, molimo ezalaki te na kati ya bomoi wana. Sikawa, ezali na bomoi moko, makila; bomoi, pe elimo kati na bomoi yango; elimo ezali lolenge ya bomoi yango. Yango wana, ezalaki na lolenge moko boye te, ezalaki nyama, yango wana makila ezalaki elembo kotalisa ete bomoi esilaki kopesama.

<sup>77</sup> Kasi na esika ya nkembo oyo, na nsé ya boyokani oyo, bokeseni moko ezali kati na Makila ná Bomoi yango. Elembo mpo na mondimi lelo ezali Molimo Mosantu; makila te, composant chimique te, kasi Ezali Molimo Mosantu ya Nzambe. Yango nde Elembo oyo Nzambe azali kosenga na Lingomba lelo. Nzambe asengeli komona Elembo yango. Asengeli komona Yango kati na moko na moko na biso.

<sup>78</sup> Yango wana, lokola bililingi ya mpokwa ezali komonana, pe etikali moke nkanda esopama uta na Likolo, likolo na bikólo ya mbindo, pe likolo na bazangi kondima ya mbindo, likolo na ba-batatoli oyo bazangi eloko bazali kotatolela, likolo na makambo oyo! Pe na—namekaki komifungola pe kobika sembo kati na yango, komona likambo yango malamumu, liboso náloba makambo oyo. Sikawa tozali kobika kati na bililingi, pe nkanda ekomi pene na kobeta, pe Nzambe azali kosenga Elembo kotalisa ete yo yo moko osili koyamba Elembo na Ye, Molimo Mosantu. Ezali nzela bobele moko, pe elembetele bobele moko, oyo Nzambe akoleka likolo na yango, mpamba te Yango ezali Bomoi mpenza ya Yesu Klisto, oyo ezongi kati na mondimi.

<sup>79</sup> Bomoi ya nyama ekokaki kozonga te, yango wana basengelaki kotia makila na ekuke, likolo na libaya pe likolo na makonzi ya ekuke; ete moleki nzela nyonso, bato nyonso, bato nyonso oyo bazalaki koleka liboso na ndako yango, bazalaki koyeba ete e—elembetele moko, ya makila, ezalaki likolo na ekuke wana, ete bomoi moko ekufaki na ekuke wana. Amen!

<sup>80</sup> Yango nde lolenge oyo esengeli kozala ná mondimi nyonso lelo, oyo atondisami na Molimo Mosantu; Elembo ete Makila ya Mwana-mpate esopanaki, kotalisa ete Bomoi oyo ezalaki kati na Mwana-mpate, esili kozonga pe kotiana elembo na kati na yango na miso ya bato nyonso, ete moto nyonso azoleka nzela, azosolola na yo, oyo azalaka elongo ná yo, azomona ete Makila esili kotiana, pe Elembo ya Bomoi oyo ezalaki kati na Makila yango ezali likolo na yo. Obatelami na nkanda. Oyo wana kaka; ya kozala moto ya lingomba te. Te, misie!

81 Bomoi ya nyama ekokaki kozonga likolo na mondimi te, mpo ezalaki nyama, pe ezalaki bobele kolobela lisosoli, kotalisa ete Mbeka oyo ebongi be ekoya.

82 Pe, sikawa, ndenge nini Mbeka moko ya kobonga be ekokaki kozala, koleka Nzambe Ye moko ákóma Mbondi yango, Ye moko? Ntango Nzambe akómaki mosuni, na Makila na Ye moko oyo ekelaka, ete yango. . . lolenge bobele moko oyo Bomoi na Nzambe ekokaki kozonga.

83 Mpamba te, biso nyonso tobotama na nzela na koyebana nzoto, na boye bomoi oyo ezali na kati ezali ya mokili, pe bomoi yango ekoumela te. Ezali eloko oyo esila kosambisama pe kokweisama. Okoki kobamba yango te. Lolenge ya kobamba yango ezali te. Lolenge ya—ya kosembola yango ezali te. Lolenge ya kobongisa yango ezali te. Esengeli kokufa! Yango nde eséngisi moko oyo ezali. Esengeli kokufa.

84 Pe Mozui-esika yango, Bomoi ya Yesu Klisto, asengeli kokota kati na yo, elingi koloba Molimo Mosantu, Elembo ya Nzambe; kotalisa ete ondimi Makila ya Mwana na Ye, Yesu Klisto.

85 Yango wana, na mikolo ya Wesley to. . . Mikolo ya Luther, bakanisaki “kondima.” Na mikolo ya Wesley, “ba-composant chimique ya Makila.” Kasi oyo ezali ntango ya suka, epai wapi e—Elembo esengami. Yango nde ékosala, elongo, lisanga mobimba mpo na Konetolama. Bomoni yango? [Losambo balobi: “Amen.”—N.D.E.]

86 Mai, makila, pe molimo ebimaka ntango mama abotaka mwana. Eloko ya liboso ebimaka, na mbotama nyonso ya malam, ezali mai, eloko ya mibale ezali makila, pe eloko oyo elandi ezali bomoi.

87 Yango nde ebimaki na nzoto ya Nkolo na biso Yesu Klisto: mai, Makila pe Bomoi. Pe Lingomba mobimba, Mwasi na libala, elongo, atongámí na nzela na kolongisama, kobulisama pe libatisi ya Molimo Mosantu, oyo ezali Elembo.

88 Lokola Baebele 11 elobi: “Baoyo nyonso wana bazalaki kotelengana, kolata mposo na mpate pe mposo na ntaba, bazalaki kokélela, pe makambo nyonso oyo basalaki, ata bongo bakómaki na kobonga be te kozanga biso.”

89 Pe Lingomba, na mokolo oyo, oyo eyambi Elembo, ya libatisi ya Molimo Mosantu, ete Makila esili kosopama pe Molimo Mosantu ezali likolo na Lingomba; kozanga biso, bakoki pe kosekwa te. Kasi bazali kotalela biso, mpamba te Nzambe alakaki Akozua Yango, pe moto moko akozala wana. Nayebi te soki ekozala nani, kasi moto moko akoyamba Yango. Eloko bobele moko oyo ngai nazali na mokumba na yango, ezali koteya Yango. Ezali mosala ya Nzambe, ya koluka momboto oyo ebongisámá liboso. Ata bongo, ekozala wana. Mpamba te, bakozala wana, moko na moko na bango, moko ná mosusu; eleko

ya mai, eleko ya Makila pe sikawa eleko ya Elembo ya Molimo Mosantu.

<sup>90</sup> Pe, bómikanisela, Yisraele alekaki na makambo ebele, kasi ezalaki ntango ya mpokwa na ntango oyo elembo esengamaki; na ntongo te, na ntango ya bolengeli te, mikolo zomi na minei oyo bazalaki kobatela mwana-mpate. Yisraele ayebaki ete likambo moko ezali koya.

<sup>91</sup> Luther pe ayebaki yango, Wesley pe ayebaki yango, Finney, Knox, Calvin pe bayebaki yango. Oyo nde Yango! Bayebaki ete ntango moko ekoya, oyo Likonzi na Mótó ekozonga na Lingomba. Bayebaki ete ntango moko ekoya, oyo makambo oyo ekosalema, kasi babikaki ntango molai te mpo na komona yango, kasi bazelaki mpenza mpo na komona yango.

<sup>92</sup> Yisraele ayebaki eloko moko ezali koya, kasi ezalaki na ntango ya mpokwa nde makila ya mwana-mpate, elembo, etiamaki na ekuke. Nzokande, mwana-mpate asilaki kolengelama.

<sup>93</sup> Ezalaki Mwana-mpate, na ntango nyonso wana. Ezalaki Mwana-mpate na ntango ya Luther, ezalaki Mwana-mpate—Mwana-mpate na ntango ya Wesley, kasi sikawa nde ntango ya Elembo, oyo ndako moko moko esengeli kozipama na Elembo. Ndako moko na moko ya Nzambe esengeli kozipama na Elembo. Baoyo nyonso bazali kati na yango basengeli kozipama na Elembo. Pe Ndako ya Nzambe ezali Nzoto ya Yesu Klisto, pe na nzela na Molimo moko biso nyonso tobatisami kati na Elembo oyo pe tokómi eteni na Yango, mpo, Nzambe alobaki: “Ntango Nakomona ete Elembo etalisami, Nakoleka likolo na bino.” Ngonga nini oyo tozali kobika na yango sikawa! Oh!

<sup>94</sup> Makila ezalaki kotalisa, kotalisa mondimi, mpo bomoi esilaki kobima pe ekokaki lisusu kozonga te, boye asengelaki kozala na—na composant chimique. Asengelaki kozala na eloko lokola langi, makila, composant chimique, oyo ezalaki kotalisa ete bomoi ebimaki kati na yango.

<sup>95</sup> Sikawa Molimo Yango moko ezali Elembo. Molimo Mosantu Yango moko ezali Elembo, Makila te. Makila esopanaki na Kalvari, wana ezali solo. Kasi Makila, na ndenge ezalaka, ezongaki na biteni epai wapi yango eutelá, longwa na bilei oyo Azaláká kobikela. Kasi, bomoni, na kati ya cellule ya Makila wana, ezalaki na Bomoi oyo ezalaki kosala ete Makila yango éningana. Soki ezalaki. . . Composant chimique ezalaki na Bomoi te kati na yango, yango moko, yango wana ekokaki koningana te. Kasi ntango Bomoi ekotaki kati na composant chimique ya makila, Esalaki cellule. Esalaki cellule na Yango moko, na bongo cellule moko sima na cellule mosusu, kino ekómaki Moto. Pe Moto yango azalaki Nzambe, Emanuele, kati na nzoto. Kasi ntango Bomoi yango ezongaki, ba-composant

chimique ya makila yango ekendeki kuna, kasi Elembo ezali Molimo Mosantu likolo na Lingomba, mpo bato bamona Klisto.

<sup>96</sup> Esengeli kozala bongo, mpo mwasi ná mobali na ye bakómi moko. Bakómi moko. Ndenge moko pe Mwasi na libala ná Klisto bakómi Moko. Mosala ya Mwasi na libala, ná mosala ya Klisto, ezali yango moko. Pe mikanisela: “E Teofili, nakomelaki yo, na buku na ngai ya liboso, na ntina na makambo oyo Yesu abandaki kosala pe azokoba kosala.” Kufa na Ye epekisaki Ye te. Te, misie! Azongaki lisusu. Moto ya misato te, kasi Moto yango moko azongaki lisusu na lolenge ya Molimo Mosantu, mpo na kokoba mosala; pe ezali kokoba, ndenge Buku ya Misala elobi. “Yesu Klisto motindo moko, lobi, lelo, pe libela.” Yango nde Elembo. Yango nde elembetele.

<sup>97</sup> Ntango Petelo ná Yoane balekaki liboso ya ekuke oyo ebengami Kitoko, moto moko alalaki wana azalaki elémé, ebosono longwa na libumu ya mama na ye, pe alobaki: “Mosolo ná wolo nazali na yango te; kasi nakopesa yo oyo nazali na yango. Na Nkombo na Yesu Klisto ya Nazaréte, telega pe tambola.” Bomoni? Pe basololaki na bango, pe bayebaki ete bazali bayingá pe bato bayekolá te, kasi basosolaki ete bazalaki elongo ná Yesu. Bomoni, Elembo ezalaki wana, etalisamaki. Bomoni: “Oyo nazali na yango!” Komona ndeko moko ya mobola, oyo akwei, alali wana, elémé pe elongi ebébá, pe nyonso wana. Pe Bomo moko oyo ezalaki kati na Klisto, ezalaki pe kati na bango: “Oyo nazali na yango!”

<sup>98</sup> “Na Nkombo na Ngai *bino* bokobengana milimo mabe.” Ezali te, “*Ngai* nako.” “*Bino* bokol!” “Soki *yo* olobi na ngomba oyo!” Ezali te, “Soki *Ngai* nalobi.” “Soki *yo* olobi na ngomba oyo!”

<sup>99</sup> Oh, ndeko, ntango oyo Elembo yango esengeli kotalisama esili kobelega. Tokoki komona yango. Toyebi ete tokómi pene na suka sikawa. Tosili koteya mateya ndenge na ndenge, mpo na kotalisa bilembo pe bikamwa, kasi sikawa tozongi na oyo Lingomba esengeli kosala. Elembo esengeli kotalisama. “Ntango Nakomona makila, Nakoleka likolo na bino.” Eloko mosusu ekosimba te. Esengeli kozala Makila. Sikawa, Molimo Mosantu ezali Elembo na biso, uta na Nzambe.

<sup>100</sup> Lokola moto moko monene ya likindo, a—ayekolá mingi, ndeko moko ya Batiste, moto malamau, na ezaleli malamau, ntango ayaki epai na ngai mokolo moko, pe alobaki: “Ndeko Branham,” alobaki, “ozali koloba na ntina na Molimo Mosantu,” alobaki, “ee, wana ezali likambo ya sika te.” Alobaki: “Biso toteyaka Yango banda kala, kati na bileko.” Pe na—nalobaki, ee, nako. . . Alobaki: “Tosila kozua Molimo Mosantu.”

<sup>101</sup> Nalobaki: “Ntango nini ozuaki Yango?”



<sup>102</sup> Alobaki: “Ntango nandimaki.” Mpamba te, nayebaki ete wana ezali likindo ya ba-Batiste, ete moto, ntango moto andimi, azui Molimo Mosantu.

<sup>103</sup> Nalobaki: “Na bongo Polo alobaki, na Misala 19, na etonga moko, lisanga moko ya ba-Batiste, oyo, motei ya Batiste oyo azalaki moko na baoyo bandimaki na nzela na Yoane, azalaki kotalisa na nzela na Biblia ete Yesu azali Klisto.”

<sup>104</sup> “Elekaki ye likolo na ngomba na kati na mokili ya Efese, akuti bayekoli mosusu, pe alobaki na bango ete: ‘*Uta* bino bondimaki, bosili kozua Molimo Mosantu?’ Balobaki: ‘Biso toyebi te soki Molimo Mosantu ezalaka.’” Na bongo atunaki bango lolenge nini babatisamaki. Bango babatisamaki na Nkombo na Yesu Klisto te, Mwana-Mpate oyo asilaki kopesama mbeka. Bamikokanisaki ná Ye ata moko te. Bandimelaki yango kaka; lokola nkisi oyo efandi wana, kasi emelami te. Polo atindaki bango ete bázua lisusu libatisi, na Nkombo na Yesu Klisto.

<sup>105</sup> Pe ntango asalaki likambo oyo, nde Elembo ekitaki likolo na bango. Bamikokanisaki na misala pe bilembo ya Molimo Mosantu, koloba minoko na sika na nzela na bango, kosakola, pe kokumisa Nzambe. Bamikokanisaki ná—ná Mbeka na bango.

<sup>106</sup> Pe Molimo Mosantu azali kotalisama na biso. Yango nde etalisaka biso polele lokola Baklisto. Ezali te kozala mondimi ya lingomba, ezali te lisosoli na biso ya Biblia, ezali te boni boni yo oyebi Biblia mingi. Ezali nde boni boni yo oyebi oyo etali Mokóló na yango, bomoni, boni boni Mokóló na yango azali kobika kati na yo. Ezali boyimi na yo—na yo nde elongwe. Ozali lisusu te. Oyebi ete osili kokufa na yo moko, pe Elembo nde ezali kobika kati na yo. Pe Ezali bomoi na yo te; Ezali Ye.

<sup>107</sup> Polo alobaki: “Bomoi oyo nazali kobika sikawa (Akómaki kobika bomoi ekeseni na oyo abikaki kala.) ezali ngai te, kasi Klisto azali kobika kati na ngai.” Yango nde Elembo etalisami, oyo Nzambe azalaki kosenga. Tomikokanisi ná . . . Komikokanisa ná Mbeka na biso, Bomoi ya Mobikisi na biso kati na biso, Molimo Mosantu.

<sup>108</sup> Oh, oyo nde—oyo nde Elembo malamumu! Elembo mosusu ekoki kozala te. Oh! la la! soki bokokaki bobele kososola li—likanisi yango. Soki nazalaki na ngu—nguya, na ntongo oyo, ná maloba, ya kolakisa pe kokotisa yango na elimo na bino oyo ezali na kati-. . . na matoi na bino te, kasi na elimo na bino, bo—bolingaki komona ndangá na Yango. E—ezuaka, Yango epémisaka yo mpenza.

<sup>109</sup> Bongo soki ozalaki, soki obomaki moto, pe osengelaki kosambisama na esambiselo ya léta. Pe oyebi ete soki bamoni ete okwei na likambo, ete okokufa solo, okobomama na chaise électrique, to na chambre a gaze, to kobomama na lolenge nyonso oyo bakokána mpo na yo, ntango mosusu kotia yo nsinga

na nkingo, to eloko mosusu, okobomama na mabanga, to na etumbu ya ndenge nyonso. Pe oyebi ete ozalaki na . . . Okweyaki na likambo. Oyebi ete okweyaki na likambo, pe osengeli kokufa soki ozui avoká moko te mpo na kolobela yo, oyo akoki kobimisa yo na likambo yango. Na bongo okolinga kozua avoká ya malamumu koleka.

<sup>110</sup> Pe wana ozui avoká moko oyo azalaki avoká moko malamumu, ya mayele mpenza, okomiyoka lokola ete likambo na yo ezalaki mwawa . . . okoki kokitisa motema mwawa moke, mpo ozalaki na avoká. Kasi ata bongo, okomituna soki avoká yango akokoka kobongola likanisi ya zuzi, to kobongola likanisi ya basambisi; soki avoká yango, ná koloba na ye ya mayele pe na boyebi na ye ya mibeko, akokoka kobongola likambo yango, soki akoki kolobela likambo na yo pe kotalisa polele ete—ete osengeli kozala na bomoi. Kasi ata bongo, na bo—bokonzi monene na ye nyonso pe na maloba na ye kitoko oyo akoki koloba, pe lolenge malamumu ya elobeli oyo ye akoki kotalisa liboso ya basambisi to liboso na zuzi, yo—yo oko—oko . . . Ntango mosusu okoki kokitisa motema miniti moke, kasi ata bongo motuna moko ekozala na makanisi na yo: “Akokoka kolonga likambo yango?”

<sup>111</sup> Kasi na likambo oyo, Zuzi Ye moko akómi Avoká na biso. Nzambe akómaki moto. Avoká moko te akokaki kosala yango. Tomonaki ata moko te. Mose, ná Mibeko, pe basakoli, eloko moko te ekokaki kosala yango. Boye Zuzi akómaki mbala moko Mosambisi, Avoká, pe Zuzi, Ye moko; pe azuaki boyengebene ya Mobeko na Ye na maboko na Ye Moko, pe afutaki ntalo na yango, Ye moko. Koleka boni tokoki kobatelama? Pe azongisaki Bomoi na Ye Moko likolo na biso, lokola litatoli ete Ayambi yango. Oyo nde kobatelema mpenza!

<sup>112</sup> “Ata natamboli na libulu na molili na kufa, nakobanga mabe te, mpamba te Yo ozali na ngai elongo.”

<sup>113</sup> Ntango Akómaki mbala moko Zuzi, Mosambisi, pe—pe Avoká, Asambaki likambo na biso. Bisu, tokweisamaki na Mobeko na Ye Moko; pe Ye ayaki pe azuaki esika ya moto oyo akweisamaki, oyo azalaki kati na esika ya bulee. Azuaki lisumu na ye. Ye atiaki likambo yango likolo na Ye moko, pe akufaki, afutaki ntalo, pe asopaki Makila na Ye, pe azongisaki Elembo na Ye moko, Bomoi na Ye moko.

<sup>114</sup> Boye, biso tozali ya kobonga be. Likambo yango esili kokatama. Lisumu ezali lisusu te mpo na mondimi. E Nzambe, yokela biso mawa, soki bato bazali komona yango te, ete likambo ezali lisusu te. “Ye oyo akoyoka Maloba na Ngai pe akondima Motindi na Ngai, azali na Bomoi na Seko, pe akokóma na Esambiseli te, kasi asili kolongwa na kufa pe koingela na Bomoi.” Likambo nde yango wana. Likambo ekatami! Likambo ezali lisusu te. Amen! Na bongo obatelami, obatelami ná Elembo

oyo etiami, ntango liwa ekobanda kobeta na ekuke kuna libanda, yango ekozala na bokonzi moko te. Bomoni? Iyo.

115 Elembo esili kotiamama. Bobele Elembo nde esili koyebana sikawa. Bomoni, Asalaki bongo mpo ete Elembo ékoka koya. Elembo ezalaki Bomoi ya Nzambe.

116 Pe ntango Nzambe asalaki moto ya liboso, Asalaki ye mwana mobali. Pe mwana mobali yango abebaki mpenza na lolenge ete ayokelaki mwasi na ye na esika ya koyokela Nzambe, pe mwasi yango ayokelaki zabolo na esika ya koyokela mobali na ye, pe, ntango esalemaki, ebebisaki bango mibale mpenza, na lolenge ete ememaki mbindo. Pe Ye ayebaki ete, lokola basalaki bongo, basengelaki kobota bana na mokili oyo. Mbuma oyo ezalaki na katikati ya nzete ekokaki kosimbama te, pe, na bongo, ntango esimbamaki, bamemaki lisumu likolo na bango moko. Pe yango wana bato nyonso, oyo bazalaki kobotama, bazalaki kati na lisumu. Kuna, nzela ya kobima ezalaki te.

117 Na bongo Nzambe akitaki. Nzela ya kozongisa ye ezalaki bobele moko, yango ezalaki kozongisa ye ázala lisusu mwana. Sikawa ndenge nini Ye akoki kosala, na ntango oyo Mobeko na Ye moko ezalaki wana pe elobaki ete “akweisami”? Na bongo Tata Ye moko akómi moko na biso. Ye nde Mwana-mpate ya solosolo. Yango nde mwango na Ye, oyo Azalaki na yango na likanisi.

118 Yango nde ntina oyo Mwana-mpate atalisamaki polele na elanga na Edene, koyeba ete Mwana-mpate ná Ebengá bakokutana na ntango moko, ntango Mwana-mpate ná Ebengá bakozala elongo. Na ntango wana nde Ayebaki, na nzela na yango, ete biso nyonso tokoki kozala elongo. Pe Asepelaki kopesa mbeka ya ndenge wana, sikawa, mpo Elembo ékoka kotiamama, ete tozali lisusu baúta te, tozali lisusu bapaya te, kasi tozali bana mibali pe bana basi ya Nzambe. Bango mibale, Adama ná Eva, mwasi ná mobali, basanganaki elongo, bazali bana mibali pe bana basi ya Nzambe, kati na Klisto Yesu, na nzela na mbeka na Ye monene.

119 Pe, na sima, mpo libunga moko ékoka kozala te! Momboto ya bomoi oyo, oyo esengeli kolonama na mabelé, ya nzoto oyo, oyo ezali mo—momboto oyo ekufaka; pe bomoi, soki bomoi ya kobeba nde ezali kati na momboto yango, yango ekokufa elongo ná momboto yango. Kasi Atiaki Bomoi na Seko kati na yango pe Akokanisaki yango lokola ya Ye moko, ete na lisekwa Ásekwisa yango lisusu, pe eloko moko te ekobunga. Bomoni eloko nini nalingi koloba? [Losambo balobi: “Amen.”—N.D.E.]

120 Yango mpenza, sikoyo ekoki kokufa te. Bomoi ezipi yango. Ezali Elembo, ezipi mwa nzoto yango, ezipi molimo wana ya moto yango. Elembo moko ezali likolo na yango, Molimo Mosantu, kotalisa ete ezali ya Nzambe. Ezali ya Ye. “Ntango Nakomona Elembo, Nakoleka likolo na bino.” Elembo ya solo, Molimo Mosantu azali Elembo na biso. Yango wana, soki ozui

Molimo Mosantu, alongwe na kufa pe oingeli na Bomoi. Nde nyonso oyo yango ezali, mpamba te Bomoi ezali kati na yo. Okoki lisusu kokufa te.

<sup>121</sup> Biblia elobi: “Ye oyo abotami na Nzambe asalaka lisumu te, mpo akoki kosala lisumu te, mpamba te Momboto na Nzambe,” amen, “Momboto na Nzambe efandi kati na ye.” Pe ndenge nini akoki kosala lisumu na ntango oyo Nzambe oyo azangi lisumu azali kati na ye? Na ntango oyo azali kati na Nzambe oyo azangi lisumu, ndenge nini akoki kosala lisumu? Etali te nini ye asali, Makila esili kozipa ye. Bomoni? Akómi ekelamo ya sika. Bamposa pe miango na ye ekómi ya Lola, mpamba te asili kobóngwana longwa na matiti mabe akómi mbuma ya lisangu. Bamposa na ye ezali lisusu ndenge moko te lokola ezaláki kala, pe azali kotalisa yango.

<sup>122</sup> Bokoloba: “Oh, nandimaka Yango.” Pe ozali kokoba kosala masumu? Te! Ozali komikosa. Bomoni? Ekoki kotalisa eloko mosusu te, bobele Elembo.

<sup>123</sup> Yisraele atindamaki kotikala na nsé ya makila wana kino mitindo ya kotambola épésama. “Bóbima na nsé na yango te!” Bobele na ntango kaka bakotaki na nsé ya elembo, bakangamaki pe batiamaki elembo kuna na kati. “Bolongwa wana te!” Batikalaki kaka wana kino ntango minuit ebetaki pe bakelelo eyulaki. Pe ntango bakelelo eyulaki, maséké ya mibange bampate mibali ebandaki kobeta, moto na moto abimaki ná biloko na ye, mpo na kokende na mboka na elaka.

<sup>124</sup> Ezalaka pe bongo ná mobali to mwasi oyo atondisami na Molimo Mosantu, atiami elembo, pe abatelami mosika na mabe pe makama nyonso. Bomoi na ye mobimba etalisaka oyo ye azali, ákende ata wapi, ásala ata mosala nini, ásolola ata ná nani. Ntango akutani ná basi, ntango akutani ná baninga oyo azalaka ná bango, ntango akutani na makambo ya ndenge nyonso, Elembo yango ezali wana. Amen! Na ntango ya liwa: “Nakobanga mabe moko te, mpo Yo ozali na ngai elongo,” Elembo yango ezali wana. Na ntango ya lisekwa, akozala wana, mpo Nzambe akosekwise ye na mokolo ya suka. Yesu alobaki bongo! “Ntango Nakomona Makila, Elembo, Nakoleka likolo na bino.” Oh!

<sup>125</sup> Bómikanisela, soki elembo yango etalisamaki te, ata boyokani ezalaki kondimama te. Ya solo. Boyokani ezalaki kondimama te. Boyokani ezalaki te—ezalaki te na ntango nyonso oyo elembo ezalaki te. Elembo ezalaki kotalisa boyokani. Nzambe asalaki boyokani ná bango, iyo misie, kasi esengelaki ete elembo ézala. Ézalaki na ntina te, boyokani yango, soki elembo ezalaki wana te.

<sup>126</sup> Ekokaki kozala na Bayuda mingi oyo bakokaki koloba: “Yaka awa! Nazali na makila na ekuke na ngai te, kasi nalingi kolakisa yo eloko moko, nazali Moyuda oyo akátámá ngenga.

Nakátámá ngenga.” Elingaki koloba oyo *wana* te. [Ndeko Branham alalisi misapi na ye—N.D.E.] “Ntango Nakomona makila! Ntango Nakomona elembo!”

127 Okoki koloba: “Nazali Batiste, Presbiterien, Metodiste,” to nyonso oyo olingi kozala.

Kasi: “Ntango Nakomona Elembo!”

128 Okoloba: “Nazali mondimi. Mama na ngai azalaki mondimi ya lingomba oyo. Papa na ngai azalaki mondimi ya lingomba oyo. Nazali mondimi kuna banda bomwana.” Elingi koloba oyo *wana* te. [Ndeko Branham alalisi misapi na ye—N.D.E.] “Nakosaka te, nayibaka te. Nasalaka likambo oyo te. Ngai. . .” Yango elakisi oyo *wana* te. [Ndeko Branham alalisi misapi na ye.] “Nazali mondimi ya Branham Tabernacle. Nasalaka oyo, oyo *wana* to oyo *mosusu*. Nandimaka Liloba mobimba.”

129 Bayuda wana bakokaki koloba: “Nandimaka Jehovah!” Alingaki koyoka Nsango ya ntango, soki andimaki. Na ntembe te.

Bazalaki na ba-nsango ebele, kasi Oyo ezalaki Nsango ya ntango. Bomoni? Nandimaka Nsango ya ntango. Iyo. Makila etiamaki na ntango ya mpokwa.

Bakokaki koloba: “Ngai, nazali Moyuda.”

130 Lelo bato balobaka: “Nazali Moklisto. Nakoki kolakisa yo ete nazali mondimi ya ntango molai. Nalingi ete bólakisa ngai esika nayibá eloko moko, esika nasámá na tribunale moko. Bólakisa ngai epai wapi nasálá ekobo, epai wapi nasálá makambo nyonso wana, to likambo moko ya ndenge wana. Bólakisa ngai esika moko mpamba.” Yango elingi koloba eloko moko te sikawa. Oh, te. Bomoni, ata azalaki na boyokani boni, boyokani yango ezangi ntina. Ezali na ntina te.

Okoloba: “Ee, ngai nazali moyekoli ya Biblia.”

131 Etali ngai te oyo yo ozali. Libanda na boyokani yango, nkanda na Nzambe ezali likolo na yo. Ya solo. Yango ekangaki yo. Iyo. “Masumu na yo ekokanga yo lisusu.” Lisumu ezali nini? Kozanga kondima. Ozangi kondima Nsango. Ozangi kondima Liloba. Ozangi kondima litatoli ya Elembo, Yango moko, ntango Emitalisaki Yango moko katikati na biso. Pe ozangi nde kondima Yango? Etali te boni boni ozangi kondima Yango, Yango esengelaki kotiamama.

132 Okoki koloba: “Nandimi Yango. Nandimi Yango. Nandimi ete Ezali Solo. Nayambi Yango lokola Solo.” Nyonso wana ezali malam, kasi ata bongo Esengeli kotiamama.

133 Ee, Moyuda oyo atelemaki kuna, azosopa makila, wana mwana-mpate azalaki kotanga makila, azoloba: “Oyo nde Jehovah.”

<sup>134</sup> Pe nganganzambe moko azalaki wana, kolobáká: “Iyo, misie, nandimi ete ezali solo,” kasi na ndako na ye moko, etiamaki te. Alingi komikokanisa ye moko ná etonga wana te; te misie, bilandá-landa oyo ná makila na ekuke. Aboyi kotalisama wana. Etali te boni boni ye azalaki nganganzambe, boni boni ye ayebaki Liloba, boni boni ye abókolamaki malamumu, misala nini ye asalaki, boni boni ye akabelaki babola, boni boni ye amipesaki!

<sup>135</sup> Polo alobaki: “Nápesa nzoto na ngai mpo na kotumbama, lokola mbeka; nápesa biloko na ngai nyonso mpo na koleisa babola; názala na kondima ya kolongola bangomba, pe bongo na bongo; pe koloba minoko na sika, lokola bato pe banje; pe makambo nyonso mosusu wana,” pe alobaki, “nazali mpamba kino ntango Elembo étiana. Kino ntango Elembo oyo!” Yango nde nazali kolobela na mpokwa oyo, bolingo. Bomoni? “Boye, soki yango etiami te, nazali mpamba.” Bomoni?

<sup>136</sup> Etali ngai te, ntango mosusu obengáná milimo mabe. Ntango mosusu obikisá babeli na libondeli na yo ya kondima. Ntango mosusu osilá kosala makambo nyonso oyo. Kasi soki Elembo yango ezali wana te, ozali na nsé ya nkanda na Nzambe. Okoki kozala mondimi. Okoki kotelema na eteyelo pe koteya Nsango Malamumu. “Mingi bakoya epai na Ngai na moko wana, pe bakoloba: ‘Nkolo, Nkolo, nasakolaki na Nkombo na Yo te, natyaki na Nkombo na Yo te? Nabenganaki milimo mabe na Nkombo na Yo te?’” Wana ezali na mbala moko ba-Methodiste, ba-Batiste, ná ba-Pantekotiste. Yesu alobaki: “Bólongwa mosika na Ngai, bino bato na misala na lofundo. Nayebi kutu bino ata moke te.”

<sup>137</sup> “Kasi ntango Nakomona Elembo, Nakoleka likolo na bino.” Ezali eséngisi ya Nzambe na ntango oyo. Nsango ya ntango na mpokwa, ezali kotia Elembo.

<sup>138</sup> Satana akotisi bomekoli ya ndenge na ndenge, ya kopesana mbote ya loboko, ya ba-ndanga, pe ya makambo nyonso ya ndenge wana. Bosana yango! Ntango ekoki mpo na Elembo, Yango moko; bomekoli moko boye te, kondima ya maloba te, kokitana te, eloko moko te.

<sup>139</sup> Ntango ekoki oyo Elembo Ye moko azali komitalisa Ye moko polele mpenza katikati na biso, pe kotalisa polele ete Ye azali Yesu yango moko, lobi, lelo, pe libela, pe Azali sembo ná Liloba. Yango esengeli kotiana. Moto oyo alobi ete azali na Elembo, pe awangani Liloba oyo, na bongo wana nde nini? Bomoni, okoki kosala yango te. Elembo esengeli kozala wana. “Ntango Na... Makila ekozala elembo mpo na bino.” Sikawa Molimo Mosantu, Bomoi oyo ezalaki kati na Makila, ezali Elembo mpo na bino. Tokokóma na likambo yango na mwa ngonga moke, bomoni. Molimo Mosantu azali Elembo. Likambo esili. Iyo, misie. Sikawa, bómikanisela. Pe ngai... .

140 Oyo yo ozali ezali na ntina te, ózala malamumu ndenge nini, mbala boni opumbwaka *omata-okitá*, mangomba boni okótá, makambo ya malamumu boni osálá, yango ekosala eloko moko te mpo na yo soki Elembo etiami te. Oyo ezali ntango ya mpokwa. Yango etambolaki malamumu na mikolo ya Luther, etambolaki malamumu na mikolo ya Wesley, kasi ekotambola sikawa te. Te.

141 Iyo, kobatela mwana-mpate ezalaki mabe te na ntango wana. Baoyo bakufaki na ntango wana, liboso ete mwana-mpate, makila étíama, ezalaki ndenge mosusu. Iyo, misie. Bakendeki liboso mpo na lisosoli na bango malamumu. Bakosambisama soki ba—bazalaki. . .

142 Soki babongisámáká liboso, likambo yango esimbaki bango. Soki te, eloko pe te. Esili. Etali bobele Nzambe. “A—Alongisaka nani Ye alingi, Ayokelaka mawa nani Ye alingi, pe Akweisaka nani Ye alingi.” Azali Nzambe. Esili. “Ayokelaka mawa nani Ye alingi koyokela mawa, pe akokweisaka nani Ye alingi kokweisa.”

143 Moyuda akokaki kotalisa polele, na nzela na kokatama ngenga, ete azali mondimi.

144 Bato mingi, ba-fondamentaliste, bakoki kozua Biblia oyo pe koloba: “Nazali mondimi, pe Yesu alobaki ete ‘na nzela na kondima’ biso tobikisami. Nazali mondimi pe, kasi libatisi wana ya Molimo Mosantu ezali bolémá.” Na boye Elembo etiami te. Etali te, boni boni ye andimaka, yango ezali mpamba.

145 Ndakisa kokatama ngenga ya Bayuda. Alobi: “Nazali Moyuda. Mpo na nini nákende kuna kosala lokola etonga ya bilandá-landa mosusu wana?”

146 Mose atelemaki, azalaki komata kokita na balabala, koloba: “Nsango ya mpokwa yango oyo! Ekosalema ete, na suka ya mikolo zomi na minei, ete bokoyanganisa eyanganelo elongo pe bokoboma mwana-mpate. Lisanga mobimba ya Yisraele bakoboma yango, bakotia maboko likolo na yango, mpo na komikokanisa bango moko ná yango. Pe makila ekopakolama likolo na likonzi pe likolo na libaya ya ekuke, pe, ‘Ntango Nakomona makila, Nakoleka likolo na bino, mpamba te ezali elembo ete bosili kondima liwa ya mwana-mpate oyo Nasili kopesa bino.’” Makila ezalaki elembo.

147 Sikawa Molimo nde ezali Elembo. “Bokotondisama na Molimo Mosantu sima na mwa mikolo ekoya.” Pe ntango Makila esopanaki, Elembo yango etindamaki na nsé na Mokolo ya Pantekote, lokola mopepe moko ya makasi.

148 Yango nde ezalaki mama na likambo mpo na bantoma nyonso. Ezalaki: “Bozui Molimo Mosantu uta endimaki bino? Bóbongola mitema moko na moko, pe bóbatisama na Nkombo na Yesu Klisto mpo na bolimbisi ya masumu na bino, pe bokozua likabo ya Molimo Mosantu, mpo ezali Elembo, amen, ete bosili kolongwa na kufa pe koringela na Bomoi.” Yango mpenza. Ntango lingomba ya Mabo-. . . Bayuda ebandaki kolimwa, bato

ya Mabota bazuaki esika, ná libebi wana ya ndenge wana; sikawa abimaki, mpo na kozua litika ya bato na Mabota, mpo na Nkombo na Ye, Mwasi na libala.

<sup>149</sup> Bomoni oyo nalingi koloba? Bomoni oyo Likomi ezali kolobela awa? Soki Elembo etalisamaki te, na bongo boyokani ezalaki na ntina te. Bomoni? Esengeli kozala. Mpamba te, soki olobi ete ondimi, kasi olandi mitindo ya Liloba te, boye ondimi te. Bomoni? Ata okatamá ngenga, ata okota na lingomba, pe ata obatisamá, osala makambo nyonso oyo ndenge wana; wana ezali kaka Elembo te, Molimo Mosantu te.

<sup>150</sup> Moto ya mayele oyo, ndenge nauti koloba kala mingi te akobaki kosolola na ngai. Alobaki: “Billy,” alobaki, “Abraham andimelaki Nzambe, pe yango etangamelaki ye lokola boyengebene. Eloko nini mosusu moto akoki kosala libanda na kondima Nzambe?”

<sup>151</sup> Nalobaki: “Ezali solo, Molakisi. Ezali solo. Andimelaki mpenza Nzambe. Biblia elobi bongo. Olobi solo. Kino na esika wana, olobi solo.”

<sup>152</sup> Na ntango nyonso ba—ba—banóngi zomi na mibale, oyo batindamaki mpo na kokende kuna konónge mokili ya Kanana, na ntango nyonso oyo bazalaki kokende na ngambo ya Kanana, bazalaki kobotola mabele; kasi ntango bakómaki na mondelo, na bongo nde baboyaki.

<sup>153</sup> Nalobaki: “Bino ba-Batiste bozali malamumu, kino na esika oyo bokomi, kasi bozuaki Molimo Mosantu uta bondimaki?” Hum. Nalobaki: “Mikanisela, Nzambe andimaki kondima ya Abraham. A—andimelaki Nzambe, pe yango etangamelaki ye lokola boyengebene, ezali solo, kasi na sima Nzambe apesaki ye elembo ya kokatama ngenga, lokola elembetele, elembo mpo na ye.” Ezali te ete nzoto na ye, oyo ekatami ngenga, nde ezalaki na litomba moko mpo na elimo na ye, kasi ezalaki elembetele ete Ye (Nzambe) asilaki koyamba kondima na ye.

<sup>154</sup> Pe Apesaka biso elembetele, ya Molimo Mosantu, ete Asili kondima biso lokola bandimi. Mpamba te: “Bóbongola mitema, pe bóbatisama moko na moko na Nkombo na Yesu Klisto mpo na kolimbisama ya masumu na bino, pe bokozua likabo ya Molimo Mosantu. Mpo elaka yango ezali mpo na bino!”

<sup>155</sup> Bososoli sikawa. Bayuda, etali te boni boni bango bakokaki kotalisa ete bakatamaki ngenga, kasi elembo nde esengelaki kotalisama. Soki ezali wana te, boyokani ezalaki na ntina te. Ezalaki te.

<sup>156</sup> Ezali ndenge moko lelo, likambo ndenge moko. Etali te eloko nini yo ozosala, etali te ndenge nini okoki—okoki kolimbola Biblia. Okoki kozala moyekoli ya Biblia. Oh! la la! Okoki—okoki koloba: “Nazali mondimi, pe nyonso wana.” Kasi ata bongo Elembo nde esengami. Moyekoli ya Biblia, okoloba: “Nazalaki moto malamumu, Ndeko Branham.”



157 “Etali ngai te oyo moto moko akoloba, okoki kosala malamau koleka moto wana te. Namóná ye naino kosala likambo moko ya mabe te na bomoi na ngai.” Oyo *wana* ezali na likambo ya kosala ná Nzambe te. [Ndeko Branham alelisi misapi na ye—N.D.E.] Eséngisi ezali se moko, pe bobele moko wana!

158 Pe okoki kosala yango te. Okoki kopakola makila na libaya ya likolo ya ekuke te, epai wapi, elembo ekokaki kotiama bobele soki mwana-mpate akufaki. Pe makila ezalaki elembetele ya solo ete mwana-mpate akufaki. Maloba mpamba te; mwana-mpate akufaki!

159 Pe Molimo Mosantu ezali Elembo ya solo ete Mwana-Mpate na yo akufaki pe ozui Elembo likolo na yo moko, mpamba te Bomoi na Ye moko mpenza ezali kati na yo. Bomoni? Maloba ya mpamba ezali te. Komekola ezali te. Komekola ezali te. Ezali mpenza wana! Oyebi yango. Oyebi yango. Mokili eyebi yango. Elembo ezali wana.

160 Ata moto yango azalaki malamau ndenge nini. Akokaki kozala moyekoli ya Biblia. Ekoki kozala. . . Ekoki kozala mondimi moko malamau ya—ya lingomba. Ekoki kozala moto moko malamau. Ekoki kozala mo—mokonzi ya denomination moko. Ekoki kozala bo—bokitani ya Roma. Na—nayebi te soki ezali nani, ekosala te—ekosala yango eloko moko te.

161 Kasi, Yisraele, moyekoli nyonso ya Biblia ayebi ete Yisraele ezalaki elilingi ya Lingomba, mpenza, kokende na mboka na elaka. Pe kuna nde epai Azali kokende.

162 Kasi ntango mpokwa ekómaki, pe mobembo ezalaki kokóba, ezalaki na eséngisi moko ya motuya. Etali te boni boni Moyuda mpenza ye azalaki, ndenge nini azalaki kobatela milona na ye malamau, malamau ndenge nini azalaki kosunga bazalani na ye, boni boni ye asilaki kosala, mondimi ya malamau boni ye azalaki, moko na zomi boni ye azalaki kofuta. Makambo nyonso oyo ezalaki malamau. Ezalaki mabe te. Azalaki moto malamau, ayebaná na bandeko na ye, lokola moto malamau. Kasi kozanga elembo, ya makila, asilaki kokufa.

163 Oh, tika ete Nzambe ásungá ngai, ézala bandeko oyo bazali awa ná baoyo bazali koyoka ba-bande, mpo na kososola yango mpenza!

164 Likambo te, ézala otéyá Nsango Malamau, ézala obengáná milimo mabe, ézala olobá minoko na sika, ézala ogángá, obíná na Molimo, kasi kozanga Elembo.

Okoloba: “Nakoki pe kosala bongo?”

165 Polo alobaki okoki pe kosala bongo. “Ata nalobi minoko na bato pe na banje, ata napesi biloko na ngai nyonso mpo na koleisa babola, pe nzoto na ngai ete etumbama lokola mbeka, ete nazali na kondima ya kolongola bangomba, pe nyonso wana, ata bongo nazali mpamba.” Bótia motema na makambo wana te. Ezali nde

likambo ya Elembo! Etali te makambo boni yo ósálá, ndenge nini yo ozali moto malamumu; ntango nkanda na Nzambe ekobeta, ekoyeba bobele Elembo.

<sup>166</sup> Ezali Elembo ete ntalo oyo esengamaki esili kofutama. Pe ntalo oyo efutamaki ezalaki Bomoi ya Yesu Klisto, pe Apesaki Bomoi na Ye. Pe Molimo na Ye ezongi likolo na yo, lokola Elembo ete ondimami. Pe Elembo yango ezali elongo ná yo, butu pe moi, kaka mokolo ya lomongo te. Ezali ntango nyonso, ozali na Elembo. “Ntango Na . . . Makila ekozala elembo mpo na bino.”

<sup>167</sup> Okoloba: “Nazali kokoba kondima. Nazali mondimi.” Ezali malamumu. Kasi soki oboi Elembo, na bongo, ndenge nini okozala mondimi? Yango ezali kofunda yo. Bomoni, ezali kotelemela litatoli na yo, oyo yo ozosala.

<sup>168</sup> Moyekoli ya Biblia, moto malamumu, mondimi ya lingomba, nyonso oyo yo ozali, elingi koloba eloko moko te. Iyo, misie. Ntango mosusu tata na yo azali motei. Ntango mosusu ma—mama na yo azalaki mosantu. Ntango . . . Ezali—ezali mabe te, bakosamba mpo na bango moko. Ndenge nalobaki, bamekaka . . .

<sup>169</sup> Bato bamekaka kokómisa Nzambe mobange ya nkoko moko boye, ya libumu monene, bomoni, ná bankoko ebele, lokola ba-Ricky ná ba-Elvis, pe, “Basalaka na bango mabe te.”

<sup>170</sup> Nzambe te! Azalaka na bankoko te. Azali Tata. Bosengeli kobotama mbala mibale! Azali libumu monene te pe alembá te.

<sup>171</sup> Azali Nzambe ya kosambisa. Biblia nde elobi ete Azali bongo. Nkanda na Ye ezalaka makasi. Komeka kotiola Yango te bongo ólikia ete mokolo moko boboto ya Nzambe ekozua yo, kati na masumu na yo, mpo na komema yo na Lola. Soki Ásalaka bongo, mbele Alingaki kolimbisa makambo nyonso oyo awa, pe kozua Eva. Bokondima Liloba na Ye, soki te bokozala . . . bokokufa. Pe ntango ondimi Liloba na Ye, Elembo ekozala likolo na yo. Iyo.

<sup>172</sup> Kufa ebelemaki mpo na kobeta Ezipito na butu wana, ata na ntango nini. Ezalaki ntango ya nsomo; milulu na bango nyonso, mikolo na bango nyonso ya bafeti, pe mikolo ya kokila bilei.

<sup>173</sup> Nzambe ayaki epai na bango. Nzambe asilaki kotalisa bilembo pe bikamwa na Ye ya minene katikati na bango. Ezali nini? Sikawa bótelema mwa moke. Nzambe asilaki kotalisa bango ngolu na Ye. Apesaki bango libaku malamumu.

<sup>174</sup> Bakokaki koboya Yango te, balobaki: “Oh, nyonso wana ezali na yango mpamba. Ezali bolémá. Ezali bobele eloko moko oyo esalemaki kuna na ba-bwéta, potopoto moko ya—ya motane ebimaki kuna, yango nde ekómisaki mbu motane.” Na sima matandala eyaki. Na sima magbolodo eyaki. Nzambe asilaki kobongisa esika moko, pe kotia Liloba na Ye na monoko ya

mosakoli. Pe oyo ye azalaki koloba, ezalaki kosalema, pe bango bamonaki yango. Bakokaki kowangana yango te.

175 Oyo Mose azalaki kobengisa, yango nde Mose azalaki kozua, uta na Nzambe, mpamba te azalaki bobele koloba Liloba na Nzambe. Alobaki: “Nakokómisa yo nzambe.” Mose azalaki nzambe mpo na bango. Bomoni? Bayebaki na bango bokeseni moko te, na bongo Alobaki: “Yo okozala nzambe, pe Alona akozala mosakoli na yo. Bomoni, okozala lokola nzambe, mpo ete Nakozua yo, mongongo na yo, pe Nakokela na nzela na yo. Nakoloba, pe bato bakowangana yango te, mpamba te ekozala mpenza wana. Oyo okoloba, ekosalema.” Oh! la la! “Nakolakisa yo makambo yango.” Oh! la la! Pe Ezipito emonaki yango. Bamonaki yango bobele liboso na ntango ya mpokwa, to bobele na ntango ya mpokwa.

176 Alakisaki bango bolamu na Ye. Alakisaki ete Akokaki kolongola yango, kobikisa.

177 Bato na solóka bamekaki kosala ndenge moko, bamekoli. Bazalaka ntango nyonso. Yane pe Yambele bazalaki wana, batelemaki wana. Kasi na oyo etali likambo ya solo, bango bazalaki na yango te. Ya solo. Balandaki elongo, mwa ntango moko. Kasi, sima na mwa ntango, bolémá na bango emonisamaki polele.

178 Pe Biblia elobi te ete likambo yango ekosalema na mikolo ya suka, “lokola Yane pe Yambele batemelaki Mose”? Kasi bolémá na bango emonisamaki polele, ekosalema lisusu bongo. Bomoni? Yango wana, bato na makanisi ya kobeba, bazangi bosembo na oyo etali Solo, Bosolo ya likambo. Bakoki kozala na mayangani pe makambo ya minene, biloko ya minene ya kitoko mpenza, kasi suka-suka ntango yango ekokóma.

179 Bótelema ngwi ná Elembo! Yango nde oyo Nzambe alingi ete biso tósala. Bókangama na Liloba na Ye. Bótangwa na Yango te. Bótikala mpenza ná Yango. Biblia nde elobi bongo.

180 Kufa ezalaki kobeta. Nzambe asilaki kotalisa bango mawa, kotalisa nguya pe bilembo.

181 Sikawa tótelema naino mwa ngonga moko to mibale, na saa wana. Tózongisa naino makanisi na sima, na makambo oyo Alakaki ete ekosalema na mikolo ya suka. Nazomituna soki ngonga ebelemi te mpo na biso pe tómitala malamumu. Bomoni?

182 Asilaki kosala makambo oyo nyonso, kasi ata bongo, bazalaki naino na mposa ya kobongola mitema te, to ya kondima nsango ya mokolo yango. Balingaki kaka kosala yango te, atako esilaki kotalisama liboso na bango, pe esilaki koyebana malamumu.

183 Pe soki bomoni makambo ya ndenge wana kosalema, ezali elembetele ya kosambisama oyo ezali koya. Kosambisama ekolanda makambo yango. Esalemaka ntango nyonso bongo, pe oyo ezanga kosalema ata moke te. Bomoni? Kosambisama

elandaka ngolu. Soki mawa eboyami, eloko mosusu etikali te bobele kosambisama. Boye ekolanda yango ntango nyonso.

<sup>184</sup> Sikawa, likambo yango. Likambo nyonso ya molimo oyo esalemaka ezalaka elembo kouta na Nzambe. Bólanda na bokebi. Bótala yango, bomoni. Bótala malamú, likambo nyonso ya molimo oyo ekómaka, likambo nyonso oyo esalemaka, ezalaka elembo. Tozali awa na mbalakaka te. Makambo oyo ezosalema na mbalakaka te. Ezali elembo. Ezali elembo, mpo na kokende—kokende na esika ya kobatelama, noki-noki. Nowa azalaki elembo mpo na libota na ye; Eliya azalaki elembo mpo na oyo ya ye; Yoane azalaki elembo mpo na oyo ya ye. Bomoni? Nyonso, Nsango ya ntango, ezali elembo. Bólanda Yango malamú, bótala oyo Yango ezali kosala. Bomoni? Ezali elembo. Eloko nyonso ezalaka na ntina.

<sup>185</sup> Pe Nsango ya boye ekokaki koya na eleko mosusu te. Ekokaki koya na mokolo ya Luther te, ekokaki koya na mokolo ya Wesley te, ekokaki ata koya te na mokolo ya ba-Pantekotiste. Ekokaki kosalema te. Bomoni? Etikalá te. . . likambo ya ndenge wana etikalá kosalémá te, pe nzokande tosilaki kolakama bongo kati na Biblia. Bomoni? Tokómi na suka. Eloko moko ekokaki kosalema te, ekokaki kosalema te kino na eleko oyo. Pe ezosalema mpo na elembo. Nazomituna soki elembo yango ezali nini?

<sup>186</sup> Oh, libota moke, ndeko na ngai mobali, ndeko na ngai mwasi, kota na nsé na Elembo yango, noki-noki. Bomoni? Te, kozua eloko mosusu na esika na yango te. Te, te, te, kosala yango te. Bomoni? Kobanza-banza Yango kaka te. Tikala wana kino ete óyeba ete Elembo esili kotiyama, kino ete (mobimba na yo) makanisi oyo ezalaki kati na Klisto ézala kati na yo, kino ete bolémá nyonso ya mokili élongwa, bomoni, kino ete mposa nyonso ya motema ézala Ye. Bomoni? Na ntango wana, nde, okoyeba, na ntango wana nde okoyeba ete likambo moko ezali kosalema. Yesu alobaki: “Bilembo oyo ekolanda baoyo bakondima,” bandimi ya maloba te, kasi bandimi. Bomoni? Sikawa, tolingi kotatabana na, na ntina na yango te; bosengeli kosala yango te.

<sup>187</sup> Nsango ya ntango ezali elembo mpo na mangomba. Ezali elembo mpo na bato. Te. . . bozali, bozali kososola yango? [Losambo balobi: “Amen.”—N.D.E.] Nabanzi ete, baoyo bazali koyoka bande, bazali pe kososola likambo yango moko, bomoni, pe na bisika mosusu na mokili. Bomoni, elembo ya ntango ezali awa. Ezali na Elembo moko oyo esengeli kotiyama, pe Ekokaki koya na eleko mosusu te.

<sup>188</sup> Bótala oyo Nzambe abongísá mpo na eleko yango. Sikawa, ndenge toyebi ete Biblia elobaki: “Makambo nyonso wana esalemaki mpo na kopesa biso ndakisa, bomoni.” Bótala, ntango Nzambe alingaki kosambisa Ezipito, liboso Alengelaki

makambo. Eloko nini Asalaki mbala ya liboso? Abongolaka lolenge na Ye ya kosala ata moke te.

<sup>189</sup> Mbala ya liboso, ntango Asalaki, ntango Alengelaki makambo na Ye, Atindaki mosakoli moko ná nsango. Eloko ya liboso Asalaki mpo na libota na Ye ezalaki kotinda mosakoli moko ná nsango.

<sup>190</sup> Eloko ya mibale oyo Asalaki, mpo na kotalisa mosakoli yango, Atindaki Likonzi na Móto mpo na kotalisama, mpo na kotalisa yango.

<sup>191</sup> Pe eloko ya misato oyo Atindaki ezalaki elembo. Ezali mpenza ya solo. Elembo, elembo yango elingaki koloba nini? Assurance!

<sup>192</sup> Liboso, mosakoli na Ye ná nsango; Amitalisaki Ye moko kati na . . . ná—ná Likonzi na Móto elongo ná mosakoli na Ye; na sima Atindaki elembo, mpo bákóta na nsé ya makila yango, kotalisa ete Andimaki ete eloko mosusu oyo ékufa na esika na yo. Na bongo, makila nde ezalaki elembo oyo Ye atalaki, kotalisa ete oyokaki nsango yango, ondimmelaki Likonzi na Móto, pe ondímaki kufa ya eloko mosusu oyo ezuaki esika oyo Ye apesaki mpo na yo, pe ozalaki na nsé ya makila ya composant chimique ya bomoi oyo ebimaki mpo na yo. Oh! la la! Oyo nde ebongi be mpenza, oyo ezali eloko oyo ebongi be mpenza, bomoni, ozali na nsé ya makila.

<sup>193</sup> Sikawa bozali na nsé ya Molimo, na nsé ya Molimo Mosantu. Bomoni? Bomoni? Bondimi Nsango ya mokolo, bomoni, bondimi ngu—ngu—ngu—ngu—nguya yango, li—li—Likonzi na Móto. Bondimi yango, bomoni, pe bondimi mpenza.

<sup>194</sup> Sikawa, sikawa bótala, bobele kondima Yango ekoki te. Kozanga ko—ko . . . Kotambola zingazinga esika Yango ezali, ekoki te. Bomoni, wana ezali komikomisa mabe koleka: “Mpo ete ye oyo ayebi kosala malamú, nde akosala boye te, ezali lisumu mpo na ye.” Bomoni, bandimi ya ndelo wana, Yesu pe alobelaki likambo yango moko.

<sup>195</sup> Baebéle, mokapo ya 6: “Mpamba te mpo na bango basili kongengelama moi, pe bazui likabo na Molimo Mosantu, pe bayoki elengi ya Liloba na Nzambe, pe ya ekeke ekoya, soko na sima basili kopengwa, nzela na bango ya kobongola lisusu mitema ezali te; bazali kobakisa Mwana na Nzambe na ekulusu bango mpenza; pe bazali kotuka boyokani ya Makila, oyo babulisamaki na nzela na yango . . .” Composant chimique wana ebulisaka. Ezali Elembo te. Sikoyo, Makila ezali lisusu Elembo te. Bomoi nde ezali Elembo.

<sup>196</sup> Bomoi ekokaki kozala wana te, mpamba te ezalaki nde nyama. Composant chimique ezalaki elembo, basengelaki kopakola makila mpenza na ekuke. Kasi sikoyo ezali nde Molimo Mosantu. Tozókóma na likambo yango, kala mingi te, mpo na kotalisa yango polele, bomoni. Bomoi nde ezali Elembo.

<sup>197</sup> Bomoi na yo esili kolongwa, pe osili kokúfa, pe bomoi na yo esili kokúfa. Obombámi kati na Nzambe, na nzela na Klisto, otiámi elembo pe okangámi na kati kuna, na nzela na Molimo Mosantu. Makanisi oyo ezalaki kati na Klisto ezali kati na yo. Pe Klisto, ná Biblia, ná Liloba, bazali ndenge moko. “Na ebandeli Liloba azalaki, pe Liloba azalaki mboka na Nzambe, pe Liloba azalaki Nzambe.” Na bongo yo, ná Liloba, ná Nzambe, ná Klisto, bokómi ndenge moko. “Soko bokoumela kati na Ngai, pe Liloba na Ngai ekoumela kati na bino, bósenga nini bolingi pe ekosalemela bino.” Bomoni?

<sup>198</sup> Atiaki nguya na bibebu ya Mose, mpo na kokende kuna ná Liloba na Ye pe koloba, pe magbolodo eyaki; alobaki, magbolodo ekendeke; alobaki, nsili eyaki; alobaki bomoi—nsili ekendeke. Amen!

<sup>199</sup> Kasi bongo nde elembo esengamaki mpo na Yisraele mobimba. Yisraele mobimba esengelaki kotia elembo oyo. “Ntango Nakomona elembo, Nakoleka likolo na bino.” Oh! la la! la lá! Oyo nde assurance!

<sup>200</sup> Kobima ya Yisraele na Ezipito, ezalaki elilingi, ya bosolo lelo. Ezipito ezalaki lingomba, pe Yisraele ezalaki kotalisa Mwasi na libala. Pe ndenge Yisraele ebimaki na Ezipito, Mwasi na libala pe abimi na lingomba. Bomoni? Mpamba te, eloko moko esengeli kozala wana mpo Ye abima na yango, pe Asengeli kobima, lokola ezalaki elilingi. Li—lingomba ezali kuna na Ezipito, na mokili pe na masumu, pe ezali kotala li—li—likambo ya Elembo na bino ata moke te. Bandimaka ata Yango te. Kasi Yisraele elingaki yango, mpo yango ezalaki lobiko mpo na bango. Oh! Oh! Esengelaki kopesa biso nde esengo, esengelaki kosala ete mitema na biso. . . Oh!

<sup>201</sup> Bótia Yango, lingomba! Bózanga te. Bokosala yango? Te, te, bótika te ete moi élála. Te, te, te, bópema te, butu to moi. Bótatabana te. Ekosimba te, bino bana na ngai. Ekosimba te. Bosengeli kozala na Elembo!

<sup>202</sup> Okoloba: “Nandimi. Iyo, nakendeke. Ngai, iyo, nandimi Nsango oyo. Ngai. . .” Ezali mabe te, kasi, wana—wana ezali malamú.

<sup>203</sup> Kasi bosengeli kozala na Elembo! Branham Tabernacle, bozali koyoka? Bosengeli kotalisa Elembo yango! Kozanga Yango, kondima na bino nyonso ezali mpamba. Bomoni? Okobika bomoi ya malamú; boyokaka oyo Liloba elobi; okendeke na losambo; omekaka kobika sembo; ezali malamú, kasi ezali Yango te. “Ntango Nakomona makila,” yango nde Elembo. Pe awa, Elembo yango ezali te. . .

<sup>204</sup> Mpamba te, oyo, A—Asengeleki komona composant chimique yango mpenza, mpo bomoi esilaki kobima, ye. . . esilaki kobima libanda na yango, ezalaki nyama.

205 Kasi awa Ezali Bomoi na Ye moko, nde ezalaki kati na Makila. Pe composant chimique ezalaki bobele etaliseli to elembo ya kobulisama, kasi Bomoi Yango moko ezali Elembo; mpo kozanga kokatama ngenga, kozanga Elembo, ozali ata kati na boyokani te. Likambo yango mobimba etambolaka elongo. Soki olobi ete okátémá ngenga mpo na Liloba, pe bobele Yango, na bongo okondima Liloba; soki ondimi Liloba, na bongo Elembo esengeli koya, mpo alobaki: “Bóbongola mitema, pe bóbatisama moko na moko na Nkombo na Yesu Klisto mpo na kolimbisama na masumu na bino, pe bokozwa likabo ya Molimo Mosantu.” Yango nde. Oh! la la!

206 Na bongo bótala bolengeli ya libota na Ye mpo na mboka na elaka. Bótala eloko oyo Ye asalaki. Liboso, Azalaki na libota moko, oyo Asilaki kobongisela bango mboka moko. Asilaki kobongisa mboka moko mpo na bango. Na sima Atindaki kuna bolengeli mpo na likambo yango, mpo na libota oyo ekokende na mboka na elaka. Ezalaki bobele mpo na baoyo babongisámá liboso mpo na mboka na elaka wana, Mwasi na libala lelo. Pe motindo Asalaki yango, Ye atindaki mosakoli ná nsango, atalisaki yango na nzela ya Likonzi na Mótó, pe apesaki elembo moko mpo bákoka kondimisama ete ezalaki sembo. Ya solo. Yango nde ezalaki kobondisama na bango.

207 Yisraele, ntango ebimaki na Ezipito na ntango wana, ezalaki e—elilingi. Oyo nde bosolo ya likambo yango, ya Lingomba oyo ebimi na ba-denominations. Sikawa, nyonso ezali denomination te. Nalingi koloba Mwasi na libala. Bomoni? Bato mosusu, ezali na ba-losambo oyo bazalaka bango moko, oyo bazali mpenza mabe pe lokola baoyo ya ba-denomination, ntango mosusu mabe koleka bango.

208 Nazali kolobela nde Elembo oyo etiami. Elembo eyokanaka ná Liloba moko na moko. Bomoni? Esengeli kozala bongo, mpo Ezali Liloba. Ezali Bomoi oyo ezalaki kati na Liloba. “Maloba na Ngai ezali ya Molimo; Ezali Bomoi,” elobaki Yesu. Bomoni?

209 Ntango Mose abandaki mosala na Ye na Yisraele, ná bilembo minene oyo, bomoni, Yisraele asanganaki nokinoki na Gosene, longwa na Ezipito mobimba, bazalaki kozonga na esika na bango, mpamba te bayebaki ete likambo moko elingaki kosalema. Oh, oyo nde elilingi!

Oh, bauti na Esti pe na Westi,  
 Bauti na bamboka mosika, (ya solo, bosila  
 koyoka nzembo yango)  
 Kosepela elongo na Mokonzi, kolia na mesa na  
 Ye,  
 Baleki-nzela oyo bapámólámí mpenza!  
 Bazali kotala elongi na Ye ya bulee

Kongenga na bolingo na Nzambe;  
Bapámبولами oyo bazui likabo na ngolu na Ye,  
Lokola mabanga ya motuya oyo ezali kongenga  
kati na motóle na Ye.

Oh, etikali moke Yesu akozonga,  
Na bongo mpasi na biso ekosila.  
Oh, bongo soki Nkolo na biso ayei sikawa  
Mpo na baoyo bazangi masumu?  
Oh, bongo ekopesa yo esengo,  
To mawa pe kozanga elikia mpenza?  
Ntango Nkolo na biso akoya na nkembo,  
Tokokutana na Ye na mipepe.

210 Kotalisa Elembo! “Pe Nakosekwise ye na mikolo na suka.”  
Na ntembe te! Tokómi na mikolo yango.

211 Bato basanganaki na Gosene. Babelemaki. Bayebaki ete  
likambo moko elingi kosalema. Bazalaki mpenza lokola . . .

212 Soki ozui mabata, ntango ngonga ya mobembo ekoki, bango  
nyonso bayaka kosangana elongo. Ntango ba-nzoi, pe banyama  
mosusu nyonso, bamilengelaka, ezalaka na lómbi moko boye oyo  
ebendaka bango.

Molimo Mosantu ebendaka bato!

213 Oh, ntango nkanda monene ya Nzambe elingaki kokita,  
moko na moko. . . Mabata mibale eyaki, mwasi ná mobali.  
Mabata ya mai mibale eyaki, mwasi ná mobali; mpunda  
mibale eyaki, mwasi ná mobali; eloko moko boye ezalaki  
kobenda bango, baoyo babongisamá liboso. Baoyo batikalaki  
bakufaki. Oh! Baoyo batikalaki bakufaki! Kasi baoyo  
bayokaki kobendama wana ya kokóta, bayebaki ete masuwa  
ebongisamaki. Ezalaki elembo ete mbula ezali koya. Bayebaki  
ete mbula ezali koya, etali te oyo ezalaki komonana na miso pe  
nini oyo bato mosusu bazalaki kokanisa. Bango bayebaki.

214 Eloko moko na kati na bango, ezalaki koloba: “Kota na kati  
kuna, noki-noki! Kota na kati kuna, mpo yango nde esika bobele  
moko oyo ekozala na kobatelama.” Mpamba te, Nzambe asilaki  
kobongisa mosakoli moko, Atindaki masuwa lokola elembo,  
alobaki: “Bokota kuna,” pe mbula ezalaki koya. Pe bakotaki  
kuna, mibale-mibale. Nyama nyonso ekotaki, mibale-mibale, na  
kati ya masuwa, mpo bakotaki kuna na nse na yango. Etali te  
oyo bamosusu. . .

215 Pe nyonso oyo libanda na masuwa wana ekufaki. Baoyo  
nyonso bazalaki libanda na elembo yango, oyo ya makila,  
bakufaki, bango nyonso. Pe moto nyonso oyo akozala libanda na  
Elembo, ya Molimo Mosantu, akokufa.

216 Etali te bato malamumu ndenge nini, bandimi ya lingomba  
boni! Bazalaki ebele na mikolo ya Nowa. Bazalaki ebele na  
mikolo ya Mose; kasi moto oyo azangaki kotia makila, lokola



elembo, akufaki. Baoyo bazangaki kokóta na masuwa, bakufaki. Baoyo bazangi kokóta kati na Klisto, mpo Ye nde Masuwa!

217 Bakolinti ya Liboso 12, elobi: “Biso nyonso tobatisami kati na Nzoto moko na nzela ya Molimo moko.” Oyo esimbamaka te, lingomba te; kasi oyo esimbamaka te, ba-denomination te; Nzoto oyo emonanaka te ya Yesu Klisto! “Kati na Molimo moko,” nkómá monene M-o-l-i-m-o, Molimo, “biso nyonso tobatisami kati na Nzoto moko oyo.” Na bongo Elembo ezali na ekuke, mpo bozali kati na Klisto. Pe Ye nde Moto, Mbeka na bino, Oyo ayikaki mpiko ya kosambisama. Pe ntango Nzambe atalaka yango, Akoki kosala eloko moko te. Bobatelami mpenza na ndenge ekoki, mpo ete Nzambe ná Klisto bazali bobele Moto moko, Molimo ekómaki mosuni pe efandaki elongo na biso. Pe tala Nzambe Ye wana, ná Ye Moko, pe bino, bana na Ye Moko, na kati ya Nzoto. Yango wana nde, binama ya chimie te, kasi Molimo nde! “Nakoleka likolo na bino.”

218 Bautaki na Ezipito mobimba, mpo na kosangana na esika moko oyo, mpo bákoka kozala na nsé ya elembo yango.

219 Pe bauti na ba-Methodiste, ba-Batiste, ba-Presbiterien, ba-Lutherien, ba-Pantekotiste, pe nyonso mosusu, mpo na kokota na nse ya Elembo. Kaka ndenge esalemaki na ntango wana!

220 Likonzi na Móto nde etalisamáká kuna. Pe moto moko ayebisaki mosusu, moto yango ayebisaki mosusu, moto yango ayebisaki mosusu, pe, na mbala moko, bango nyonso babandaki koya. Babandaki koya, pe batalaki elembo ya Nzambe na bokebi. Balobaki: “Kosambisama ekómi pené.”

221 Bongo mosakoli alobaki: “Nzambe asololi na ngai. Elembo moko ekozala. Pe bino bópakola makila na ekuke. Bóboma mwana-mpate, bópakola makila na ekuke, pe yango ekozala elembo, mpo kufa elingi kobéta.”

222 Bótika naye bise bino lelo, lokola mosali na Ye, soki Elembo ezali likolo na ekuke te, kufa ya molimo ekobeta. Pe mangomba nyonso ezali kozonga na—na lisanga, Lisanga ya Mangomba ya Mokili. Bango nyonso bazali kozonga na Bokatoliko. Pe bobele baoyo babotami mpenza mbala ya mibale, nde bakotikala libanda!

223 Bómikanisela, ezali ba-denomination na bino ya ba-Pantekotiste te, mpo bango basili kokota kati na yango. Ezotalisa ete basili kokufa! Bakufi. Bapesi mbeka. Bazongi sima. Babimisa Ye libanda na ekuke, kasi Azali koluka Elembo. Mpamba te, eloko bobele moko oyo batielaki motema, ezali koloba minoko na sika.

224 Bótiaka motema na koloba minoko na sika moko te, na eloko moko pe te. Kasi bótika ete Elembo Yango moko ézala wana, Bomoto ya Yesu Klisto, Bmoi na Ye Moko kati na yo. Bókata ngenga bobele ya eloko *oyo*, to *oyo kuna* te; kasi bókata ngenga ya bomoto na bino mobimba, na lolenge ete yo ná Klisto bókóma

Moko. Klisto azali kati na yo, pe Bomoï na Ye ezali kotalisama na nzela na yo.

225 Bongo, sikawa, uta na Ezipito mobimba! Pe bótala sikawa, wana tozali komona makambo oyo bango basalaki, wana tozali komona ndenge ntango ezali komonana, totindami kosala ndenge moko. Boyebaki yango? Bótala malamû likambo oyo mosakoli alobaki.

226 Pe tokotánga sikawa, soki bolingi kotánga, na Baebele mokapo ya 10. Pe soki bolingi kotanga elongo na ngai, nalingi kotanga molongo moko to mibale sikawa, liboso ete tókoba. Baebele mokapo ya 10, pe tóbanda na molongo ya 26 ya mokapo ya 10 ya Baebele. Te, ngai. . . Tótala. Iyo. Iyo, misie! Baebele, mokapo ya 10, pe molongo ya 26, bomoni.

*Mpamba te soko tokosalaka masumu na nko nsima na kozua. . .*

227 Tótala, nazui yango malamû? Iyo. Ezali yango. Iyo.

*. . . soko tokosalaka masumu na nko nsima na . . . biso kozua boyebi na solo, mbeka mpo na lisumu ezali lisusu te.*

*Etikali bobele kokatela esambiseli na nsomo pe móto na nkanda oyo ekozíkisa motelemeli.*

*Bótala oyo! Moto oyo apengwi mibeko na Mose akokufa na kozanga mawa mpo na litatoli na batatoli mibale to misato:*

*. . . bokanisi nini soko moto anyateli Mwana na Nzambe na nsé na makolo na ye— atioli boyokani ya makila. . . na mbindo. . . oyo abulisami na yango, pe. . . atioli Molimo na ngolu oyo euti na Makila, ye akokwea na etumbu eleki makasi mingi te?*

228 Motei, moi-lingomba, moto malamû, moto ya bizaleli malamû, ózala nani, pe oyebi ete Nzambe asila kolongola makaya kati na yo. Basi, boyebi ete Asila kolongola bakupe, pe—pe suki ya mikuse, pe nyonso wana, kati na. . . Boyebi ete Asalaki yango. Kasi na sima soki bopesi mokongo, botioli, pe bolobi ete Makila wana ya boyokani ete Ezalaki “eloko ya mbindo,” nzokande Yango nde esili kobulisa bino pe komema bino kino na esika oyo!

229 Lokola banóngi, soki bákomaká kino awa na ndelo ya mboka, bábwákaki miso pe balobaki: “Ee, nayebi ezali wana, kasi bipekiselô eleki mingi. Tozali lokola makélélé,” bakufaki na lisobe. Bandimi ya ndelo!

230 Kosuka bobele awa te, koloba: “Nandimi Nsango oyo.” Tósa nde motindami. Kóta kati na Klisto! Okoloba: “Ee, nandimaka Liloba moko na moko oyo elobami, Ndeko Branham.” Ezali malamû, kasi yango ezali kaka—yango ezali kaka mpo oyebi kotanga.

231 Kámátá Nsango oyo, mémá Yango kati na motema na yo, mpo osengeli kozala na Elembo, Bomoi mpenza oyo ezalaki kati na Klisto ézala kati na yo. “Ntango Nakomona Yango, Nakoleka likolo na yo.”

232 Wana tozali komona bilembo minene ya ntango na suka na mokili lelo, toyebi ete ezali bongo. Sikawa bótala, nazelaki likambo oyo, Liteya oyo mpo na bino, ntango molai, molai mpenza. Bomoni? Pe bosili komona bilembo ya ntango na suka. Nateyaki bino Yango, pe natalisaki bino Yango, na nzela na nyonso oyo Klisto alobaki. Boye te? [Losambo balobi: “Amen.”—N.D.E.] Bokondima yango? [“Amen.”] Tokómi na ntango ya suka. Nazomona eloko moko te oyo etikali.

233 Bokoloba: “Olobi nini mpo na elembo na nyama?” Baoyo baboi Molimo Mosantu basili kotiyama elembo na nyama. Etumbu ekoya sima. Bomoni?

234 Na Yisraele, soki kelelo eyuli na mobu na Yubilé, moto nyonso... Bomoni Klisto, ntango atangaki yango? Atangaki bobele ndambo na yango, mpo bobele ndambo na yango nde esengelaki mpo na ntango wana. Bomoni? “Atindi Ngai kobongisa batutami na motema, kosakola ekangweli epai na bakangami,” pe bongo na bongo, bomoni, kasi, Ye, “pe mbula na ngolu na Nkolo.” Oyo etikali, Atikálá te—Atikala kotanga yango te; Akitisaki Mokanda, mpamba te yango ezali mpo na mokolo oyo. Bomoni? Atangaki bobele eteni na yango, eteni oyo ezalaki mpo na mokolo na Ye.

235 Sikawa yango nde oyo Akosala lelo oyo. Yango nde oyo Azali kolobela lingomba lelo, na nzela na Molimo na Ye oyo epakolami: Sikawa nde ngonga yango. Sikawa nde ntango yango. Bóyamba Yango, libota. Bóyamba Yango!

236 Nini yango? Tozali komona bantango minene ya suka, minda mitane ezali kopela, bipai nyonso. Kati na bozalisi, tozali komona bozalisi kopelisa mwinda, “Ntango ekómi pene.” Tozali komona yango na lingomba, kopelisa mwinda. Ekweisami. “Ntango ekómi pene.” Ezali kati na mokili. Tozomona yango na—na mapata, na mbu, na bikólo, na bisika nyonso; na mói, na sanza, na minzoto. Bilembo!

237 Tozomona bilembo ya ntango na suka, ya Molimo Mosantu, kozonga likolo na bato. Lokola ezalaki na mikolo ya Lota, ndenge Molimo Mosantu asalaki na nzela na nzoto ya moto kuna, wana ezalaki nde Nzambe komimonisa na nzoto. Ndenge Nzambe akomikómisa moto, Ye moko kati na—Ye moko kati na Mwasi na Ye ya libala na eleko wana, pe akotalisa elembo yango moko, Yesu alobaki ete ekozala kaka ndenge moko na ntango na suka. Tozomona yango. Tozomona Likonzi na Mótó yango moko. Ata science ekangi Yango ba-fotó, pe bongo na bongo. Tozomona bilembo ya ntango na suka kobeleva. Toyebi ete ezali awa.

<sup>238</sup> Na bongo, komona makambo oyo, soki bondimi ngai! Soki bondimi ngai te, bándima bilembo, bándima Liloba, mpamba te yango ezali kotatola na ntina na makambo oyo nazali kolobela bino. Soki nazolobela bino Solo te, makambo yango elingaki kotatolama ata moke te. Nzambe akotatola lokuta ata moke te. Nzambe atitolaka nde Solo. Pe Maloba oyo ezali kotatola ete nazali kolebela bino Solo. Yango nde ezali kotatola Nsango oyo nazali koteya. Ezali te bobele makambo Mwanje alobaki kuna na ebale mokolo wana, ete: “Nsango na yo ekolengela Boyei na Klisto ya mibale,” misala yango moko! Soki bokoki kondima te ete Mwanje wana alobaki Solo, bándima misala, mpamba te Biblia elobaki ete makambo oyo ekosalema na ntango na suka. Yango nde Ezali kotatola. Yango nde ezali koloba makasi koleka maloba na ngai to ya moto mosusu. Ezali Liloba na Ye. Ezali kotatola na ntina na ntango.

<sup>239</sup> Pe tozali komona bilembo minene pe ya nsomo ya suka, likolo na bato, pe bilembo ya ntango, na mokili, kobanga kati na bikólo.

<sup>240</sup> Tomoni Yisraele kozonga na ekólo na ye. Bendele, monzoto-mpútu-motoba, Monzoto ya Dawidi, ezali kopepa, bendele ya kala mpenza koleka na mokili, dalapó ya kala mpenza koleka na mokili. Akomi ekólo. Azali na bokulaka ya ekólo. Azali na bato na ye moko. Azali kati na lisanga ya bikólo. Ye, azali, azali nyonso wana. Azali kati na O.N.U. Pe azali na misolo na ye moko, nyonso. Yesu alobaki: “Libota oyo ekoleka te kino makambo nyonso ekokisama.” Pe, bómikanisela, butu yango moko oyo Yisraele akómaki ekólo, butu yango nde Mwanje na Nkolo abimelaki ngai kuna. Ya solo. Tala esika nyonso oyo tokomi.

<sup>241</sup> Makambo nyonso esili kotalisa polele mpenza Solo. Natikali kokosa bino te. Nalobeli bino Solo, pe Nzambe asili kotatola ete nalobeli bino Solo. Sikawa, bóbosana te, nazali ndeko na bino. Nazali moto, bomoni. Nazali bobele moto lokola bino nyonso, kasi moto moko asengeli koteya Yango, moto moko asengeli koloba Yango. Ezapaki kopona na ngai te; ezapaki kopona na Ye. Pe ngai nalobeli bino Solo, pe Ye asili kotatola mbala moko ete Ezali Solo. [Losambo balobi: “Amen.”—N.D.E.]

<sup>242</sup> Ntango tozomona makambo oyo na mokili lelo, oh, libota, oyo ezali ngonga ya suka. Bótia Elembo yango likolo na bino, na lombangu nyonso; to, bókota kati na Elembo, bókota kati na Elembo. Wana tozali komona elembo monene ya suka, pe ntango ebelemi, kokebisa biso: “Ntango ebelemi.”

<sup>243</sup> Oh, bózua yango na eyongi! Tosengeli kolingana bamoko na bamosusu. Oh! la la! Tosengeli kotonda mpenza na bolingo! Bósolola mabe bamoko na bamosusu ata moke te. Soko moto moko asali libunga, bóndela mpo na ye mbala moko. Likambo oyo etali biso nyonso, elongo ná Nzambe. Tozali bandeko mibali

pe basi. Oh, bóbika bomoi ya bulee. Bóbika, bóbika lokola bana basi ya Nzambe, bóbika lokola bana mibali ya Nzambe. Bóbika na bopolo, na boboto, na komikitisa.

<sup>244</sup> Kotika mabe moko te ékóta na mabanzo na yo, na makanisi na yo. Bengáná yango kaka, kaka mbala moko. Soki ebeti na ekuke, bengáná yango. Loba kaka, lakisa kaka Elembo na yo, koba kaka kokende liboso: “Nazali na nsé ya Makila!”

<sup>245</sup> Bómikanisela, mingi na bango bayaki epai na basi yango na butu wana, koloba: “Hé, Gertie, Lillie, bino baninga, bóbima naino, tozokende na feti moko na mpokwa oyo.”

<sup>246</sup> “Hah-ah! Ngai nazali na nsé ya makila. Nazali na nsé ya elembo, nakotikala awa. Bolingo na ngai ezali mpo na Mokeli na ngai. Kufa ezali na mboka na mpokwa oyo.”

<sup>247</sup> Pe kufa ezali na mboka lelo. Kosambisama ebelemi, ezali kozela. Ba-bombe atomike pe hydrogene, pe malozi nyonso ya ndenge na ndenge, ebelemi mpo na bikólo.

<sup>248</sup> Pe Nzambe azali kotambwisa Lingomba na Ye, pe alakisi yango nyonso. Tobatelaki Mwana-mpate ntango molai, kokengela, komona makambo oyo Ye azali kosala, kotalela ezaliselo na Ye pe nyonso, kasi sikawa esengeli Elembo kotiamama. Yango esengeli kotiamama. Ezali bobele yango. “Soko moto akobotama na Molimo, pe na mái te, akokóta ata moke te.” Pe bosengeli kolingana kati na bino. Bandimi basengeli kokabwana na mokili. Sikawa bózua yango na liseki te.

<sup>249</sup> Sikawa, bino baoyo bozali koyoka Liteya oyo, na bande, bino basi, bino mibali, bóyoka miniti moke. Soki botikálá kondimela ngai mpenza, bóndima Yango sikawa.

<sup>250</sup> Ntango ekoki mpo na kotika kowelana bamoko na bamosusu. Bóndimela Nsango ya Biblia! Bóndimela Yesu Klisto! Pe bólingana, bópesana lokumu, bópesana limémia. Mibali bómemia basi na bino. Bómemia mabota na bino. Bósangisa mabota na bino, mpamba te, bómikanisela, Mwana-mpate oyo azalaki mpo na libota, bobele mpo na moto moko te; mpo libota mobimba, pe, esengelaki kokóta. Nyonso esengelaki kokóta na kati. Tosengeli kolingana bamoko na bamosusu. Pe bandimi basengeli kokabwana na mokili.

<sup>251</sup> Bótala, basanganaki te bobele mpo na kosolola na ntina na nsango yango. Basanganaki mpo na kopakola makila, mpo na kotia elembo.

<sup>252</sup> Yango nde bosengeli kosala. Mokengeli Neville, pe losambo oyo, bayangeli misolo, basungi, bino bandeko, ntango ekoki mpo na kotia bolema nyonso ya mokili pembeni, ezali ntango ya kotia makambo mosusu nyonso pembeni. Tosili komona makambo ebele, tondimi ezali mpenza solo. Sikawa Elembo esengeli kotiamama. Kozanga Yango, bokokufa; bosengeli kokufa, yango nde eloko bobele moko wana.

253 Oh, bósanganaka te mpo na koloba: “Nandimaka Yango.” Yaka na nsé na Yango, kota kati na Yango! [Makelele ya radio eyokani awa.—N.D.E.] Ekosalema ndenge nini? “Na nzela na Molimo moko tobatisami na Nzoto na Yesu Klisto.” Bino nyonso, bóndima na motema mobimba. Bomoni? Azalaki na mokumba te ya moto oyo azalaki libanda na Yango.

254 Nani azalaki koloba? [Moto moko alobi: “Ezalaki ba-onde ya radio, Ndeko Branham.”—N.D.E.] Ba-onde ya mikuse euti likolo? [“Elekaki na ba-baffles.”] Na ba-baffles. Bakotisaki yango? Nayokaki mongongo ya moto. [“Ndeko Branham, nakanisi ezalaki ba-onde ya radio eutaki na sima.”] Ba-onde ya radio, iyo. Oh, ba—bakangisi yango na telefóne. Nakanisi bazali kozua... Oh, na mituka? Bólimbisa ngai. Nayebi ete moto moko alobi likambo moko. Pe nakanisaki moto moko alingaki koloba na ngai likambo, pe basosolaki yango te, bomoni, pe yango wana na—nalobi oyo nalobaki. Namonaki bino kotala zingazinga. Nayokaki mongongo moko. Nakanisaki nde moto moko atelemaki mpo na koloba likambo moko, pe nayebaki te eloko nini yango ezalaki. Boye, sikawa, matondo.

Kasi, bondima, bómítia na nsé ya Yango!

255 Yisraele basanganaki te mpo na koloba: “Tika ete biso nyonso tókende na Gosene lelo. Tokokumba kino na Gosene. Bino bómata na bakamela na bino, bongo biso tokomata na makalo ya ngombe. Tokomema libota Jones, oyo, pe bongo na bongo, ná—ná libota Goldberg, pe biso nyonso tokokende na—na Gosene. Pe boyebi nini? Mose akoloba lelo.” Ezalaki yango te. Te, misie, ndeko! Ezalaki nde, bómítia na nsé ya makila! Iyo, yango mpenza.

Ezali te kosolola na ntina na Yango; kota nde kati na Yango!

256 Moko na bango alobaki: “Oyebi, M. Goldberg, nayebi mpenza ete yango ezali Solo.”

257 “Iyo, ndeko, nandimi ete ezali Solo. Nayebi ete ezali Solo.”

“Mr. Lavinski, yo okanisi nini mpo na likambo yango?”

258 “Ezali mpenza Solo! Namonaki nguya na Yawe Nzambe kotatola yango. Namonaki magbolodo yango kobima na mokili wana. Nayebi ete esalemaki te kino ye alobaki yango, pe nayebi ete oyo wana ezali Yawe Nzambe.” Boye, nyonso ezali na yango malamau.

“Okatámá ngenga?”

“Iyo, misie!”

“Ozali mondimi?”

“Iyo, misie!”

259 Na bongo ntango ayokaki Mokengeli Mose koloba, mokolo wana, alobaki: “Kasi bosesengeli komítia na nsé ya makila wana, mpo Nzambe alobi: ‘Makila ezali elembo.’ Ezali elembo! Etali

te boni boni yo ondimá, boni boni yo okatamá ngenga; wana ezali boyokani Nzambe apesaki na Abraham, pe bongo na bongo, wana ezali boyokani. Kasi osengeli nde komitia na nsé ya makila, yango nde elembo, mpamba te Ye alobaki: ‘Ntango Nakomona makila, Nakoleka.’ Mo-Yisraele, to nani!”

<sup>260</sup> Ézala denomination to denomiántion te, moko to mosusu, osengeli komitia na nse ya Makila. Metodiste, Batiste, Presbyterien, Pantekotiste, to kozanga denomination, ézala nini oyo ozali, ezali mpo na moto na moto. Osengeli koya na nsé ya Makila. Sikawa bólobela Yango kaka te; bóyamba Yango! Bóyoka ngai! Bóyoka ngai! Na Nkombo na Nkolo, bóyoka ngai! Bomoni? Esengeli komitia na nsé ya Makila!

<sup>261</sup> Azalaki na mokumba te ya moto nyonso oyo azalaki na nsé ya makila te. Nzambe alobaki yango polele ete baoyo nyonso bakozala na nsé ya makila te bakokufa.

<sup>262</sup> Nakoki kosalela Maloba na Ye? Bato nyonso bazali libanda na Klisto bakokufa. Bakotaka kati na Klisto ndenge nini? Bakolinti ya Liboso 12: “Na Molimo moko!”

<sup>263</sup> Ezali te “na mbote ya loboko, na kalati ya mondimi, na denomination.” Yango nde likambo oyo bazomeka kosala yango. Bakoki kosala yango.

<sup>264</sup> “Kasi na nzela na Molimo moko, biso nyonso tobatisami na Nzoto moko.” “Soko mwanje na Likolo atei likambo mosusu,” Polo alobaki, “tika ete álakelama mabe.” Yango nde Nsango, bókota kati na Klisto!

<sup>265</sup> Bótala, bato nyonso oyo bazalaki libanda na elembo, ezalaki mokumba na Nzambe te. Nzambe azali na mokumba ya moto nyonso te, monone to moke, ayebana to ayebana te, mozui to mobola, moómbo to nsomi, mobali to mwasi; Azali na mokumba te ya moto oyo azali libanda na boyokani ya Elembo. Azali na mokumba yango te.

<sup>266</sup> Bokoloba: “Kasi, E Nkolo, nasalaki *boye*. Nabenganaki milimo mabe. Nkolo, nasalaki *boye*. Na—nateyaki Nsango Malamu.”

<sup>267</sup> “Bólongwa na Ngai, bino bato na misala na lofundo. Nayebi bino soko moke te.” Akotala bobele Elembo.

<sup>268</sup> Boyoki Yango? Bóloba: “Amen.” [Losambo balobi: “Amen!”—N.D.E.] Na bongo, sikawa mokumba ezali likolo na bino. Ye. . .

<sup>269</sup> Mokolo mosusu wana, nazalaki na zámba, pe bandeko bazalaki komituna, balobaki: “Mikolo mibale yango oyo, ozui naino te. . .” Nabomaki ata eséndé moko te. Balobaki: “Likambo nini?” Bomoni, wana nde oyo yango ezalaki. Bomoni?

<sup>270</sup> Alobaki: “Tia yango likolo na bango, likolo na bango.” Alobaki: “Osili kolobela—kolobela Ngai likambo yango.” Bomoni? Ekómi sikawa na maboko na bino. Ekómi na maboko na bino.

271 Akoyeba eloko mosusu te, bobele Boyokani wana, ya Molimo Mosantu. Pe okoki koyamba Boyokani yango te, bobele soki obikisami, óbulisami, pe na sima óbatisami kati na Nzoto. Akosala yango te.

272 Okoki kozala na komekola, okoki komiyoka malamumu, pe *kopumbwa-pumbwa*, koloba minoko na sika, pe kobina kati na Molimo. Oyo wana etali Yango na likambo moko te. Boyoka Yango, na Nkombo na Nkolo! Nzambe akoyeba likambo yango te. Bapagano basalaka yango. Bandoki basalaka yango.

273 Okoloba: “Nazali moto na mayele. Nasalaka *oyo, oyo wana, to oyo mosusu.*” Atalaka te moto na mayele boni yo ozali. Zabolo pe azali bongo, bomoni.

274 Ayebaka bobele e—Elembo. Yango nde Nsango ya ntango! Yango nde Nsango ya mokolo oyo! Yango nde Nsango ya ntango oyo! Na Nkombo na Yesu Klisto, bóyamba Yango!

275 Eloko mo-. . . mosusu te, eloko moko oyo zabolo akoki kotia likolo na yo; ndakisa bolingo ya lokuta, ya kosala ete mobali álinga mwasi mosusu libanda ya mwasi na ye, to mwasi álinga mobali mosusu libanda, to likambo moko ya ndenge wana, likambo moko ya nsoni. Oyo wana ezali bolingo ya solo te. Oyo wana ezali zabolo. Ezali misala na ye. Ezali eloko oyo alingaki kopesa yo, na esika na yango; esengo moko, ya komela masanga, kosepela na likambo yango, pe koloba: “Nazoyoka mawa; nakokende komisombela ndambo ya litre ya lotoko, mpo nabosana makambo yango.” Oyo wana ezali kufa.

276 Nzambe nde azali esengo na yo. Nzambe azali makasi na yo. Koyeba Nsango oyo, koyeba Solo, yango nde ekoki mpo na biso lelo. Azali makoki na ngai nyonso. Kati na Ye, nyonso nasengeli na yango ezali kati na Ye. Yango nde makasi na biso. “Lisungi na ngai ekouta epai na Yawe.” Bino Baklisto, bóluka esengo na bino epai na Ye, bóluka makasi na bino epai na Ye, bóluka bomengo na bino epai na Ye. Azali kimia na ngai. Azali esengo na ngai. Azali bolingo na ngai. Azali Bomoï na ngai. Yango nde Boyokani, Elembo likolo na ekuke!

277 Azali na mokumba ya moto moko te, moto moko te, etali te nani yo ozali, Ye azali na mokumba yango te soki ozali libanda na Yango.

278 Pe bómikanisela, libota mobimba ezuamaki, basanganaki esika moko. Oh! la la! Oh, bómikanisela!

279 Bokoloba: “Ee, papa na ngai azali motei. Ndeko na ngai! Mokengeli na ngai! Oyo ya ngai. . .” Ekoki pe kozala solo, kasi olobi nini mpo na yo?

280 Bómikanisela, kobatelama ezalaki bobele ntango elembo etalisamaki! Soki mobali moko azalaki *awa* na nsé, pe mwana na ye azalaki na ngambo ya balabala, azalaki na likama, ye akokufa. Papa na ye akobika. To, soki mwana nde azalaki *awa*,



bongo papa na ye azalaki kuna, papa na ye akokufa. Bobele elembo! “Ntango Nakomona elembo, Nakoleka likolo na bino.” Yango nde eloko bobele moko wana.

<sup>281</sup> Bokoloba: “Ee, mwana na ngai azali motei.” Bino bamama bolobaka: “Nazali na mwana mobali malamumu koleka,” to “mwana mwasi malamumu koleka. Nayebisi yo, bazali bana ya boboto koleka. Batondisami na Molimo Mosantu, pe na bolingo mpenza! Bazali na botosi. Natikálá komona likambo ya boye te!” Mama, olobi nini mpo na yo moko?

<sup>282</sup> Bokoloba: “Mama na ngai azali na boboto koleka. Nayebi, soki akufi, akokende na Lola, mpamba te azali mpenza na Elembo, Ndeko Branham.” Kasi olobi nini mpo na yo moko, ndeko mwasi? Libota mobimba esengeli koya na nsé na yango.

<sup>283</sup> Bolembi? [Losambo balobi: “Te.”—N.D.E.] Nako...Midi ekoki...Bózela moke. Nakoki kokata yango pe kokoba na mpokwa. [“Te.”] Kasi soki bo—bolingi kozela kaka mwa moke koleka lisusu, nakomeka sikawa kokende nokinoki. [“Amen.”] Nakokotisa yango mbala moko. Mpo, nakanisi, ekozala malamumu bozua yango sikawa, wana bozali na nsé na epakweli na yango. [“Amen.”]

<sup>284</sup> Bobele ntango Elembo etalisami! Bongo libota mobimba esengeli kozala na nsé ya Elembo yango, Makila. Papa ná mama, nayebi ndenge bozali komiyoka. Ngai pe nazali na bana, esengeli pe námona bango babikisami. Nazali komilobela ngai moko lelo. Bomoni? Nazali na bandeko mibali. Nazali na ndeko mwasi moko. Nazali na balingami. Na—nalingi komona bango babikisami, pe. Kasi, bóbosana te, soki Elembo ezangi kotalisama, bakokufa. Lisekwa ezali te mpo na bango. Ya solo. Babungi. Bobele soki Elembo etalisami!

<sup>285</sup> Tala, Yoshua, elingaki kozala malamumu soki tozalaki na ntango ya kotanga yango. Bókoma yango, Yoshua mokapo ya 2; mondimi ya Mabota, mwasi na pite, Rahaba.

<sup>286</sup> Oh, soki ezalaki ata ngonga ya libwa. Nakolinga—nakolinga kozua likambo yango pe kotalisa bino lolenge yango ezalaki kuna, bomoni. [Losambo balobi: “Kamata ngonga esengeli.”—N.D.E.]

<sup>287</sup> Mwasi na pite oyo, ya Mabota, botala malamumu, libota na ye mobimba. Azalaki mondimi. Libota na ye mobimba basengelaki kosangana na nsé ya nsinga motane wana, elembo wana. Basengelaki kokota na nsé na yango, soki te balingaki kokufa. Bayokaki nsango ya nkanda na Nzambe. Bayokaki nsango ya kotalisama ya bilembo pe bikamwa na Nzambe kati na libota na Ye, pe bango basengelaki koyamba yango. Asengelaki koyamba yango. Nzambe, mwanje ya koboma, azalaki koya. Bayebaki yango. Pe Yoshua nde azalaki mwanje yango. Bazalaki na nzela.

<sup>288</sup> Ezali pe bongo na bikólo nyonso na mokili, ezali na nzela na Kosambisama na Nzambe!

289 Elenge mwasi na pite wana pe, ayokaki. Kondima eyaka na koyoka! Alobaki: “Ekólo mobimba ezali kolenga na ntina na bino.” Ya solo.

290 Sikawa, banóngi oyo batindamaki kuna mpo na kobongisa makambo, pe bongo na bongo, ye amemiaki bato yango. Pe, ye, ye azalaki na mposa ya kobikisama. Alobaki: “Nayebi ete Nzambe na bino azali Nzambe, pe nayoki nsango ya makambo minene oyo Ye asili kosala. Nayebi oyo Ye asili kosala na Og, pe nayebi oyo Ye asili kosala na bikólo ndenge na ndenge. Pe namoni ete baoyo bayambaka Ye babikisamaka, pe baoyo baboyaka koyamba Ye bakufaka. Pe ngai nalingi kozala na bomoi,” alobaki bongo. Oh! la la! Yango nde. “Nalingi kozala na bomoi.” Mpo ete bango. . .

291 Bótala, Yeliko basilaki koyoka nsango ya makambo Nzambe azalaki kosala, kasi balingaki koyoka likebisi yango te.

292 Pe ezali na denomination moko te kati na ekólo oyo, na nzinga-nzinga, oyo ezangi koyoka nsango ya makambo oyo Nzambe azali kosala. Bazolinga koyoka likebisi yango te.

293 Nguya pe bilembo na Ye minene esilaki kotalisama. Oyo Ye asalaki, Akatisaki mai ya Ebale na Kufa, lokola na mabele ekauká. Ayeisaki, Ye akelaki biloko, pe asalaki ete magbolodo, nsili, pe nzinzi éya na kati ya mopepe; akelaki yango na Liloba na Ye, na nzela ya mosakoli na Ye. Ezalaki libombami te. Bayebaki yango.

294 Pe Rahaba alobaki: “Nayoki nsango yango. Nalingi kokufa elongo na bazangi kondima oyo te. Te, misie!” Ayebaki kosambisama esengelaki kolanda yango, mpamba te bazalaki mpenza na nzela. Ayebaki yango. Na bongo, bapesaki ye nzela ya kokima likambo yango.

295 Bango bazalaki mpenza na kondima ete denomination na bango monene wana ya Yeliko ekokaki kotelema liboso na nkanda na Nzambe, bomoni, denomination na bango monene.

296 Yango nde mingi kati na bango bazali kokanisa lelo. “Oh, ya solo, Nzambe akosala yango te.” Yango nde Satana alobaki na Eva. “Oh, na ntembe te, Nzambe akosala yango te.” Akosala yango, mpo Alobaki ete Akosala yango, bomoni, pe ezali Liloba na Ye. Iyo, misie.

297 “Bobe le soko moto abotami!” “Pe bilembo oyo ekolanda baoyo babotami!” Bomoni? “Na makambo oyo bato nyonso bakoyeba ete bozali bayekoli na Ngai,” pe bongo na bongo, bomoni. Malamu, balingaki kosala yango. Oh!

298 Nini esalemaki? Sikawa bakangisaki bango minoko. “Kolamuka moko te ekosalema awa. Denomination na biso ekosunga likambo wana te. Tokolinga bolema ya lolenge wana kati na biso te. Napekisi bino nyonso kokende na liyangani wana.” Hah! Yeliko, ezali na nzela na mpo na etumbu!

299 Kasi ezalaki na ba-tapeboy moko, oyo bamikotisaki na mayele esika moko, mpo na mimboto ebongisámá liboso. Bamikotisaki kino na ndako na ye pe bayokisaki ba-bande. Akómisaki nda—ndako na ye ndako-ya-nzambe, mpo na koyamba nsango yango.

300 Bazali kaka na bato yango, boyebi. Nsango ekómelaki Momboto oyo ebongisámá liboso, ata ndenge nini. Toyebi te ndenge nini Ekómaki kuna, kasi Ekómaki kuna, mpo ete Bayengebeni bákufa elongo ná bato mabe te. Nzambe azali kolandela yango, lelo. Iyo, na lolenge moko boye, Yango ekotaka. Toyebi te lolenge nini. Atako bakolinga kosunga Yango te, kasi ezali na Mimboto kuna oyo ebongisámá liboso.

301 Moto nyonso oyo ayebi likambo moko oyo etali Biblia, ayebi ete mwasi na pite wana abongisámáká liboso. Azalaki mpenza yango! Ye azalaki te. . . Biblia elobi: “Akufaki te elongo ná baoyo bazangaki kondima.” Ya solo. Kasi andimaki nsango ya ntango.

302 Pe Nzambe apesi ye elembo, na nzela na batindami na Ye. Balobaki: “Kamata nsi—nsinga ya ngola, ya motane pe kanga yango na. . .” Balobaki: “Kobosana te, soki okangi nsinga yango wana te, to otiki yango wana te, na nzela oyo biso tokimelaki, tokomema mokumba ya ndai na biso te.” Pe balobaki: “Soki olongwe na nsé na yango, tokomema mokumba yango te.” Oh! la la! “Rahaba, momboto nyonso ebongisámá liboso na esika oyo, bóbima pe bókende koluka bango. Mema papa na yo ná mama na yo! Mpo, touti kobima na Ezipito sikawa, na nsé ya mbondi wana, pe nyonso oyo totiaki na nsé na elembo oyo te ekufaki. Rahaba, napesi yo elembetele. Ezali elembo. Pe nalobi, na Nkombo na Nkolo, mpo na koloba, ete ótia yango! Nayebi likambo yango malamumu, ná motindami. Nayebi malamumu mwanje ya nkanda, Yoshua. Azali motindami na Nzambe mpo na kobebisa. Nayebi ye malamumu, pe ayebi ete esengeli elembetele ya elembo ézala. Pe yo kanga yango kuna, pe okobatelama. Nalapi ndai.” Nzambe pe alapaki ndai, ete baoyo bakozala na nsé na yango te bakokufa, pe baoyo nyonso bakozala na nsé na yango bakozala na bomoi.

303 Pe sikawa, ndai yango moko ezali lelo, ndenge moko, bomoni, “Ngai nakotika bino kokufa te elongo ná baoyo baboi kondima Nsango.” Pe bango. . .

304 Ye ayókáká nsango ya misala oyo esalemáká, pe andimaki yango. Kasi, pene na, azalaki. . . Ye ná tata na ye, ná mwa ndambo ya bandeko, to bongo, bobele bango nde bandimaki yango, kati na engumba mobimba.

305 Bomoni ndenge bazali moke? Bobele moko *awa* pe moko *kuna*, libota moke ekobima na ekólo moko. Ya solo? [Losambo balobi: “Amen.”—N.D.E.] Mpenza lokola sikawa, awa tozali kolobela misala. Bisu tozali. . . Soki bolingi komona eloko nini oyo bosolo ya likambo ezali, bosengeli liboso komona eloko nini

elilingi ezalaki. Bosengeli komona eloko nini elilingi ezali, na sima nde bokoyeba lolenge oyo likambo ya solosolo ekozala. Bomoni?

<sup>306</sup> Nguya na Ye etalisamaki. Kosambisama ezalaki na nzela. Basengelaki kondima, mpo na kobikisama. Iyo, misie. Pe makambo mike. . .

<sup>307</sup> Mibali oyo bakendeki kuna, batindami oyo, pe—pe bazuaki momboto oyo ebongisámá liboso, oyo andimaki. Asalelaki ndako na ye lokola ndakonzambe, mpo na koyamba batindami yango. Baboyaki kopesa bango nzela na ba-ndakonzambe na bango. Iyo, misie. Bomoni? Na bongo ye. . .

<sup>308</sup> Bino pe, bakopesa bino nzela te. Bakobwaka bino libanda soki bolobi likambo moko oyo etali likambo Yango. Iyo. Bomoni?

Baoyo nyonso bandimaki, kati na engumba na ye, bamemaki bango na nsé na elembo.

<sup>309</sup> Yango mpenza nde tosengeli kosala malamú koleka lelo. Soki olingi balingami na yo babikisama, ekozala malamú kokótisa bango sikawa. Bomoni?

<sup>310</sup> Ntango nkanda na Nzambe ebebisaki engumba monene wana, elembetele ya elembo ebatelaki ndako na ye. Amen. Mpo na nini? Elembetele ezalaki likolo ya elembo na ye. . . To, elembo ezalaki likolo na ndako na ye, ntango oyo eteni ya engumba oyo etikali ekweisamaki na nsé. Ezalaki nini? Ezalaki nini? Yoshua, motindami na Nzambe! Nzambe Ye moko andimaki nsango ya motindami na Ye. Amen! Etalisaki yango polele. Etalisaki yango polele. Bandimaki nsango yango. Andimaki nsango ya motindami na Ye. Pe ntango eteni ya engumba nyonso oyo etikalaki, ekweisamaki nye, elembo motane ya Rahaba ezalaki wana likolo na ekuke, pe bamosusu nyonso bakufaki.

<sup>311</sup> Na bongo, banje na kobebisa bakotaki pe babebisaki nyonso oyo ezalaki kati na engumba yango, ata eteni ya eloko moko te etikalaki. Moto moko amemaki eteni ya eloko moko, asengelaki kokufa ná yango, na denomination wana. Bakamataki eloko yango mobimba pe babebisaki yango! “Álaketama mabe moto oyo akomeka lisusu kotonga yango. Mwana na ye ya liboso akokufa ntango akobanda,” pe bongo na bongo. Nzambe alaketaki yango mabe ndenge wana, eloko monene wana oyo eboyaki ngo-. . . nsango ya ngolu pe ya mawa, bakanisaki ete babátelamaki mpenza.

<sup>312</sup> Lelo, bato mingi bakanisaka: “Mpo nazali mondimi ya lingomba, nazali ya kobatelama mpenza.” Bómeka kondima bolema ya ndenge wana te.

<sup>313</sup> Ntango: “Makila ekozala elembo mpo na bino.” Lelo Molimo ezali Elembo mpo na bino, Bomoi oyo ezalaki kati na Makila.

<sup>314</sup> Ndenge moko, tókanisa yango, elembo moko oyo basalelaki na Ezipito, elembo moko ya bomoi oyo ezalaki na Ezipito, ezalaki

na Ezipito, Nzambe asalelaki elembo yango moko kuna. Yoshua, elilingi ebongi be ya Yesu, azalaki sembo na elembeteli ya elembo oyo batindami na ye bateyaki. Yoshua, ntango alobaki bongo, alobaki: “Bósimba ndako wana te, to eloko moko kati na yango. Yango ezali mpo na Yahwe.” Amen!

<sup>315</sup> Moto na Mabota, mwasi na pite, mwasi ya balabala, kasi ayokaki pe andimaki, pe atiaki elembo.

<sup>316</sup> Etali te ndenge nini yo omikótísá mpenza na masumu, nini yo osálá, yango ezali na likambo moko te ya kosala ná yango Yo tiá nde Elembo. Ezali mpo na yo. Soki oyoki na motema na yo eloko moko ezali kobenda, Ezali mpo na yo. Yo tiá nde Elembo. Pe moto monene Yosh- . . .

<sup>317</sup> Liloba oyo *Yoshua* elingi koloba “Yawe-mobikisi.” Ndenge moko pe *Yesu*, elingi koloba “Mobikisi.” Pe, Yoshua, ntango ayebaki ete batindami na ye. . .

<sup>318</sup> Batindami na ye bazongaki, pe balobaki: “Natosaki mitindo na yo. Pe ezalaki na mwasi moko tomonaki, ntango tobetaki ba-bande, omoni. Tomonaki mwasi moko oyo andimaki. Pe tolobelaki ye ete baoyo nyonso bakoya na nsé na elembetele ya motane wana kuna, elembo, ekozala na ntina. Na bongo nateyaki bongo. Okolinga komemia likambo yango, Yoshua?”

“Natindaki bino mpo na kosala yango.” Amen.

<sup>319</sup> Pe na bongo ntango, Nzambe amemiaki likambo yango, ndako yango epanzanaki ata moke te. Na sima ntango Yosua atelemaki wana pe apesaki motindo ya kobebisa esika yango na mobimba, bakendeki semba kuna, pe Rahaba ná bato na ye nyonso bazalaki wana, ná biloko na bango nyonso, amen, bozui na bango nyonso ezalaki kati na ndako yango, na kobatelama. Bazalaki bobele wana, pe bazalaki na tina ya kotala libanda te. Bakokaki kotanga Makomi ntango etumba ezalaki konginda.

<sup>320</sup> Ayaki lisusu pe alinganaki, balingaki ye na generale ya mampinga, pe atombwamaki, akómaki na Beteleme, pe eteni ya mabele epeamelaki ye kuna kati na bango. Pe abotaki. . . abotaki mwana mobali moko ya lokumu, pe mwana yango ya lokumu abotaki mwana mobali mosusu ya lokumu, pe mwana yango abotaki mwana mobali mosusu ya lokumu, kino ntango Mwana mobali ya lokumu mpenza ayaki. Kokita pe koleka na nzela na Obede, pe na nzela na Yisai, kokoba koya kino na Dawidi. Ezali solo, mwasi na pite Rahaba, mpo andimelaki motindami. Atiaki elembo, pe ndako na ye ebikisamaki, soki te alingaki kokufa wana esika azalaki.

<sup>321</sup> Bóyoka na bokebi sikawa. Oh, toloba, bososoli yango? Nyonso oyo ezalaki na nsé na yango ebikisamaki na Ezipito. Nyonso oyo ezalaki na nsé na yango ebikisamaki na Yeliko. Nyonso oyo ezali na nsé na Yango lelo ekobikisama. Ekanganelo ya makila, mwana-mpate ya makila, ezali elilingi ya Yesu Klisto.

322 Na Baebele 13:10 pe 20. Nazali na ntango ya kotanga yango te. Bokoma yango. Nalingaki kotanga yango. Ebengami “kondimana ya seko.” Makila ya Yesu Klisto ebengami “boyokani ya libela.” Iyo, misie! “Boyokani ya libela.”

323 Mpo na nini babengaki yango “boyokani ya Seko” te? Mpo ekozala ya Seko te. Ntango tosikolami, nyonso esili wana. Ezali *libela*, oyo elingi koloba “na ntango moko boye,” kino ntango ekosila. Mosusu ekozala soko moke te. Ntango ngonga ekosila, tokosengela lisusu na boyokani te. Kasi kino ntango éсила, tozali na bosenga ya boyokani.

324 Sikawa, bómikanisela, Baebele 13:10-20, “boyokani ya libela.” Elaka ya Nzambe, oyo ekangami na Makila, ekangoli biso na masumu. Amen! Lisumu ata moko te ezali kati na Ye; lisumu, bo-mei, mosuni.

325 Bókumbamela Ye pe bótalisa nguya na Ye elakamaki! Libota ya boyokani na Nzambe, oyo bakangami na Makila, oyo bakangami na elembo, bazali na Molimo ya Yesu Klisto awa na kati, ete, “Ye oyo akondimaka Ngai, misala mizali Ngai kosala, akosala yango pe lokola,” kotalisa boyokani. Bomoni?

326 Kondimana na Sika! *Kondimana* elingi koloba “boyokani.” Ya solo, boye te, Docteur Vayle? *Kondimana* elingi koloba “boyokani.” *Kondimana na Sika* elingi koloba “boyokani ya sika.” Kondimana na Kala ezalaki oyo ya kala, na nsé ya mwana-mpate, ete bomoi ekokaki kozongela mondimi te. Kondimana na Sika ezalaki Mwana-mpate ya Nzambe, pe Bomoi na Ye ezali kozongela biso. Bomoi ya Makila! Bomoni? Makila ezali Bomoi na Kondimana na Sika, bomoni, Bomoi euti na Makila ya Mwana-mpate, elingi koloba Kondimana na Sika, boyokani ya sika.

327 Ete, Nzambe, “Sima na mikolo yango, Nakokoma mibeko na Ngai likolo na bitando ya mosuni na mitema na bango.” Bomoni? Bomoni? “Likolo na bitando ya mabanga te, pe makila ya mwana-mpate, oyo bosengelaki koloba: ‘Iyo, na—namemi makila *awa*, bongo yango elobi nini?’ Kasi likolo ya bitando ya mitema na bino, bomoni, boyokani ya Molimo oyo Nakosala ná bato.”

328 Pe Ezali kotalisa nguya na Ye. Yoane 14:12, elobi: “Ye oyo akondimaka Ngai, misala mizali Ngai kosala akosala yango pe lokola.”

329 *Kondimana na Sika* ezali “boyokani ya sika,” Bomoi ya sika, elakisi ete Yesu akokiselaki biso bosenga nyonso oyo Nzambe asengaki, mpo na kozongisa biso, na bosolo mpenza, bana mibali pe bana basi ya Nzambe, na nsé ya Makila, epai wapi ekweli ata moko ezali lisusu te.

330 Baloma 8:1: “Na boye, sasaipi ekweli ezali te mpo na bango bazali kati na,” ezali te baoyo bazali *kondima* Yango, “baoyo bazali kati na Klisto Yesu, baoyo bazali kotambola na nzoto te,

kasi na Molimo.” “Pe Liloba na Ngai ezali Molimo pe Bomoi.” Bomoni? Oh, nakokaki kobenda liteya moko uta na yango pe koumela lisusu ngonga mibale to misato. Kasi, tótala yango na lombangu, bomoni.

<sup>331</sup> Ekweli ezali lisusu te; tokangolami na masumu, tokangolami na mitungisi ya mokili, ekweli moko te. Mpo na nini? “Mpo na baoyo basili kobatisama na Molimo moko, kati na Nzoto moko.” Wana nde Makila ya Mwana-mpate esili kotiyama. Nzambe na Lola andimi yo, pe ya yo . . . Bomoi na Ye ezali kati na yo, pe bokómi bana mibali pe bana basi ya Nzambe.

<sup>332</sup> Ezaleli na yo ekómi ezaleli ya Nzambe. Elingi koloba nini, moto ya kotenga-tenga? Te, misie! Nzambe azali Nzambe ya kosambisa. Azali Nzambe ya kosembola. Esengeli kozala na molongo. Eloko mosusu ekosimba te. Yango nde lolenge ya ezaleli oyo yo ozali, mpo ozali ezaleli ya Tata na yo. Bomoni?

<sup>333</sup> Nini? Bomoi, bótala malamú ntango (yango) balongoli bomoi, mpo na kozua makila. Bomoni? Bomoi yango moko, balongoli yango. Bomoni? Bomoi, balongoli yango, mpo na kozua makila. Bomoni? Makila etiamaki, pe bomoi ekokaki kozonga likolo na mondimi te na ntango wana, mpo ezalaki bomoi ya nyama. Kasi bomoi te. . .

<sup>334</sup> Kasi, bomoni, na esika ya ekelamo moto, ezalaki nde Ekelamo moto oyo aleki, aleki, aleki. Bomoni? Pe sikawa yango ekomisi ekelamo moto bobele ekelamo moto te, kasi akómi mwana mobali pe mwana mwasi ya Nzambe, na Bomoi oyo eleki, eleki, eleki, eleki, oyo ezalaki kati na Ye, pe ezongi likolo na yo, pe yango nde ebongoli yo longwa na mosumuki, pe na makambo ya mokili, mondimi ya lingomba, molandi ya denomination, kino na Moklisto oyo abotami mbala mibale, atondisami na Molimo; pe Bomoi na Nzambe ezali kopunjapunya kati na yo, lokola lotótó na móto euti na nzondo, wana ezali yo kotambola, otondi na nguya, na bolingo, pe na boboto, wana Molimo Mosantu ezali kosala, pe koloba. Oh! la la! Yango nde. Pe ná (ná nini?) koyokáká Nsango oyo, komonáká Likonzi na Móto, pe kozala na assurance epambolami: “Nasili kolongwa na kufa pe koiyela na Bomoi.” Bótala, yango wana, ekweli ezali ata moke te.

<sup>335</sup> “Soki mitema na biso mikokweisaka biso te, na ntango wana tokozua makambo tosengi,” bomoni, “toyebi yango.” Kasi soki masumu ezali na motema na biso, na ntango wana ekokweisa biso, ekozala malamú mpo na biso—bisó ete tóbanda kutu te. Bomoni? Bosengeli kosikolama na masumu. Pe nzela bobele moko ya kosikolama na masumu ezali kokota kati na Ye. Yango nde ezipeli bobele moko mpo na lisumu, ezali Klisto.

<sup>336</sup> Bómikanisela, Makila ya boyokani, Makila ya boyokani ekondimama te kozanga Elembo. Okoki te. Okokoka te. Okoloba: “Ee, na—nasila kobulisama na makambo mingi.” Yango ezali

Elembo te. Molimo nde, ezali Elembo, Molimo na Klisto likolo na yo. Bóndima yango!

<sup>337</sup> Sikawa, bótala, Liloba epesi biso ndanga ya elaka. Nyonso oyo nakomaki awa mpo na koteya. Emonani lokola nakoteya mokolo mobimba, bomoni, na ntina na yango. Bomoni? Liloba epesi biso ndanga ya elaka, mpamba te Yango ezali elaka. Liloba ezali Elaka, pe Liloba ezali Nzambe, pe Liloba ezali—ezali mpo na biso. Pe tokómi Liloba, pe Liloba akómi biso. “Soko bokoumela kati na Ngai, pe Maloba na Ngai ekoumela kati na bino,” bongo, bomoni, ekómi libota moko monene mpenza. Bomoni? Epesi biso ndanga. Mpo na nini? Ee, ezali eteni na biso. Bomoni? Bomoni? Bomoni, Ekómi eteni na biso. Oyo mpenza liteya! Malamu. Epesi biso ndanga, ya elaka yango.

<sup>338</sup> Elembo ezali elembetele ete kosombama esili kosalema pe kondimama. Sikawa, okoki kozua elembo ya tiké ya engunduka te soki ofuti naino ntalo na yango te; pe lolenge moko oyo okofuta ntalo yango ezali kofuta yango. Ya solo. Nini? Ndimba Yango. Yamba Yango. Botosi mobimba na Liloba na Nzambe nyonso ekopesa yo makoki ya kozua Elembo. Botosi mobimba! Eteni na Yango te, kaka mpo na oyo etali denomination na bino te, kasi mobimba na Yango. Botosi mobimba na Liloba, yango ezali Klisto, nde ekokotisa yo kati na Klisto.

<sup>339</sup> Sikawa bongo soki ozalaki mobimba na kati, kasi makolo na yo ezali naino libanda? Bongo soki ozalaki mobimba na kati, kasi ná maboko naino libanda? Pene na mobimba na biso na kati, kasi motema ezali libanda? Bomoni? Bomoni? Motema ezali naino na mokili? Bomoni? Kasi biso tosalaka bongo te.

<sup>340</sup> Botosi na mobimba nyonso, ekokómisa yo ná Liloba eloko Moko. Ondimi Yango, eteni moko na moko. Mobimba na Yango ézala kati na yo, pe ozotala Yango kosala na nzela na yo.

<sup>341</sup> Okotambola ná bisálásala ya ndenge na ndenge te. Bomoni? Ozali Moklisto. Etali te nini oyo moto nani alobi, bakosimba yo ata moke te. Ozali kati na Klisto. Ozali kobatelama ndenge esengeli.

<sup>342</sup> Ntango kufa ebeti na ekuke, ezali na makasi te, bomoni, ata moke te. Mpo na nini? Ezali bobele kolongola yo *awa* pe kokotisa yo Kuna.

<sup>343</sup> Mbula ezali na ntina moko te. Osili koleka makambo ya mbula. Ozali kati na Seko, mpamba te ozali kati na Ye. Ye azali Seko. Ezali na ntina moko te, ózala elenge, mobange, kati-kati na mbula, to nani yo ozali. Ózala kitoko, mabe, mokuse, monene, to nini, ezali na ntina moko te. Ata moke te.

<sup>344</sup> Ozali kolekisa ntango na yo na makambo yango te. Yo, osilá koleka makambo wana. Osili kokufa. Bomoï na yo ebombami kati na Nzambe na nzela na Klisto. Otiami elembo kuna na kati na nzela ya Molimo Mosantu, ozotambola kati na Klisto. Eloko bobele moko ozali komona ezali Klisto. Esili. Na nzela na Ye nde



ozali kotambola. Kasi, Oh! la la! Ekokamwisa te ete tozaláká koyemba loyembo moke oyo!

Tondisa nzela na ngai na bolingo mokolo na  
 mokolo,  
 Wana ezali ngai kotambola na Ebengá ya lola;  
 Tika natambola ntango nyonso, na loyembo pe  
 koseka,  
 Tondisa ngai . . .

<sup>345</sup> Tika ngai názala ndeko mobali. Tika ngai nábika bomoi ya ndakisa oyo Klisto alobaki ete moto asengeli kozala. Tika ngai názala ndeko mobali mpo na ndeko mobali, ndeko mobali mpo na ndeko mwasi. Tika ngai názala mo—motei mpo na batei. Tika ngai názala ndakisa ya bandakisa. Tika ngai nálakisa na mokili ete Liloba oyo ezali Klisto. Lolenge bobele moko nakoki kosala yango ezali kokóta kati na Ye. Mpo ete, nakoki kosala yango ngai moko te, yo pe okoki kosala yango te. Kasi tika Liloba ná yo bókóma eloko Moko, na ntango wana Ekobika bomoi na Yango polele. Okozala mokanda na Yesu Klisto oyo ezali kotambola, ntango Ye akozua bo- . . . bokonzi nyonso likolo na yo, mpo na kosalela Liloba moko na moko.

<sup>346</sup> Soki Ayei na nzela *oyo*: “Nalingi kosala Boye,” pe yo olobi: “Te, te, nandimi Yango te,” bomoni, ozali naino kati na Liloba te. Bomoni?

<sup>347</sup> Mobimba, sikawa bótala malamumu, na mobimba, sikawa, botosi na Liloba na Nzambe nyonso na mobimba ekopesa biso makoki ya kozua Elembo. Na bongo, ntango tozofuta, tozosambela, to sengeli kozala na Elembo ya kotalisa na libondeli na biso.

<sup>348</sup> Soki olobi: “Nabondeli, Nkolo, kasi nazali mpenza te na . . .” Ee, ozali na yango te. Ekozala malamumu otika, bomoni, mpo . . . Yambo, kende liboso, kozua Elembo, bomoni, mpamba te Elembo ezali eloko oyo Ye akoyeba. Bomoni? Iyo, misie!

<sup>349</sup> Ntango tozobondela, to sengeli bongo kotalisa Elembo: “Nkolo, natosi Yo, na nyonso. Nasili kobongola motema mpo na masumu na ngai. Namiyoki ete Osili kolimbisa ngai. Nabatisamá na Nkombo na Yesu Klisto. Molimo Mosantu ezali likolo na ngai. Sikawa nazali na bosenga ya eloko boye mpo na nkembo na Yo. Nkolo, nasengi mpo na yango. Ekómi ya ngai sikawa.” Na bongo eloko moko ekangami *awa* lokola lóngo, “fiou-fiou,” ekómi ya yo. Likambo esili. Bongo nyonso esili. Nyonso esili. Ekati likambo. “Nasengi eloko *oyo*. Nasengi yango. Nasengeli kozua yango.” Bomoni? Bomoni? “Na—nalingi yango mpo na nkembo na Yo.” Bomoni? Ee, ezali yango, bongo Akopesa yo yango. Bongo nde oyebi ekómi ya yo. Ezali ndenge wana mpo na bana na biso, pe bongo na bongo, tozali kotia Makila, tóndima yango. Esili. Malamumu.

<sup>350</sup> Na ntango wana Akosala nini? Ntango ozali na, okoki kotalisa Elembo ná libondeli na yo, Yango elakisi ete okómi na botosi mobimba na Liloba na Nzambe nyonso. Ntango ozui Elembo, elakisi ete osili kotosa Liloba moko moko. Na sima, yo ná Liloba bokómi eloko moko, ozali bobele kosenga eloko oyo yo ozali. Bomoni? Bomoni? Na bongo, ee, oyebi.

<sup>351</sup> Soki nalobeli *oyo*: “Yo loboko, tosa ngai, sembolama mpo na kozua muswále wana!” Ekosala yango. Bomoni, loboko etosi ngai. Mpo na nini? Ezali eteni na ngai. Bomoni?

<sup>352</sup> Bongo ntango yo ná Liloba bokómi eloko moko, bilaka nyonso, nkembo na Nzambe, bilaka nyonso ezali ya yo. Ekotosa yo. Na bongo okokeba na makambo olingi kosala. Okotia loboko na yo na móto te, mpo na koloba: “Bótala ngai kosala yango.” Oh, te, te! Bomoni? Kasi soki eloko moko ezali kati na móto yango, oyo esengeli na ngai kozua yango, ekotosa ngai. Bomoni? Bomoni? Ya solo. Bomoni, okokeba na makambo oyo ozali kosala.

<sup>353</sup> Yango nde ntina oyo Molimo Mosantu epesamaka na boike te, pe bongo na bongo, boyebi likambo nalingi koloba, mpamba te ba...Okolinga te ete...Mosali na Nzambe ya solosolo amilakisaka te na likambo Yango, bomoni. Ezali bongo. Wana ezali koluka komilakisa.

<sup>354</sup> Ntango tozali kobondela, tokotalisa Elembo. Elakisi ete tosili kotosa na mobimba.

<sup>355</sup> Polo alobeli biso, ete, “Makila elobaka.” Yango, moto nyonso ayebi ete makila ezali, mpenza, yango moko, ekoki koloba te. Ezali composant chimique. Boye te? Boni bayebi yango? [Losambo balobi: “Amen.”—N.D.E.] Kasi boni bayebi ete makila elobaka? [“Amen.”] Soki bolingi kokoma yango, Genese 4:10. Nzambe alobaki: “Olobi nini mpo na ndeko na yo?” Alobaki: “Makila na ye ezali koganga uta na mokili, kotemela yo.” Boye te? Makila na ye ezali koloba. Aleluya! Nzambe alobaki: “Olobi nini mpo na ye?”

Alobaki: “Ngai nde mobateli na ndeko na ngai?”

<sup>356</sup> Alobaki: “Makila na ye ezali koganga. Makila na ye ezali koganga.” Ezali elembo. Ezali elembo, kotalisa ete abomamaki. Makila na ye ezalaki kogánga kotelemela ye.

<sup>357</sup> Sikawa, soki bozui yango na Genese 4:10, bókende sikawa na Baebele 12:24, bóbanda kotanga. Na Baebele 10, 12:24. Alobi: “Makila na Yesu ezali koloba makambo malamumu koleka oyo ya Abele.”

<sup>358</sup> Bomoni, Abele azalaki moyengebeni. Akufaki. Akufaki, asalaki mabe te, mpo azalaki kati na Nzela yango. Azalaki kati na Nzela, azalaki sembo na emoniseli ya solosolo azalaki na yango. Alobaki. Egangaki! Makila ya boyengebene ya Abele egangaki kotelemela Kaina.

359 Kasi Makila na Yesu Klisto, egángaki kaka te, Esikolaki. Amen! “Ezali koloba na malamú koleka.” Ekómisi bino bana mibali pe bana basi. Ebombi bino na nkanda na Nzambe. Bomoni? Makila ya Abele ekokaki kobomba Kaina te, bomoni, kasi Makila na Yesu ekoki. Amen!

360 Na bongo, yo Kaina ya kala, mibimisa lelo, soki ozalaka mobundisi ya Liloba, mpo na koloba: “Ntango na bikamwa esilá koleka. Makambo Oyo ezali mpenza bolema,” pe nyonso wana.

361 Ezali koganga, bomoni. Makila na Yesu Klisto ezali kogánga, kasi bolimbisi ezali kati na Yango bobele soki okoyamba Yango. Tokokaki mpenza koumela mwa moke na likambo wana, bomoni, “Makila ezali koloba na malamú koleka.”

362 Ndimá, mpo na kobatelama. Na sima tiá yango, bomoni. Ndimá mpo na . . . Tala ntina oyo yo osengeli kondima. Bomoni, ozali na mposa ya kobatelama mpo na yo moko. Yo ndimá mpo na kabatelama na yo, na sima tiá Elembo mpo na libota mobimba. Bomoni? Okoloba: “Nakosala yango ndenge nini?” Senga Yango! Soki Esalaki mpo na yo, boye yo ná Liloba bokómi eloko moko. Amen! Amen! Bomoni? Bomoni, Ekosala mpo na bino nyonso. Yo ná Liloba bozali eloko moko, bongo tia Yango mpo na bana na yo, tia Yango mpo na balingami na yo.

363 Ndenge Rahaba asalaki, atiaki elembo mpo na tata na ye, atiaki yango mpo na mama na ye, atiaki yango mpo na bandeko na ye ya mibali pe ya basi, pe akotisaki bango nyonso.

364 Tia Yango, loba: “Nkolo, nakei kozua mwana na ngai ya mobali. Nakei kozua mwana na ngai ya mwasi. Nasengi ye!” “Satana, tika ye kimia! Nayezi kozua ye. Natii Elembo na ngai, Molimo Mosantu.” “E Molimo Mosantu, oyo afandi kati na ngai, kanga mwana na ngai ya mwasi kuna. Nakei epai na ye sikawa, ná epakweli na Yo likolo na ngai.” Akosala yango. Amen.

365 Yango nde eloko oyo basalaki na Ezipito. Yango nde eloko oyo basalaki na Yeliko.

366 Bolingi kotanga eteni mosusu, Misala 16:31. Polo alobaki na kapitene ya basoda: “Ndimá! Nazali motindami ya ntango. Ndimela Nkolo Yesu Klisto, pe yo ná bato na libota na yo bokobikisama.” Ezali bongo? Ndimá mpo na libota na yo, mémá bango nyonso na nsé na yango. “Sikawa osili komona Nzambe ya Lola kosala likamwisi. Ezali liboso ya kosambisama ekolanda. Ondimi yango?”

“Iyo! Násala nini?”

367 Alobaki: “Telema pe zua libatizi.” Polo amemaki ye libanda pe abatisaki ye, alobaki: “Sikawa ndimela Nkolo Yesu Klisto, pe yo ná bato na ndako na yo bokobikisama.”

368 Ndimela nini? Ndimela Nkolo Yesu Klisto, mpo na bato na ndako na yo, tia Elembo na ndako na yo.

369 Bongo okosala nini ntango okotia Yango na bato na ndako na yo? Bimisa bosoto nyonso libanda. Kamata ba-jipe nyonso ya mikuse, bakupe, bakalati, makaya, ba-television, ná biloko mosusu nyonso, pe bwaka yango libanda, ntango okotia Elembo; okosepela na yango lisusu te. Iyo, misie. Bimisa nyonso wana libanda. Mabina nyonso, ba-feti, miziki ya rock-and-roll, bazulunále nyonso ya bosoto, ná biloko nyonso ya mokili, bwaka yango libanda, loba: “Tozali kopetola esika oyo nyonso awa.”

370 Ndenge Yakobo asalaki, alobaki, ayebisaki mwasi na ye pe bango nyonso, alobaki: “Bósukola bilamba na bino pe biloko nyonso. Bóbuaka banzambe na bino wana.” Amen. Yo- . . .

371 Boyebi eloko nini Yoshua alobaki liboso ya kokatisa ngambo? Alobaki: “Bósukola bilamba na bino; bóbelema ná basi na bino te, pe bongo na bongo, pe bómilengela, mpo ete kati na mikolo misato tokokatisa Yaladene.” Amen. Azalaki komilengela, azalaki kotia elembo. Amen. Yango mpenza.

372 Bómilengela. Bótia Yango. Bóndima Yango. Bópetola nyonso. Tika bana na yo, tika libota na yo, tika balingami na yo, bámona Yango kati na yo. Ya solo. Ekosala eloko. Iyo, misie!

373 Na sima tia Elembo na libondeli, ná—ná—ná eyongi nyonso, ná kondima. Tia Yango na bolingo mpenza, pe bongo na bongo, kino ókoyeba ete ekosalema, ekokokisama. Esili. Tia Yango na motema moko, kondimáká ete Ekosunga. Ntango ozosolola na mwana yango, ntango ozosolola na mobali na yo, ozosolola na mwasi na yo, ozosolola na molingami oyo, ndima ete Ekosunga. Telema bobele wana, pe loba: “Nkolo, nasengaki bango. Bazali ya ngai. Nazali kozua bango mpo na Yo, Nkolo.”

374 Tia Yango, pe kélá lolenge malamú ya kozala zingazinga na yo, mpo bákota kati na Yango. Bomoni? Oh, ozali, ozali, soki ozali na Elembo, okokela molimo moko zingazinga na yo, nguya moko, na lolenge ete ntango ozali kotambola, bato bakoyeba ete ozali Moklisto. Bakolinga ólobela bango likambo moko. Bakondima maloba na yo. Bakokangama na makambo okoloba. Bomoni? Ezali bongo.

375 Tia Elembo, na sima tambola na Yango. Senga bato ya ndako na yo. Osengeli kosala yango sikawa. Ezali ntango na mpokwa. Sikawa, boyoki ntango molai, sikawa ekomi ntango na mpokwa. Ezali ntango ya kotia yango sikawa. Moko na mikolo oyo, nkanda ekobeta, mbala mosusu ntango ekosila koleka, na ntango wana. Bomoni? Bótia Elembo, na motema mobimba.

376 Soki bolingi kotanga yango, bótanga likambo moko awa, Likomi na ngai oyo nakomaki mpo na yango, bótanga Baefese 2:12, soki bolingi kokoma yango. Bótala, na Baefese 2:12, ntango bokotanga yango, elobi boye, ete, tozali kosalela misala na kufa te, kasi tozali kosalela Nzambe na bomoi, na misala ya bomoi. Amen! Oh! la la! Ná misala ya bomoi, bilembo ya bomoi. Bondimaka bilembo ya bomoi? [Losambo balobi: “Amen.”—

N.D.E.] Bókoma lisusu, Baebela 9:11-14, soki bolingi kokoma yango. Bilembo ya bomoi, misala ya bomoi, bótia yango!

377 Bindimeli ya kufa te: “Nakomema mwana na ngai ya mobali na losambo bongo námona ye ákóma moto ya losambo yango.”

378 Elenge Moklisto malamú moko awa, moninga malamú, moninga ya kala, moninga mpenza, a—ayaki awa, pe abatisamaki. Mama na ye alobaki: “Nalingaki kosepela ókende kobatisama na lingomba ya monene koleka, soki olingaki ko—kobatisama.” Bomoni? Bomoni, ye alingaki na ye bindimeli ya kala ya kufa pe nyonso wana te. Bomoni?

379 Tosalelaka bindimeli ya kufa ná banzambe ya kufa te. Tosalelaka Nzambe na bomoi oyo Makila na Ye esopanaki kuna, pe Elembo etiamaki likolo na biso, mpo biso pe tózala na bomoi. Amen. Iyo, misie!

380 Bósalela bindimeli ya kufa te. Bawanganaka kutu makambo lokola Elembo. Balobaka: “Ntango na bikamwa esila koleka. Eloko lokola libatisi ya Molimo Mosantu ezalaka te.” Mpo na nini kokota na eloko ya ndenge wana? Bomoni? Bósala yango te.

381 Bótia Elembo, na sima, “bósalela Nzambe na bomoi,” mpo bozua misala ya bomoi, bilembo ya bomoi; bilembo oyo ebikisaka babeli, esekwisaka bakufi, esakolaka makambo, elobaka minoko na sika, elimbolaka yango, ntango nyonso na lolenge oyo ebongi be mpenza, esakolaka pe elobaka ete likambo *boye* na *boye* ekosalema, emonisaka bilembo na Likolo, pe na mabele, bilembo pe bikamwa, amen, oyo elobaka mpenza oyo Biblia elobi ete ekosalema. “Kosalela Nzambe na bomoi,” bótia Elembo!

382 Bókende na mangomba yango te pe bósangana na misala ya kala wana ya kufa pe makambo ya ndenge wana te, mpamba te bandimaka kutu makambo oyo lokola elembo te. Kasi biso baoyo tondimi, amen, toyebi ete. . . Balobaka: “Eloko lokola elembo ezalaka te. Yango, oh, oh, ezali bolema. Makambo oyo balobaka kuna, ezali liboma. Ee, likambo ya ndenge wana ezalaka te. Ee, bino basi oyo, oh, bino—bino, ee, bozali te. . . Bilamba na bino ezali na ntina. . .?” Ezali na ntina. Biblia elobi bongo. “Makambo nini suki na bino ezali na. . .?” Biblia elobi bongo.

383 Yango, yango nde ezosala bokeseni, bomoni. “Kosimba te, kozwa te, komeka te.” Azali Nzambe. Bomoni? Sikawa, yango elakisi mpenza eloko moko.

384 Sikawa, bango bakanisaka ezali liboma. Kasi mpo na biso baoyo tondimi pe toyebi Solo, toyebi ete Ezali Bozali na Ye ya bomoi, mpamba te Ezali kosala makambo moko oyo Ye asalaki ntango Azalaki awa na mokili. Amen.

385 “Oh,” balobaka, “bango bazobanza-banza ete bazomona Likonzi na Mótó yango.” Ah, te! Ah, te! Tobanzaka-banzaka eloko moko te.

<sup>386</sup> Bakanisaki Polo pe abanzaki-banzaki Yango. Ezipito bakanisaki Yisraele babanzaki-banzaki Yango, kasi Ememaki bango na mboka na elaka. Iyo, misie! Bisote . . .

<sup>387</sup> Baebele 13:8, boyebi: “Yesu Klisto motindo moko lobi, lelo, pe libela,” soki bokokoma yango, bomoni, ete, “Azali ndenge moko.” E—ezali te—ezali te motindo . . . lobanzo moko boye.

<sup>388</sup> Ntango nakomaka Makomi oyo nakomi awa, nayebi esika Makomi yango ezali, pe ezali bongo nde nasalelaka yango. Bomoni?

<sup>389</sup> Bóyeba ezali Bozali na Ye ya bomoi, mpo Azali kosala ndenge moko kati na Molimo oyo. Sikawa, soki elandanaki na endimeli to denomination moko boye, tolingaki koyeba mbala moko ete ezalaki Klisto te. Boye te? [Losambo balobi: “Amen.”—N.D.E.] Soki namemaki bino na endimeli moko to na eloko moko, mosusu, mbele natindamaki nde na denomination moko. Kasi nazali kopesa bino bindimeli te, pe nazali koteya bino denomination te. Nazali koteya bino Liloba na Nzambe, oyo ezali nguya ya lisekwa ya Yesu Klisto oyo etalisami, bobele mpo na ngai te, kasi mpo na moto nyonso alingi. Bomoni? Ete bino . . .

<sup>390</sup> Ozali ndeko na ngai ya mobali. Ngai nazali moto monene te, pe yo moto moke. Bisote nyonso tozali bato mike liboso na Nzambe. Bomoni? Tozali bana mike na Ye. Toyebi eloko moko te, na oyo tosengeli mpenza koyeba. Ye alakisaka biso oyo Ye alingi, pe tozali kozongisa matondi epai na Ye mpo na oyo toyebi na mapamboli na Ye. Pe nalingi kozala na yango mpo na ngai moko te; nalingi kokabola yango ná bino. Bomoni? Nalingi bókota kati na Yango, pe nalingi bóyamba Elembo yango. Pe soki naino bosali yango te . . . Mingi kati na bino, ebele kati na bino, basili kosala yango. Kasi soki bamosusu kati na bino naino basali yango te . . .

<sup>391</sup> Bomoni, nazali pe koloba mpo na baoyo bakolanda bande, bososoli. Pe mingi kati na bango . . . Nazolobela baoyo bazali awa na losambo te; nabanzi, biso nyonso tokobima. Kasi ezali ntango mosusu na bankoto na nkoto na bato oyo bakoyoka bande oyo, bomoni. Pe, yango, ezali lotomo. Ekozala na moto moko oyo akokota na Yeliko, boyebi, ná bande moko, na bongo tolingi—tolingi kokanga Momboto ebongisamá liboso wana, ntango yango ekokota kuna, bomoni, mpo nkanda ezali koya.

<sup>392</sup> Koyeba ete ezali Bozali na Nzambe na bomoi, nde ékotalisa polele ete Nzambe asekwisaki Ye kokokana na Liloba na Ye oyo elakamaki. “Sima na ntango moke, bamokili bakomona Ngai lisusu te. Yeliko, Ezipito, bakomona Ngai lisusu te. Nde bino bokomona Ngai, mpo ete Ngai . . .” “Ngai,” likitana bomei, etalisaka ntango nyonso yango, bomoni. “Nakozala elongo na bino. Nazali Elembo. Lisekwa na Ngai ezali Elembo. Misala oyo Ngai nazali kosala ekotalisa bino polele, ekotalisa Ngai polele kati na bino.”

393 “Ndenge ezalaki na mikolo na—na Lota, ekozala pe bongo na boyei ya Mwana na moto, ntango Nsango na mpokwa ekosakolama.”

394 “Mpo ete Pole ekozala na ntango ya mpokwa. Pene na ntango ya mpokwa, Pole ekoya.” Oh, nkembo na Nzambe! Nazali komiyoka lokola nakima mbangu koleka mampinga pe nápumbwa koleka etutu. Bomoni? Bomoni? “Pole ekozala na ntango ya mpokwa.” Ya solo. Mosakoli alobaki bongo.

395 “Nakozala elongo na bino. Nakozala na eleko ya Luther; Nakozala na eleko ya Wesley; Nakozala na eleko ya ba-Pantekotiste; kasi na ntango mpenza ya mpokwa, Pole ekoya.” Bato ya ba-denomination bakolimwa, na sima nde Elembo ekotiana. Pe baoyo nyonso bazalaki na motema sembo, kati na bileko, kozanga—kozanga bino bango ba—bakokóma na kobonga be te. Kasi kati na bino . . .

396 Ezali lokola motó esengeli kokende, kozua lokolo. Motó esengeli kokende, kozua loboko. Motó esengeli kokende, kozua motema. Motó esengeli kokende, kozua monoko. Bomoni, motó esengeli kokende.

397 Pe sikawa tokómi na ntango oyo elembo etiamaki na libaya ya ekuke, bomoni, pe likolo ya makonzi. “Pe na bongo, ntango Nakomona makila, lokola elembo, Nakoleka likolo na bino.”

398 Nakosala nokinoki sikawa, na lombangu nyonso sikawa. Tobakisa lisusu miniti mitano, to zomi, nde tokosilisa.

399 Ezali kotalisa ete Nzambe asekwisaki Ye longwa na bakufi. Bondimi yango? [Losambo balobi: “Amen.”—N.D.E.] Azali kobika katikati na biso lelo. Pe “Ngai” wana ezali Klisto. Ete “Ngai” azali elongo ná biso kino na suka ya . . . elobi *nsuka*, oyo elingi koloba “suka ya mokili.” “Ngai’ nakozala kino na suka ya mokili,” kokokana na Liloba na Ye oyo elakamaki. Alakaki yango. “Pe misala mizali Ngai kosala bokosala yango lokola.” Yango ezali bolema mpo na biso te. Ezali Elembo. Ezali Elembo.

400 Tondimi mbeka ya bulee ya Makila oyo. Tondimi Makila na Ye epesamaki mbeka, na sima epesi . . . Ye oyo apesi biso Bomoi, Elembo, elembo ya elaka na Ye. Baefese 4:30, elobi: “Bóyokisa makila mawa te?” Te. “Bóyokisa Molimo Mosantu mawa te, oyo bo . . .” [Losambo balobi: “*Botiami elembo.*”—N.D.E.] “Bozali na boyokani, botiami pembeni.” Bozali na boyokani. Bozali yango. Elembo, Molimo Mosantu, ekozala elembo. Ntango eloko ekangami na elembo na kati ya elembo, komeka kobuka yango te. Yo, okoki kobuka yango te, Elembo ya Nzambe te. Te. Bomoni? Mpo bozali . . . “Boyokisa Molimo Mosantu na Nzambe mawa te, na yango botiami elembo kino mokolo na lisiko na bino,” ntango nzoto ekosekwa.

401 Ezali momboto, elembetele ete momboto esili kopesama bomoi ná Bomoi ya Seko, “Zoe, ‘Bomoi na Ngai Moko,’ pe Nakosekwisa yango lisusu na mokolo ya suka.” Pe wana bozali

kotambola, bozali na ndanga ete Bomoi ya Klisto ezali kati na bino, pe bino bozali kati na Ye. “Biso nyonso tobatisami na Nzoto moko kati na Molimo moko, pe totiami elembo na nzela na Molimo Mosantu,” katikati na bandimi lokola oyo, “kino mokolo Yesu akosekwisa biso.” Oh! la la! Bótia Elembo. Yango nde ezali na ntina mpo na biso. Tozozela Mbeka oyo épesa biso Bomoi, pe Ezosala yango. Bongo Epesi biso Elembo, pe totié Elembo, yango nde Elembo kino. . . Kozala—kozala bazui likabo ya likambo Oyo, yango ezali mpenza litomba monene, kozala bazui likabo, baoyo babatisami na Molimo moko, kati na moko oyo emonan- . . . Nzoto oyo esimbamaka te.

<sup>402</sup> Nalobaki liloba yango malamumu, oyo *esimbamaka te?* Oyo emonanaka te, Nzoto oyo emonanaka te, Nzoto ya Yesu Klisto oyo emonanaka te. Bomoni, Molimo Mosantu alobaki: “Olobi yango mabe.” Moto mpamba lokola ngai, kasi Alobaki: “Olobi yango mabe,” nabengaki yango “*esimbamaka te,*” yango ezali Nzoto ya Yesu Klisto oyo emonanaka te, bomoni, Nzoto ya Yesu Klisto oyo emonanaka te. Nasengeli te. . . Tosengeli na mayele ya kelasi te; tosengeli nde na Molimo Mosantu. Ye azali Oyo asengeli. Bomoni? Ye azali Oyo asengeli. Iyo, bomoni, yango ezalaki. . . ekoki kobetisa moto moko libaku esika moko, molakisi-kelasi moko, sikawa nazolikya akososola yango malamumu. Nzoto oyo emonanaka te! Ekozala mpo na ntina moko, soki te Alingaki koloba yango te. Bomoni? Azali awa sikawa. Azali mpenza awa na eteyelo. Azali pe kuna. Ezali Ye. Bomoni? Fiou!

<sup>403</sup> Pe kati na Ye kufa ezali te. Kati na Ye mawa ezali te. Kati na Ye bolembu ezali te. Kati na Ye masumu ezali te. Kati na Ye bokono ezali te. Kati na Ye kufa ezali te. Tozali kati na Ye! Soki Satana ameki kopesa yo eloko moko, lokola bokono, kamata bobele Elembo na yo pe tia Yango. Oh! la la! Kamata Elembo na yo pe tia Yango, kotalisa ete ozali eloko esombami na Yesu Klisto. Elembo etalisaka ete ntálo esili kofutama.

Akoloba: “Na ntango okufi, obungi.”

<sup>404</sup> Lobá: “Ozali na libunga. Ngai nazali eloko oyo esombami. Nazali eloko oyo esombami. Nazali na Elembo.”

“Elembo ezali nini?”

<sup>405</sup> Ayebi nini oyo Yango ezali. Komeka te, komeka kosakana na ye te. Ayebi nini oyo Yango ezali. Bongo, okoki kosolola na baike na batei oyo, bakobéndana ná yo. Satana te; ayebi yango malamumu koleka. Bomoni? Oh, iyo. Atelemelaki yango, mbala mibale to misato, boyebi, pe asalaki libunga, na komekama. Satana ayebi likambo nini oyo ozali kolobela. Lakisa ye bobele Elembo, akokima. Iyo.

<sup>406</sup> Mpamba te, ezali nini? Ezali eloko ekangami na elembo. Akoki kofungola yango te mpo akotisa kuna na kati eloko moko oyo ezali malamumu te. Loba: “Longola loboko na yo!



Nakangami na elembo.” Oh! la la! Eloko ekangami na elembo! Iyo misie! Osombami. Simba Elembo likolo ya kondima na yo oyo eninganaka te kati na elaka na Ye, pe tala ndenge akokima. “Libondeli ya nguya ya moyengebeni ekosalaka mpe misala!” Bomoni? Bomoni? Kamata Elembo yango. Yango nde ntina na Yango. Satana azali wana mpo na komeka yo.

Azalaki na Ezipito, mpo na komeka.

<sup>407</sup> Ee, boyebi, mokolo wana ntango Rahaba atiaki mwasi na pite wana. . . Mwasi na pite atiaki nsinga wana, nsinga wana, nabanzi ete mwa basoda na bango basekaki pe batiolaki, balobaki: “Tala mobange ya mwasi ya liboma oyo kuna! Motó na ye ezali kosala te. Bótala, atii yango kuna. Ha, ha, ha! Ee, botikálá koyoka likambo ya boye? Ee, Docteur Jones, kuna, alobaki: ‘Yango ezali na eloko moko te.’” Kasi eloko ezalaki, mpamba te motindami moko uta na Nzambe amemaki nsango pe ayebisaki bango.

<sup>408</sup> Bokoki kobanza bato na Ezipito koloba: “Bótala ndenge. . . Tala, bótala etonga ya bato na maboma ya batúntuki wana, bazopakola makila! Ha, ha! Ekozala mpenza bosoto, ntango bakosukola yango! Oh, la la! Bandako na bango kitoko nyonso wana ezipami na makila! Oh, nsolo mabe boye! Nakoyebisa bino sima na mikolo ekozala somo. Ekozala na ntina ata moke te. Oyebi mpo na nini? Mpo tata Mosantu *Songolo-pakala* alobaki bongo.” Kasi ezalaki na ntina. Ezalaki bongo. Elakisaki mpenza eloko moko.

<sup>409</sup> Ezali na ntina moko epai na biso baoyo tondimi. Bomoni? Bóbosana te kondima na bino eninganaka te oyo bozali na yango na Liloba oyo! Sikawa, bozali lisusu Eva te. Bomoni? Bozali lisusu moko na babeti ntembe oyo te, pe, ee, kokakóláká ná Satana. Bino bósimba Liloba na Nzambe moko na moko. Bomoni?

Eva alobaki: “Ee, Nkolo alobaki bongo!”

<sup>410</sup> Satana alobaki: “Kasi, oyebi, solo mpenza, Nkolo akosala likambo ya ndenge wana na moto malamú lokola yo te. Oh, ozali mpenza moto malamú. Akosala yango te.” Oh, iyo, Akosala yango, pe. Alobaki Akosala yango.

<sup>411</sup> “Ee, tata na ngai azalaki motei. Ngai moko nazali motei.” Na—nakoki kosala lolenge mosusu te. Kozanga Elembo, obungi. Nkanda ezali likolo na yo, omoni, esili, kozanga Elembo. Omoni? Iyo. Alobaki Akosala yango, pe Akosala yango. Yango, yango ekati likambo. Alobi Akosala yango.

“Oh, ngai nandimaka ete ntango na bikamwa. . .”

<sup>412</sup> Iyo, kasi Ye alobaki ezali bongo te. “Nazali ndenge moko lobi, lelo, pe libela,” bomoni, yango nde oyo Ye atalisi polele oyo azali.

413 Sikawa, mpo na biso, toyebi yango. Mpo na bango, bandimaka Yango te. Kasi biso tondimaka Yango. Toyebi ete ezali Solo. Bomoni?

414 Sikawa, lokola tozali kati na yango, tokómi eteni na Liloba. Na sima bótia Elembó, Molimo, likolo na elaka: “Ngai nazali Yawe oyo abikisaka yo.”

415 Sikawa bómilengela mpo na liyangani ya lobiko na nzoto ya lelo na mpokwa. Bomoni? Bótia Elembó, pe bókangisa Yango na Liloba, likolo ya kondima na bino oyo eninganaka te na Liloba wana, okobima. Bongo, Yango nde—Yango nde eloko oyo ebenganaka ye, mpamba te kati na Ye eloko ya ndenge wana ezalaka te.

416 Nakosepela kotatola mwa moke sikawa, na ntina na makambo oyo namoni yango kosalema na mwa bampóso oyo eleki. Bomoni? Bomoni? Oh, ezali na matatoli mingi nakoki kopesa!

417 Boyebi, Luka alobaki: “Soki makambo nyonso Yesu asalaki ékomamaka na ba-buku, ba . . . ekokaki kozala na ba-buku ya kokoka te na mokili mpo na kokoma makambo yango.”

418 Bobele makambo oyo namoni na lotómo na ngai moko, oyo nasili komona Ye kosala, esika ekokoka te na etumbelo oyo mpo na kotondisa yango na ba-buku. Soki nakomaki yango na bolai, makambo oyo nasili komona Ye kosala bobele na lotómo na ngai moko, oyo namoni Ye kosala. Bomoni? Azuaki elonga mingi na lotómo na ngai, koleka oyo Azuaki na oyo ya Ye Moko. Ezali ya solo. Yango ezali na bande. Sikawa, bóbosana te, Ye nde azuaki elonga mingi koleka, ngai te; Ye nde. Nkembo! Aléluya!

419 Azuaki elonga mingi na Jeffersonville koleka oyo Azuaki na Nazaleta. Asalaki yango na engumba ya nkanza wana na engumba pe ya nkanza oyo. Amen! Nkembo! Mpamba te: “Akokaki kosala bikamwiseli kuna te,” kasi Asalaki yango awa. Sukasuka, Alongaki kofungola nzela awa. Asalaki yango awa. Ntango mosusu esengelaki na Ye komema bato bisika mosusu, kasi A—Asalaki yango, ata bongo. Boye, Azuaki elonga mingi awa koleka oyo Asalaki na—na Kapalanauma to—to na Nazaleta, na likambo yango. Asalaki bikamwiseli mingi awa na losambo oyo koleka oyo Asalaki na lotómo na Ye mobimba awa na mokili. Ya solo, Asalaki yango. Sikawa ndenge nini mpo na baoyo mosusu na mokili? Oh! la la! Sikawa, yango nde makambo oyo Ye asalaki.

420 Sikawa bóbosana te, “Ye” nde asalaki. Sikawa, elobaki ata moke te ete ngai nde nasalaki yango, bomoni, te, mpo ngai moto nasalaki yango te. Ngai te. Nalingaki na ngai bobele Ye pe namipesaki bobele na Ye, pe nalobaki oyo Ye alobaki, pe Molimo Mosantu akendeke epai na bato mosusu pe bandimaki makambo oyo Ye alobaki, na sima Asalaki mosala. Suka wana.

421 Soki Akoki komema biso nyonso tóndima yango! Makambo nini Ye akoki kosala sasaipi, soki Akoki komema biso nyonso kondima yango bobele sikawa, boye te? Ekozala na moto na bolembu moko te na engumba mobimba. Ya solo. Soki Akoki komema bato nyonso na kondima likambo yango, makambo nyonso ekosila. Bomoni?

422 Simba Elembo na yo likolo na kondima na yo oyo eninganaka te na Liloba na Ye oyo elakami, pe Satana akolongwa.

Nalingi kosilisa sikawa.

423 Kalakala Nzambe apesaki mokili elembo mosusu; ezalaki monama. Bóyebi lisusu yango? [Losambo balobi: “Amen.”—N.D.E.] Atikálá ntango nyonso, ntango nyonso sembo na elembo yango, mpo Apesaki yango lokola elembo. Kati na ba-nkoto na mibu nyonso oyo, Azangá kotalisa polele elembo yango ata moke te. Ezali solo? [“Amen.”] Mpo na nini? Azali komemia yango. Apesaki yango. Apesaki mokili elembo ete Akobebisa lisusu mokili na mpela te. Pe, kobanda mokolo wana, Akomá kotalisa yango ntango nyonso, ntango nyonso.

424 Ezali na biloko moko na mopepe, oyo esalaka monama yango. Ntango mbula ebetaka, pe mói ebimaka, yango emonisaka yango. Moi ekaukisaka mbula, boye Ye atiaki monama kuna mpo na kotalisa polele ete mai ya mingi koleka ekotikáláká konoka na mokili te mpo na kobebisa yango lisusu. Wana ezali boyokani na Ye. Ezali elembo. Alobaki: “Nakopesa bino yango lokola elembo.”

425 Amemiaki elembo na Ye. Amemiaki elembo na Ye na mikolo na Nowa. Azali naino kotalisa yango. Amemiaki elembo na Ye na Ezipito. Amemiaki yango na Yeliko. Azali komemia Yango lelo. Amemiaka Elembo na Ye ntango nyonso, ntango etalisamaka.

426 Kati na ba-nkoto na mibu nyonso oyo, Asepelaki kotalisa elembo yango. Abosanaka yango soko moke te. Abosanaka elembo na Ye te. Bongo, etali te boni boni mokili ékobongwana, monama ékokoba kozala wana. Bomoni, Azali komemia elembo yango.

427 Ezali pe bongo sikawa, Azali komemia Elembo na Ye. Etali te boni boni lingomba ebongwani, boni boni esali *boye*; Nzambe azali kaka komemia Elembo na Ye, bobele yango. Ezali kotalisa biso ete Azangaka komemia makambo Ye asalaka pe oyo Alobaka ata moke te. Bisó tondimaka, to—totósaka Yango. Ngai nasalaka yango.

428 Azali kotalela biso pe mpo na tótalisa Elembo na Ye likolo na kondima na biso, liboso na Satana ná biyamba pe badenomiántion na ye nyonso oyo ezangá kondima, kotalisa ete tondimi ete elaka na Ye ezali solo, pe Akosala oyo Alakaki kosala. Oyo wana nde Lingomba.

429 Ékokamwisa te ete bazokoka kobeta mongété te, ndenge tolobaka; bólimbisa elobeli yango. Ékokamwisa te ete bazokende esika moko te kasi bazozonga na denomination pe kozala etonga ya bato oyo balingá kolata kitoko, bato batángá mingi, bato na mayele, bayékólá. Bakendeke esika moko ata moke te, mpamba te yango nde eloko oyo batalisaka: “Nazali Metodiste. Nazali Presbiterien.” Yango nde nyonso oyo bango bazali.

430 Kasi bandimi bazuaka nde Elembo! Pe makambo oyo Yesu abandaki kosala na Galilea, Azokoba kosala yango sikawa na nzela na kotalisa polele Elembo na Ye, Molimo Mosantu oyo ezongi na Lingomba. Mpo, ezalaki misala ya bantoma te, ezalaki misala ya Molimo Mosantu kati na bantoma, pe yango ezalaki Elembo.

431 Bato balobaki ete basengelaki kokeba na Petelo ná Yakobo, lokola bango. . . Petelo ná Yoane, ezalaki bango koleka liboso ya ekuke ebengami Kitoko, emonanaki ete bazalaki baingá. Ntango mosusu bazalaki koloba: “Hit, hain’t, tote, tear, fetch, carry. Nakolobela yo *oyo*.” Bomoni? Ntango mosusu bazalaki kosalela grammair te. Ntango mosusu bayebaki kosala bokeseni te, ya ma—ma. . . ya matematíki nyonso ya Liloba. Kasi basengelaki koyeba ete bango bazaláká elongo ná Yesu. Bakokaki kotalisa Elembo yango, mpo ete Molimo moko oyo ezalaki likolo na Ye, liboso ya kobakema na Ye na ekulusu, ezalaki likolo na bango sima na lisekwa. Amen!

432 Yango nde ekomisi Ye Baebele13:8, “Yesu Klisto ndenge moko lobi, lelo, pe libela.” Tala ndenge oyo toyebi ete Azali na bomoi. Ezali mpo na nini? Ndenge nini toyebi ete tozali na bomoi? Mpo Ye azali na bomoi. Pe lokola toyebi tozali na bomoi, ezali mpo tozali lokola Ye, pe tozali kati na Ye. Pe Ye alobaki: “Mpo Ngai nazali na bomoi, bino pe bozali na bomoi. Ngai nazali Ye,” kati na Emoniseli, “oyo akufaki, pe azali na bomoi libela na libela.” Pe soki—soki tokufi na biso moko, pe tokómi na bomoi kati na Ye, tozali na bomoi mpo na libela na libela. Na bongo, Bomoi na Ye kati na biso ezali mpenza lokola bomoi ya eloko mosusu nyonso, Etalisaka oyo Ye azalaki. Pe yango ekomisaka Ye lolenge moko lobi, lelo, pe libela.

433 Sikawa, ekosalema ndenge nini, na ntango bazali kowangana Yango? Bozomona te “misala na kufa”? Bósalela Nzambe na bomoi, na nzela ya Seko. . . nalingi koloba boyokani ya libela, ya Bomoi oyo ezalaki kati na Makila ya Yesu Klisto. Sikawa tókoba, mpo na kosilisa, ngai. . . Ee, nakanisi, tokosukisa awa. Bomoni, kotalisa polele Elembo ya ngolu na Ye, ya bolingo na Ye! Sikawa, kozanga kotia Elembo oyo. . .

434 Sikawa, ezali Elembo. Elembo ezali nini? Elembo ezali elembetele ya nyongo oyo esili kofutama. Ntalo oyo esengamaki esili kofutama. Ntalo ya lobiko na biso ezalaki kufa, bomoni, pe moto moko te akokaki kofuta yango, bobele Klisto. Ezali te

mo—molimo ya denomibnation, molimo ya pápa te, molimo ya moto moko to ya mosantu moko te; kasi Molimo ya Yesu Klisto, likolo ya Lingomba, ezali Elembo ete nyongo esili kofutama pe Ye akokisaki eséngisi nyonso oyo Nzambe asengaki, pe biso ná Ye tokómi eloko moko. “Na mokolo yango, bokoyeba ete Ngai nazali kati na Tata, Tata kati na Ngai; Ngai kati na bino, pe bino kati na Ngai.”

<sup>435</sup> Bótia Elembo! Bótia Elembo ya lisekwa na Ye. Ete, lokola Ye asekwaki mpo na kolongisama na biso, Asili kosekwisa pe biso elongo ná Ye. Pe sikawa tofandi na bisika na Likolo, kati na Klisto Yesu, na nsé ya kosangana na bondeko ya Elembo.

<sup>436</sup> Lokola Yisalaele bafandaki kuna, pe bato bazalaki koganga, na balabala, bango bazalaki na ntina ya komitungisa ata moke te. Likambo bobele moko ezalaki koyeba malamú ete makila, elembo, ezalaki komonana.

<sup>437</sup> Yango nde eloko bobele moko oyo tosengeli komitungisa mpo na yango na ngonga oyo. Bolozi ezali na—na nzela, kosalema, bandeko. Ekoumela ntango molai te, bolozi elingi kobeta. Boyebi yango. Bóyeba malamú mpenza ete Elembo ezali komonana. Pe Elembo ezali Molimo Mosantu. “Mpamba te na nzela na Molimo moko, biso nyonso tobatisami na Nzoto moko, pe tokomi bazui likabo ya nkembo na Ye,” kokende na Mboka na biso, na Ndako na biso, kotambola sikawa kino na Mboka na elaka.

<sup>438</sup> Bolingaka Ye? [Losambo balobi: “Amen.”—N.D.E.] Bondimi Elembo? [“Amen.”] Bato boni bakolinga koloba: “Oh, Ndeko Branham, bondela mpo na ngai, mpo náya na nsé na Elembo yango?” [“Amen.”]

Togumba mitó.

<sup>439</sup> Nkolo Yesu, Yo Oleki na Boboto! Ntango mokili ezalaki kati na masumu, pe moto moko te akokaki kosunga, Nzambe, na mawa, atalisaki liboso, na nzela na elilingi, ete Elembo moko ekoya, oyo ekolongola masumu; bobele kozipa yango te, kasi ekoki kolongola yango. Pe Yesu ayaki na ntango elongobani, pe Ye asopaki Makila, Bomoi na Ye moko, kokamata . . . kosalela biso bolimbisi mpo na masumu na biso, na sima kozongisa Ye lisusu na lolenge ya Molimo Mosantu, oyo ezali sikawa Elembo oyo esengeli kobatela Lingomba kino Ye akoya. Mpo Ntoma Petelo alobaki: “Elaka yango ezali mpo na bino, pe bana na bino, pe bango nyonso bazali mosika, baoyo nyonso Nkolo Nzambe na biso akobianga.”

<sup>440</sup> Nkolo, na ngolu na Yo, na lisungi na Yo, nazali kosenga moto nyonso oyo ayoki Nsango oyo. Nazali kosenga bango mpo na Nzambe, nabondeli Yo, Nkolo, mpo na baoyo bazali awa na ntongo ya lelo pe baoyo bakoyoka yango na bande. Pe soki Momboto moko ezali esika moko, oyo ebongisámá liboso, Nkolo, mpo na koyoka Liloba ya ntango na suka oyo, tika ete báya sikawa, na boboto pe na komikitisa, bákitisa mitole na bango

na ekulusu, to bango moko, bámipesa lokola mitole ya ngolu na Nzambe oyo abiangi bango. Pe tika ete bátondisama na Molimo Mosantu pe bátalisa Elembo ya Bomoi ya Yesu Klisto kati na lisekwa na Ye, na ntango nyonso oyo bakozala awa na mokili. Kokisa yango, Nkolo.

<sup>441</sup> Maloba oyo, Nkolo, ntango mosusu nalobi Yango malamumu te. Pe soki ezali bongo, nabondeli ete Molimo Mosantu akamata Maloba yango pe ápesa Yango na lolenge oyo Yango esengelaki kopesama, mpo bato básosola pe báyebe, na mayele mabe te. Pe tika ete báyebe ete bolingo esembolaka. Pe bákoka koyeba ete ezali mpo na ntango oyo tozali kobika na yango, pe boyei na Nkolo ebelemi, pe tozali komona minda mitane minene kopela, na mokili mobimba, kotalisa ete ntango ekómi pene.

<sup>442</sup> Tika ete bato bázua Molimo Mosantu lelo oyo! Nabondeli, pe napesi bango epai na Yo, na Nkombo na Yesu Klisto. Pe tika ete Yango ézala Elembo mpo na biso na ntango nyonso oyo tokozala na bomoi, ndenge Olakaki ete Ekozala. Ekozala pete kosenga yango, mpamba te Olakaki ete Ekosalema, pe nayebi Ekosalema. Tobondeli na Nkombo na Yesu. Amen.

Sikawa, ndenge togumbi mitó, mwa miniti moke.

<sup>443</sup> Ná kondima, nazondima, nabondeli mpo na bino, nyonso oyo nakokaki. Na—nabondelaki na bosembo nyonso, ná nyonso oyo ngai nayebi ete nakoki kobondela mpo na yango.

<sup>444</sup> Bótala, nasosoli yango. Boyebi? Nabikaka na moko na zomi ná makabo na bino. Ezali lisungi na bino, awa na losambo oyo, nde nazali na bato oyo nakoki koteya bango. Ezali bolingo na bino, ná ba “amen” na bino, ná boyokani kati na bondeko na bino. Pe maloba na bino malamumu bipai nyonso bokendeke, na mokili, na bituka ndenge na ndenge ya ekólo oyo, ezali maloba na bino nde ezali kosunga mpo na kopalanganisa Nsango oyo. Ezali bino nde. Tozali basali elongo kati na yango, elongo ná Klisto. Tozali bandeko mibali pe basi, pe Ye azali Mokonzi na biso. Pe ngai nalingi bino. Na—na—na—na, epai ngai nazali, nalingi bino pe bózala wana. Nakumbaka motuka na ekólo mobimba, mpo na kosolola na bino mbala mibale to misato. Nazalaka na mposa makasi ya kokutana ná bino awa na ntongo mokolo ya lomingu. Nalingi bino. Nalingaka bino ntango nyonso. Ntango mosusu esengelaka na ngai koloba makambo makasi, kasi ezali bobele mpo na kosembola. Bomoni, ezali bobele mpo nalingi bino, bomoni, pe nalingi te bózanga Yango. Bino, bosengeli kosala yango te.

<sup>445</sup> Sikawa, na boboto pe na komikitisa mpenza, na motema na bino mobimba, na bozindo na yango mpenza, bóyamba Yango. Bóloba: “Nkolo Yesu, bobele sikawa, kamata mpenza nyonso oyo ezali kati na ngai, oyo ekesani na Yo, pe tika ete nabimisa lolendo na ngai nyonso, nyonso oyo ezali kati na ngai. Mbindo nyonso, kozanga kondima nyonso oyo ezali kati na ngai, na—

naboi yango sikawa, Nkolo. Nabwaki yango libanda. Pe tika ete Molimo Mosantu ya bopolo ya Nzambe, lokola ebengá, ekita kati na ngai. Na—nalingi kobika Seko na seko, Nkolo, pe na—nalingi ete Osunga ngai na ntango oyo. Kokisa yango sikawa.”

<sup>446</sup> Wana bozali kobondela, tokoyemba loyembo oyo na nsé ya mongongo, to tokoyemba na mongongo ya nsé, elongo, *Nalingi Ye*. Pe, bóbosana te, eyaka na nzela na bolingo, mpo Ye azali bolingo. Na ntango nazali kotia maboko likolo ya misuále oyo, mpo bato bákoka kozua yango liboso na mpokwa oyo.

Nalingi Ye, nalingi Ye  
Mpo Alingaki ngai liboso  
Asombi lobiko na ngai  
Likolo na Ekulusu

Nalingi Ye, nalingi Ye.  
Mpo Alingaki ngai liboso,

Sikawa, pesa Ye bomoi na yo mpenza.

Asombi lobiko na ngai  
Likolo na Ekul- . . .

<sup>447</sup> Bólinga, bólinga, bólinga Ye. Bótala oyo Ye asili kosala mpo na bino. [Ndeko Branham abandi koyemba na nsé ya mongongo *Nalingi Ye*—N.D.E.] Ezali na nzela ya bolingo. Bolingo ememaka botosi. Bolingo ememaka masolo ya bolingo. Bolingo ememaka libala. Pe kuna nde tozali kokende: na Elambo ya Libala ya Mwana-mpate. Nazali koyoka Mobikisi na ngai kobenga, ete Ye pe alingi ngai. Ngai pe! Ngai. . .

<sup>448</sup> Na motema na yo mobimba, yoka mpenza Eloko moko ya bopolo kokota kati na yo. Yango nde Molimo Mosantu.

Mpo Alingaki ngai liboso  
Asombi lobiko na ngai  
Likolo na Ekulusu.

<sup>449</sup> Soki. . . Nakotombola maboko na ngai, elongo ná liyangani, miziki ezali kobeta. Soki nasalaki masumu, soki nasalaki likambo moko ya mabe. . .

Nazobondela mpo na bino sikawa, pe mpo na ngai moko.

<sup>450</sup> Soki nasalaki eloko moko ya mabe, natomboli loboko na ngai epai na Yo, Nkolo, kotalisa ete nayoki mawa. Natomboli loboko na ngai epai na Yo, Nkolo, kotalisa ete nalingi te—nalingaki kosala yango te. Pe nayebe ete nazali kokufa, Nkolo. Esengeli ete nátika mokili oyo, na lolenge ya nzoto. Nalingi kokutana na Yo. Loboko na ngai elingi koloba, kamata yango, Nkolo. Tondisa ngai na Molimo. Pesa ngai Elembo ya bolingo na Yo likolo na ngai, Molimo Mosantu, oyo ekosala ete nábika na boboto, na bopolo, oyo ekosala ete nábika Bomoi oyo ezalaki kati na Klisto; ete motema na ngai ekopela móto mpo na bamosusu, ete na moi to na butu, názala na kimia mpenza te, kino nákoka kozua bato nyonso nakoki kozua. Nakozala lokola batindami na Yeliko;

nakokende epai na bato nyonso nakokoka, pe kotala soki nakoki komema bango koya na nsé ya boyokani ya Makila, na nsé ya Makila ya Mwana-mpate, mpo bákoka kozua Elembo.


<sup>451</sup> Bomoni, Makila epetolaka. Molimo ezali Elembo ete Makila esili kotiamama. Bomoni? Molimo ezali Elembo ete Makila esili kotiamama. Kino Makila étiamama, mo—Molimo ekoki koya te. Kasi ntango Makila etiami, na ntango wana Molimo ezali Elembo, ezongisáká yango epai na yo, kotalisa ete kondima na yo na Makila esili kondimama, ete tiké na yo efutami. Tiké na yo efutami. Nyonso esili. Likambo esuki. Ozali Moklisto. Ozali mondimi. Klisto azali kati na yo, pe yo ozali kati na Klisto.

. . . alingaki ngai liboso  
Asombi lobiko na ngai  
Likolo na Ekulusu.

<sup>452</sup> Ná mitema na bino egumbami sikawa liboso na Nzambe; nakotikela mokengeli na bino, Ndeko Neville, maloba ya suka pe makambo oyo ye akolinga koloba.

<sup>453</sup> Bóbosana te liyangani ya mpokwa oyo, liyangani ya lobiko na nzoto. Bóya na ntango malamumu. Tóbanda na ngonga ya nsambo, mpo námata na eteyelo na ngonga ya nsambo na ndambo. Ndeko Neville, ezali malamumu bongu? [Ndeko Neville alobi: “Ezali malamumu.”—N.D.E.] Bongu tokozala na elambo, bomoni, na mpokwa. Boya!

<sup>454</sup> Na sima na nzánga oyo, bókoba kokangama na Yango. Bótika Nsango oyo étangwa na bino te. Bóbosana te, bótika Nsango oyo etangwa mosika na bino ata moke te!

<sup>455</sup> Makila ekozala Elembo ete Bomoi epesamaki. Bomoni? “Pe ntango Nakomona Makila, Nakoleka likolo na bino.” Molimo Mosantu ezali Elembo ete Makila etiamaki na motema na yo, pe Ezali Elembo ete Makila etiamaki. Soki etiamá naino te, na bongu Elembo ekoya pe te. Bososoli? Boloba: “Amen.” [Losambo balobi: “Amen.”—N.D.E.] Makila esengeli étiamama, bongu na sima Elembo ekoya. Ezali Elembo ete Makila ya lisiko esili kotiamama pe tiké na yo efutami. Nzambe ápambola bino. Ndeko Neville. 



*ELEMO* LIN63-0901M  
(Token)

Liteya ya Ndeko William Marrion Branham oyo, eteyamaki liboso na Anglais na lomingo na ntongo, mokolo mwa 1, sanza ya libwa, na mobu 1963, na Branham Tabernacle na Jeffersonville, Indiana, U.S.A., ekamatamaki uta na bande pe ekomamaki mobimba na Anglais. Ndimbola ya Lingala oyo ekomami pe ekabolami na Voice Of God Recordings.

LINGALA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Liyebisi ya makoki ya mokolo-eloko

Makoki nyonso ekopesama na ndingisa. Búku oyo, ekoki kozala imprimé na masíni ya ndako mpo na yo moko to kokabama, ofelé, lokola esalelo mpo na kopalanganisa Nsango Malamu ya Yesu Klisto. Búku oyo ekoki kotekama te, koyíkanisama te, kotiana na site internet te, kobombama mpo na kolukaluka te, kolimbolama na nkota mosusu te, to kosalela yango mpo na kosenga misolo te, kozanga ndingisa ekomami mpenza na Voice Of God Recordings®.

Soki olingi koyeba makambo mosusu to kozua bisalelo mosusu, komélá:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)